

明史稿

本紀第九

光祿大夫 經筵講官明史總裁戶部尚書加七級臣王鴻緒奉  
敕編撰

景帝

恭仁康定景皇帝諱祁鈺宣宗次子也英宗卽位封郕王正  
統十四年秋八月英宗北狩奉皇太后命監國丙寅斂通州  
糧入京徵兩畿山東南備倭運糧諸軍入衛戊辰令羣臣  
直言時事舉人才擢于謙兵部尚書庚午籍太監王振家石  
都御史陳鑑撫安畿內軍民乙亥修撰商輅彭時入閣預機  
務九月戊寅增兵守居庸關及諸隘癸未卽皇帝位大赦天  
下以明年爲景泰元年詔方面御史復行保舉免景泰二年

田租十之三甲申夷王振族癸巳都指揮僉事李鐸奉皇太后命達於上皇所甲午遣使祭宣府土木陣亡將士瘞其遺骸辛丑兵科給事中孫祥兵部郎中羅通爲右副都御史守紫荆居庸關甲辰侍講徐程等行御史事與御史白圭等募兵於畿內山東山西河南都督同知陳友討湖廣貴州叛苗丙午首開平越調四川雲南兵會王驥討之以前廣東參議楊信民爲右僉都御史討廣東叛賊黃蕭養冬十月戊申也先擁上皇至大同庚戌至陽和壬子詔諸王勤王乙卯于謙提督諸營武清伯石亨等分守九門丙辰也先陷紫荆關孫祥死之京師戒嚴丁巳詔宣府總兵官楊洪遼東副總兵焦禮施聚山東山西河南陝西巡撫募兵御史將兵入援戊午

上皇至盧溝橋致書於帝諭羣臣固守也先陣西直門上皇  
止德勝門外都督高禮毛福壽敗敵於彰義門北己未也先  
擁上皇登上城叟大臣迎駕以通政司參議王復爲右通政  
中書舍人王榮爲太常少卿出城相見也先邀于謙等出拒  
之庚申遣使徵朝鮮等兵調河州諸衛土軍入援于謙石亨  
等連敗敵衆別部攻居庸關亦爲守將所敗壬戌也先擁上  
皇由良鄉西去焚長陵獻陵景陵諸寢殿甲子上皇出紫荆  
關丁卯詔止勤王兵瓦剌可汗脫脫不花使來辛未昌平伯  
楊洪充總兵官都督孫鏗范廣副之勦畿內餘寇壬申敗之  
於霸州甲戌修復三陵寢殿十一月癸未修沿邊關隘辛卯  
毛福壽爲總兵官討辰州叛苗壬辰上皇至瓦剌乙未刑部

侍郎耿九疇撫鳳陽諸府流民丁酉僉都御史蕭啓祝暹  
陸矩鎮河間保定真定十二月庚戌尊皇太后爲上聖皇太  
后辛亥王驥爲總兵官討貴州叛苗都督同知董興爲左副  
總兵率江西廣西軍討黃蕭養戶部侍郎孟鑑參贊軍務癸  
丑尊生母賢妃吳氏爲皇太后甲寅立妃汪氏爲皇后丙辰  
詔赦天下己未武清侯石亨昌平侯楊洪安遠侯柳溥等分  
練京營軍癸亥瓦剌寇大同官軍擊却之是冬寇犯甘肅是  
年琉球中山朝鮮占城烏思藏瓦剌撒馬兒罕俱入貢  
景泰元年春正月丁丑朔以上皇在北罷朝賀午享太廟  
丙戌大祀天地於南郊甲午石亨楊洪備大  
寅寇掠寧夏庚午都督郭登敗瓦剌兵於沙

柘山封登定襄伯辛未停浙江諸處織造二月戊寅耕藉田  
丙戌石亨爲鎮國大將軍充總兵官巡大同都指揮同知楊  
能充遊擊將軍巡宣府三月己酉瓦剌自朔州入寇辛亥錄  
土木死事諸臣後癸丑瓦剌寇寧夏抵慶陽乙卯寇朔州夏  
四月丙子廣東都指揮李昇何貴等追海賊被殺辛巳瓦剌  
寇大同官軍迎戰禽其將丁亥梁瑄代王驥討貴州叛苗丙  
申瓦剌寇鴈門丁酉入石峯口燒關門而去己亥都指揮石  
瑞等練兵於真保二府涿易通三州都督同知劉安爲總兵  
官領之僉都御史曹泰參贊軍務庚子賑山東饑辛丑賑畿  
內被寇州縣癸卯瓦剌寇大同郭登擊却之五月乙巳免山  
西被災者稅糧瓦剌掠河曲及義井屯堡分兵自代州南下

詔劉安督涿易諸軍禦之副總兵都督僉事田禮討敗貴州  
叛苗戊申瓦刺寇鴈門益兵黃花鎮以衛陵寢辛亥寇宣府  
癸丑寇威遠乙卯以旱災星變錄囚丙寅侍郎侯璉等破貴  
州叛苗辛未瓦刺知院阿刺貢馬請和六月己卯總兵官黃  
興等破廣東餘賊執黃蕭養父賊平壬午瓦刺寇大同郭登  
擊却之丙戌也先復擁上皇至大同丁亥下左都御史陳鎰  
王文於獄尋釋之戊子瓦刺寇宣府都督朱謙參將紀廣禦  
却之庚寅寇大同戊戌阿刺復遣使貢馬免山東被災者稅  
糧己亥禮科都給事中李寔為禮部侍郎大理寺丞羅結為  
右少卿使瓦刺秋七月戊申瓦刺可汗使來庚戌尚書侯璉  
參將方瑛破貴州苗禽偽苗王王阿同等送京師伏誅庚申

右都御史楊善工部侍郎趙榮使瓦剌癸亥李寔還自瓦剌  
己巳楊善抵瓦剌也先許送上皇還八月癸酉上皇發瓦剌  
戊寅祀太社太稷遼東被寇總兵官曹義等擊却之壬午上  
皇至宣府甲申遣侍讀商輅迎上皇於居庸關丙戌上皇還  
京師帝迎見於東安門遂入南宮帝及百官朝謁庚寅赦天  
下辛卯刑部侍郎江淵兼翰林學士入閣預機務九月癸丑  
河南巡撫王來爲右都御史總督湖廣貴州軍務討叛苗冬  
十月辛卯錄囚癸巳免畿內逋賦己亥梁琦等破貴州苗十  
一月壬寅僉都御史王竑同都督僉事徐泰總督漕運辛亥  
上皇壽辰尚書胡濙等請朝賀不許十二月丙申胡濙等請  
明年正旦百官朝上皇於延安門不許是年朝鮮貢馬三次

以備戰陣之用瓦刺貢駝馬

二年春正月壬子詔天下朝覲官運糧口外二月辛未幸太學釋奠於先師辛卯以星變命廷臣條寬恤事行之夏四月乙酉梁瑤王來等破貴州叛苗獲偽王韋同烈以獻甲午寇犯宣府馬營五月乙巳城固原庚申遣瓦刺可汗脫脫不花書六月己卯命貴州有司修舉屯政秋七月戊申普定五寧舉節諸苗復叛命梁瑤等留軍討之八月辛巳復午朝冬十月免山西被災者稅糧十二月庚寅禮部左侍郎王一寧祭酒蕭鑑並兼翰林學士入閣預機務壬辰也先弒其子脫脫不花是年朝鮮安南琉球中山瓦刺哈密俱入貢

三年春二月乙酉副都御史劉廣衡錄南京囚虜于市



尚書金濂於獄尋釋之三月戊午毛福壽等討湖廣巴馬諸  
叛苗克之夏五月甲午廢皇太子見深爲沂王立皇子見濟  
爲皇太子廢皇后汪氏立太子母杭氏爲皇后封皇子見清  
爲榮王見淳許王大赦天下乙巳官顏孟二氏子孫各一人  
六月乙亥免各省巡撫八月入京事有應議具疏以聞是月  
大雨水河決沙灣秋七月乙未左都御史王翱總督兩廣軍  
務壬寅王一寧卒八月戊辰右都御史洪英尚書孫原貞薛  
希璉等分行天下考察官吏丁丑免兩畿被水者稅糧發廩  
賑之乙酉賑南畿河南山東被水流民九月庚寅江淵起復  
辛卯以南京地震兩淮大水河決久不治命都御史王文巡  
視安輯乙未賑兩畿山東山西福建廣西江西遼東被災者

閏月癸未復開處州銀場是月福建盜復起冬十月戊戌以  
閣臣請增置閣員命左都御史王文淵閣辦事丙辰  
都督孫鏜僉事石彪協守大同都督同知衛穎僉事楊能張  
欽協守宣府以備也先十一月戊辰都督方瑛平白石崖諸  
苗甲戌命畿內山東山西有司撫恤逃民復賦役五年是月  
免畿內山東被水者稅糧十二月癸巳始立團營太監阮讓  
都督楊俊等分統之聽于謙石亨及太監劉永誠曹吉祥節  
制庚子命布政按察二使缺官三品以上保舉丙辰免河南  
被災者秋糧是年瓦剌琉球中山朝鮮瓜哇暹羅安南哈密  
烏思藏俱入貢

四年春正月壬午河決沙灣新口二月戊子五開濟次諸

叛命梁瑤王來討之庚戌

江西去年被災者秋糧三月戊

寅開建寧銀場夏四月戊子築沙灣決口己酉詔天下生員  
納米徐州東昌臨清以賑死者許入監讀書五月丁巳出徐  
淮倉粟賑饑運蘇州糧以初之己巳王文起復壬申留山東  
應運米九十二萬石以備賑甲戌徐州大雨沒稼以改撥支  
運及鹽課糧賑之乙酉河復決沙灣六月壬辰下吏部尚書  
何文淵於獄尋釋致仕辛亥瘞土木大同紫荆關暴骸七月  
庚辰停諸不急工役八月己丑賑河南饑甲午也先自立爲  
可汗丁酉下巡撫都御史洪英於獄尋釋致仕冬十月甲午  
以徐有貞爲右僉都御史治沙灣河戊戌也先獻馬十一月  
辛未皇太子薨十二月乙未免山東被災者稅糧乙巳發帑

金三十七萬兩分遣御史賚各邊軍士是年朝鮮琉球中山安南瓜哇日本占城喀密俱入貢

五年春正月戊午黃河清自龍門至於芮城禮官請表賀不許壬申罷福州建寧銀場甲戌平江侯陳豫學士江淵撫軫山東河南被災軍民廷臣議寬恤事宜推行於畿輔二月乙巳以雨暘弗時諭廷臣修省陳弭災之道三月辛酉學士江淵副都御史王竑賑淮北饑民王文撫恤揚州蘇州諸府甲子總督兩廣副都御史馬昂破瀧水獺俘其首以獻庚辰緬甸執思機發檻致京師伏誅夏四月壬午朔日有食之辛卯方瑛破草塘苗俘其酋以獻誅之辛丑以江南北屢災遣高穀祭祖陵皇陵孝陵五月甲子下禮部郎中章綸御史鍾同

於錦衣衛獄六月戊子錄囚秋九月壬戌免蘇松常揚杭嘉湖七府漕糧二百七萬石別運淮徐臨德四倉糧以補之冬十月庚辰劉廣衡巡撫浙江福建專司討賊十一月戊午罷蘇松常鎮織造採辦十二月免蘇松常鎮揚杭嘉湖八府被災者秋糧是年安南朝鮮琉球中山瓜哇俱入貢也先爲知院阿剌所殺

六年春二月壬午太監王誠同法司刑科錄囚大理少卿李茂等錄南京浙江囚夏四月辛巳以災傷勅戶兵二部兩畿山東河南浙江湖廣撫按三司官條具寬恤事宜罷諸不急務五月己巳躬禱雨南郊六月癸未河決開封秋七月乙亥沙灣決口隄成庚寅以南京屢災勅諸臣修省八月乙巳考

察御史庚申杖南京大理少卿廖恭於闕下禮部則中書  
御史鍾同於獄同卒九月乙亥賑蘇松饑民米麥一百萬餘  
石冬十月戊午免陝西被災者稅糧十一月乙亥南和伯方  
瑛爲平蠻將軍充總兵官署都督僉事白玉充副總兵討湖  
廣叛苗十二月己巳免南畿被災者秋糧是年琉球中山朝  
鮮暹羅哈密滿刺加俱入貢

七年春正月己卯尚書石璞撫安湖廣軍二月庚申皇后崩  
甲子營壽陵三月戊寅免雲南被災者稅糧夏五月戊寅以  
星變勅内外文武官修省六月庚申葬肅孝皇后冬十月癸  
卯賑江西饑十二月己亥方瑛破苗百六十餘寨戊午賑畿  
內山東河南水災癸亥以疾罷明年元會是冬免畿內山東

江南被災者稅糧又盡蠲天下景泰以前通賦是年琉球中山朝鮮撒馬兒罕烏思藏俱入貢

八年春正月丁丑輿疾宿南郊齋宮己卯胡濙等請建太子不許壬午武清侯石亨副都御史徐有貞等迎上皇復於位二月乙未廢帝爲郕王遷之西內庚子皇太后吳氏以下皆復故號壬寅掌欽天監禮部侍郎湯序請革景泰年號不許癸丑郕王薨於西宮年三十諡曰戾毀所營壽陵以親王禮葬金山給武成中衛軍二百戶守護成化十一年十二月戊子制曰朕叔郕王踐阼戡難保邦奠安宗社殆將八載彌留之際奸臣貪功妄興讒構請削帝號先帝旋知其枉每用悔恨以次抵諸奸於法不幸上賓不及舉正朕敦念親親用成

先志可仍皇帝之號其議論以聞遂上尊諡勅有司修繕陵  
寢祭享如諸陵

明史彙

本紀第九終



明史藁

本紀第十

光祿大夫 經筵講官明史總裁戶部尙書加七級臣王鴻緒奉

敕編撰

英宗後紀

天順元年正月壬午昧爽武清侯石亨都督張軹張軌都御史楊善副都御史徐有貞太監曹吉祥等以兵迎帝於南宮御奉天門百官入賀退御文華殿命有貞以原官兼翰林學士入閣預機務召陳循等草制宣諭羣臣日中御奉天殿卽位執子謙王文中官王誠舒莧等俱下錦衣衛獄以太常卿許彬爲禮部右侍郎兼翰林學士入閣預機務甲申大理寺卿薛瑄爲禮部右侍郎兼翰林學士入閣預機務丙戌詔示

臣民改景泰八年爲天順元年大赦天下論迎駕功封石亨忠國公張軌太平侯張輓文安伯楊善興濟伯擢曹吉祥嗣子欽都督同知丁亥殺于謙王文及王誠舒良等籍其家謫陟循江淵等戍邊黜蕭鎡商輅等爲民己丑再論迎駕功官舍旗軍遷級者凡三千餘人辛卯罷諸巡撫提督官壬辰榜于謙王誠黨人及郟府舊僚示天下二月乙未黜郟府舊僚禮部尙書章文等有差庚子高穀致仕汰部院諸臣癸卯吏部右侍郎李賢兼翰林院學士入閣預機務戊申柳溥破廣西叛蠻癸丑郟王薨戊午方瑛石璞破叛苗壬戌免南畿被災者秋糧三月己巳皇太子復於位封皇子見濬德王見澍秀王見澤崇王見浚吉王癸酉封徐有貞武功伯乙亥大賚

文武軍民庚辰石亨爲征虜副將軍勦寇延綏丁亥賑山東  
饑夏四月甲午以災異數見躬禱上帝命廷臣列軍民利病  
以聞乙未免浙江被災者稅丁丙申湖廣貴州總兵官方瑛  
破銅鼓藕洞諸叛苗丙午大學士徐有貞等察罷監司知府  
三十六人丁未錄囚癸丑罷~~○~~乙卯寇犯寧夏五月辛未  
詔安遠侯柳溥率師巡宣府大同邊已丑賑山東饑是月下  
御史張鵬楊瑄等於獄六月甲午下右都御史耿九疇副都  
御史羅綺於獄己亥下徐有貞李賢於獄大雨雹擊毀奉天  
門東吻勅羣臣修省庚子出有貞賢綺爲參政九疇布政使  
御史盛顥等十二人爲知縣戊楊瑄張鵬於邊未幾留賢爲  
吏部侍郎通政參議兼侍讀呂原入閣預機務壬寅薛瑄致

仕癸卯修撰岳正入閣預機務乙巳殺貴州巡撫蔣琳秋七月乙丑復下徐有貞於獄丙寅承天門災丁卯躬禱於南郊引罪自責戊辰勅羣臣修省庚午進李賢吏部尙書兼翰林學士復入閣預機務改許彬南京禮部侍郎辛未岳正議欽州同知尋下錦衣衛獄成蕭州癸酉大赦天下癸夫放徐有貞於金齒辛卯大養諸邊軍十八月甲午以彗星屢見躬禱於上帝九月甲子太常少卿兼侍讀彭時以原官兼翰林院學士入閣預機務丙寅僉都御史林聰賑山東饑民一百四十五萬餘口冬十月丁酉賜王振祭葬丙辰釋建庶人文圭及其母楊氏等十八人使屈鳳陽有司月致廩餼婚娶出入自便十一月甲戌廣西總兵官武進伯朱瑛討田州叛蠻已

丑免山東被災者夏稅十二月壬辰封曹欽昭武伯辛丑安  
遠侯柳溥爲平虜大將軍元總兵官都督過興都督同知雷  
遵爲左右副總兵禦寇甘涼宣城伯徭穎爲平羌將軍鎮守  
甘肅是年琉球中山朝鮮安南暹羅占城哈密烏思藏俱入  
貢

二年春正月辛酉兵部尚書奏言有罪下獄籍其家乙丑  
享太廟甲戌大祀天地於兩郊巳卯上皇太后尊號辛巳頒  
詔優老二月戊申開雲南福建浙江銀場遣內官市雲南珍  
寶夏四月乙丑皇太子出閣講學辛未復設遼東宣府大同  
延綏寧夏甘肅巡撫官以右副都僉都御史白圭王宇李秉  
徐瑄陳翼蒯爲之五月壬寅以處士吳與弼爲左春坊左

諭德固辭不拜秋七月癸卯定遠伯石彪爲平夷將軍充總兵官都督劉深充副總兵禦寇寧夏八月戊辰孛來犯鎮番冬十月壬午武平伯陳友爲征夷將軍充總兵官勦寇寧夏十一月甲寅免山東被災者秋糧十二月戊午柳溥失律罷是年安南朝鮮烏思藏占城哈密緬甸俱入貢

三年春正月乙未賜王振祠曰旌忠甲辰寇犯安邊營石彪與彰武伯楊信等敗之斬其酋鬼力赤進彪爲侯二月丁卯御史呂洪同中官采珠於雷州廉州夏四月壬子巡撫兩廣僉都御史葉盛破瀧水獠已巳方瑛等克東苗俱擒賊首送京師伏誅庚子諒兩廣守臣總兵官劉深等會勦廣西流賊秋八月庚戌石彪有罪下錦衣衛獄尋逮其黨七十六人已

未勅文武大臣無故不得相往來給事中御史及錦衣官不得與文武大臣交通違者如鐵榜論罪乙亥免湖廣被災者秋糧冬十月庚午石亨以罪罷諸官奪門功遷者自首更正隱者坐之黜四千餘人是月命法司會廷臣霜降前錄重囚後以爲常十一月癸巳賑湖廣饑免其稅糧是年朝鮮哈密琉球中山錫蘭山滿刺加俱入貢

四年春正月癸卯石亨有罪下錦衣衛獄甲辰籍石彪家二月辛亥勅戒文武羣臣膏肓不問壬子種陽梧州癸亥石亨瘐死丁卯戮石彪三月戊戌免南畿被災者秋糧夏四月巳酉分遣中官督浙江雲南福建四川銀課壬子襄王瞻墻來朝乙亥還藩五月壬午免畿內及浙江被災者秋糧巳亥

罷中官督蘇杭織造六月癸亥免湖廣被災者稅糧秋七月  
乙亥朔日有食之辛卯自五月連雨抵是月淮水決堤敗鳳  
陽賊遣使賑恤八月甲子孛來三道入寇命大同總兵官高  
陽伯李文宣府總兵武強伯楊能悉力禦之癸酉孛來大舉  
入寇越雁門關掠代朔忻諸州命都督顏彪馮宗屯紫荆倒  
馬二關寇旋引去九月庚辰寇圍大同右衛庚寅撫寧伯朱  
永都督白玉鮑政率京軍巡宣府邊甲午免江西被災者秋  
糧閏十一月丁巳以月食失占下禮部侍郎掌欽天監事湯  
序於獄是年琉球中山朝鮮安南占城瓜哇哈密烏思藏俱  
入貢

五年春二月己卯免山東被災者秋糧甲午孛來寇莊浪丙



申顏彪爲征夷將軍充總兵官討大藤峽叛獠三月壬子免  
蘇松常鎮四府被災者秋糧丙寅湖廣貴州總兵官李震會  
廣西軍克十八團獠夏四月癸巳孛來寇邊命兵部侍郎白  
圭督陝西諸軍禦之五月丙午寇犯宣府丁未免河南被災  
者秋糧六月丙子孛來犯陝西總兵官仇廉敗績壬午命兵  
部尙書馬昂總督軍務懷寧伯孫鏜充總兵官都督馮宗爲  
副率京軍往擊之秋七月庚子總督京營太監曹吉祥及其  
從子昭武伯欽反殺左都御史寇深錦衣指揮遼杲執大學  
士李賢吏部尙書王翱火攻東西長安門懷寧伯孫鏜集衆  
擊之欽敗死癸卯礮吉祥於市夷其族丙午曹欽黨湯序等  
皆伏誅丁未免南畿被災者稅糧庚戌大赦天下詔求直言

癸丑黜曹吉祥所部冒迎駕功者下巳河溢開封工部侍郎  
薛遠撫恤之戊午進孫鏜爲侯命都督馮宗爲平虜副將軍  
充總兵官代鏜西征都督僉事趙勝李杲爲左右參將兵部  
侍郎白圭副都御史王圻參贊軍務辛酉李來三上書乞和  
遣都指揮詹昇竇顯齋璽書諭降丁卯寇犯萬全右衛八月  
壬申犯永昌甲戌犯甘州冬十月壬申以西邊用兵開河南  
山西陝西納馬例辛卯詹昇等至塞外李來聽命遣使受約  
十一月丁酉朔日有食之是年朝鮮安南琉球中山哈密亦  
力把力俱入貢

六年春二月癸酉諭李來夏四月壬申免河南被災者秋糧  
五月巳未免陝西被災者秋糧六月戊辰淮王祁銓來朝秋

七月丙申還藩九月乙未皇太后崩冬十月丙戌葬孝恭章  
皇后是月呂原以母憂去是年朝鮮琉球中山哈密烏思藏  
俱入貢

七年春正月丙辰命湖廣貴州諸將會師討洪江叛苗二月  
壬戌詹事陳文爲禮部右侍郎兼翰林學士入閣預機務夏  
四月壬午逮巡按宣大御史李蕃下錦衣衛獄柳長安左門  
數日死丙戌遣中官督蘇杭織造六月丁卯逮巡按山西御  
史韓祺柳長安左門數日死秋七月庚戌免陝西被災者秋  
糧閏月甲戌上宣宗廢后胡氏尊諡修葺陵寢九月甲戌命  
鎮守廣東總兵官歐信巡撫葉盛廣西總兵官秦寧侯陳涇  
尅期會剿廣西叛猺冬十月丁酉賑西安諸府饑發米一百

八十三萬餘石丁未命廣西巡撫僉都御史吳禎節制兩廣諸軍討廣東賊十一月癸酉賊陷梧州殺家居布政使宋欽壬午下右都御史李賓副都御史林聰於錦衣衛獄尋釋之十二月辛卯下刑部尙書陸瑜侍郎周瑄程信於錦衣衛獄尋釋之是年琉球中山朝鮮哈密安南烏思藏俱入貢八年春正月乙卯帝不豫己未命皇太子視事文華殿己巳大漸遺命罷宮妃殉葬庚午帝崩年三十有八三月乙未上尊諡廟號英宗

明史彙

本紀第十終

明史纂

本紀第十一

光祿大夫 經筵講官明史總裁戶部尙書加七級臣王鴻緒奉

敕編擬

憲宗

憲宗繼天凝道誠明仁敬崇文肅武宏德聖孝純皇帝諱見深英宗長子也英宗北狩皇太后命立爲皇太子景泰三年廢爲沂王天順元年復立爲皇太子八年春正月英宗崩乙亥太子卽皇帝位詔赦天下賜明年田租三之一罷浙江江西福建陝西臨清鎮守內外官諸邊鎮守內官正統間所無者悉罷之緝事官校及下番使者皆召還二月庚子始以內批授官自後傳奉不絕率取中旨二月甲寅尊皇后爲慈懿

皇太后生母貴妃周氏爲皇太后戊午放宮人丙寅毀錦衣衛新獄癸酉詔內閣九卿考覈天下方面官戊寅復立團營夏四月癸未朔日當食不見甲午孝恭章皇后祔廟壬子發帑銀七十六萬餘兩犒邊軍五月丙辰大雨雹勅羣臣修省庚申葬睿皇帝於裕陵秋七月壬申立皇后吳氏八月癸卯廢之下太監牛玉於獄冬十月壬辰立皇后王氏十二月甲辰免京官雜犯罪是年兩畿川廣盜賊大起道路爲不通

成化元年春正月乙卯享太廟己未大祀天地於南郊甲子都督同知趙輔爲征夷將軍充總兵官僉都御史韓雍贊理軍務討兩廣叛謠二月戊子祭太稷甲午耕藉田三月庚戌四川山都掌蠻作亂丁巳幸太學釋奠於先師夏五月

辛酉大雨雹壬戌減膳避正殿勅羣臣修省秋七月己酉免天下軍衛屯糧十之三戊午湖廣總兵官李震等奏獲賊首苗蟲蝦甲子賑兩畿浙江河南饑中戎寇入榆林陝西巡撫項忠寧遠伯任壽延綏巡撫盧祥合兵禦之八月丁丑工部侍郎沈義僉都御史吳琛撫恤兩畿災荒辛巳詔所在瘞飢溺死者庚寅河套毛里孩入犯延綏總兵官房能尾追七百里而還冬十二月癸卯撫寧伯朱永爲征虜將軍充總兵官工部尙書白圭提督軍務率師討荆襄賊是月趙輔韓雍大破大藤峽叛徭是年朝鮮琉球哈密瓜哇烏思藏俱入貢二年春正月戊申復罷團營辛酉奉睿皇帝神主祔廟己巳命九卿舉堪布按二司者二月癸未禮部侍郎鄒幹巡察畿

民疾苦發廩賑之己丑寇犯保德三月己酉李賢起復修撰  
羅倫疏諫賢奪情謫廣東市舶司提舉乙卯朱永白圭大破  
荆襄賊劉通於南漳閏月癸酉發淮徐倉米四十萬石賑鳳  
陽諸府饑癸巳朱永白圭擊擒劉通送京師伏誅其黨石龍  
遁轉掠四川夏六月甲辰兩廣賊平趙輔班師乙巳免天下  
今年屯糧十之三壬子彰武伯楊信爲平虜將軍充總兵官  
陝西巡撫項忠提督軍務禦河套寇於延綏秋七月丙子  
犯寧夏辛巳封皇弟見治爲忻王見沛徽王戊戌毛里  
固原八月丁巳寇犯寧夏都指揮焦政戰沒乙丑寇犯平涼  
固原丁卯諭祭于謙冬十月丁未朱永白圭擒石龍十二月  
甲寅李賢卒丙辰太常少卿兼侍讀學士劉定之入閣預機



務是月斷藤峽餘賊復起是年朝鮮哈密琉球安南烏思藏  
瓦剌俱入貢

三年春正月丙申撫寧侯宋水爲平胡將軍充總兵官統京  
軍三萬人會楊信勦寇二月丁酉朔日有食之毛里孩三上  
書求貢許之辛丑寇犯大同丁巳湖廣總兵官李震破銅鼓  
叛苗八百餘寨三月戊辰復以商輅爲兵部左侍郎兼翰林  
學士入閣預機務己巳寇犯大同戊寅犯遼東辛巳復開浙  
江福建四川雲南銀場以中官領之夏四月壬寅四川境內  
自去年六月以來三百七十五處地震勅戒文武將吏使  
祭其山川乙巳錄囚癸丑復立團營五月壬申以宣大地震  
勅鎮巡官警備六月辛酉襄城伯李瑾爲征夷將軍充總兵

官兵部尙書程信提督軍務率四川貴州兵討山都掌蠻是冬大破之秋七月乙酉以雷震南京午門諭羣臣修省諸大臣皆辭位不許停河南一切採辦九月辛未賑湖廣江西饑冬十二月辛丑杖編修章懋黃仲昭檢討莊景闕下謫官於外是年朝鮮哈密古城烏思藏俱入貢諭朝鮮毋獻珍異四年春三月甲子免湖廣被災者秋糧甲申詔中外勢家不得請田土夏四月丁巳錄囚五月丙寅陳文卒癸未遣使錄天下囚六月丙午免江西被災者秋糧辛亥總兵官寧遠伯任壽陝西巡撫陳价討開城叛賊滿俊敗績甲寅慈懿皇太后崩秋七月戊午禮部尙書姚夔及文武百官集議陵廟禮制請合葬祔廟帝初不允羣臣跪哭文華門卒如所請癸酉

右副都御史項忠總督軍務都督同知劉玉充總兵官討滿  
俊。是月任壽陳价與寧夏總兵官廣義伯吳琮會討滿俊。敗  
績都指揮蔣泰。甲辰被殺。八月癸巳地震。九月庚申葬孝莊  
睿皇后於裕陵。辛酉賑陝西饑。辛未孝莊睿皇后祔廟。壬申  
以京師地震彗星屢見。勅羣臣修省。大臣商輅姚夔等乞罷  
不允。以言事煩瀆。下給事御史董旻胡深等於獄。既而釋之。  
冬十月己亥。吏部考察諸司。斥罷中外聽選官三百餘人。十  
一月壬戌。項忠擊擒滿俊。送京師伏誅。丙子。寇犯遼東。十二  
月己酉。寇犯延綏。都指揮許繼擊敗之。是年琉球朝鮮烏思  
藏哈密日本滿刺加俱入貢。

五年夏五月辛丑。禮部左侍郎萬安兼翰林學士入閣預機

務六月癸丑朔日有食之辛酉錄囚秋八月辛酉劉定之卒  
冬十一月乙未寇犯延綏是年琉球哈密烏思藏滿刺加安  
南緬甸土魯番俱入貢勅自後貢使各遵年期毋往來煩數  
六年春正月壬寅巡撫大同右副都御史王越遣將分道擊  
寇敗之丁未楊信禦寇於胡柴溝亦敗之二月辛未刑部侍  
郎曾輩戶部侍郎原傑副都御史滕昭戶部侍郎黃瑛大理  
寺少卿宋旻巡視浙江河南福建四川及大名諸府考察官  
吏訪軍民疾苦賜勅遣之陝西山西山東湖廣荆襄兩廣貴  
州南北直隸有巡撫者江西有撫民按察使者及雲南多土  
官皆不遣使責所在官司恤民察吏於是京省撫臣奏斥屬  
吏甚衆丁丑禱雨於郊壇戊寅賑廣西饑三月甲申免湖廣

山東被災者稅糧壬寅以去冬阿羅出潛入河套誘朶顏三衛寇邊命撫寧侯朱永爲平虜將軍充總兵官都督劉玉劉聚爲左右副總兵太監傅恭頤恒監督軍務巡撫王越參贊軍務禦之延綏夏四月壬戌天鼓鳴五月丙申賑畿南山東河南饑丁酉王越等敗寇於延綏東路六月戊申朔日有食之秋七月甲辰朱永等敗寇於雙山堡戊寅免四川被災者稅糧丙戌右都御史項忠吏部侍郎葉盛賑畿輔饑民八月辛亥賑山西饑免今年稅糧癸丑以旱澇下詔寬恤冬十月己酉免河南被災者夏稅十二月庚戌遣使十四人分賑畿輔是年琉球朝鮮烏思藏俱入貢

七年春正月辛巳命京官五品以上及給事御史各舉堪州

縣者一人夏四月己巳錄囚五月辛巳瘞京師暴骸秋七月  
甲午荆襄總督軍務右都御史項忠奏荆襄賊平流民復業  
者九十三萬有奇賜復三年八月甲辰山東及嘉湖杭紹大  
水命所司賑之貸以牛種閏九月己未浙江潮溢漂民居鹽  
場遣工部侍郎李暉往祭海神修築堤岸冬十一月甲寅立  
皇子祐極爲皇太子太赦天下十二月甲戌彗星見引咎自  
責勅羣臣修省條時政闕失民生利病以聞壬午避正殿撤  
樂御奉天門聽政癸未召朱永還右都御史王越總督延綏  
諸路兵辛卯錄囚是年朝鮮琉球安南俱入貢

八年春正月癸亥皇太子薨是月寇犯延綏固原平涼夏四月  
月癸酉以京師旱蠶運河水涸遣使禱於郊社山川及淮濟

山海之神乙酉錄囚丁亥遣使錄天下囚五月戊申免陝西  
山西河南夏稅十之二癸丑武靖侯趙輔爲平虜將軍充總  
兵官與王越赴延綏諸路擊寇都御史馬文升督陝西兵余  
子俊督延綏兵徐廷章督寧夏兵及各道總兵參將遊擊俱  
聽輔越節制秋八月寇犯寧夏深入環慶固原九月辛亥巡  
按陝西御史王哲言寇據河套去冬至今年夏三入鞏昌會  
寧近益深入南至通渭秦安西至金縣每入俱由安邊花馬  
池總兵總督調兵守延綏環慶固原而榆林固原安會相距  
二千餘里有警難應援宜令輔越專理東路別遣將扼其西  
路癸丑巡撫延綏右副都御史余子俊言邊兵八萬以上馬  
亦七萬五千餽餉之費用人四百萬銀八百十五萬有奇如

寇能悔過入貢宜聽輔等遣使招徠之時輔亦逗遛不進力  
言搜套之難旣而以疾乞代又十一月己酉寧晉伯劉聚爲  
平虜將軍充總兵官代輔屯延綏是年朝鮮琉球哈密安南  
俱入貢

九年春正月癸丑免湖廣被災者秋糧是月土魯番速檀阿  
力破哈密據之二月壬戌免山西被災者稅糧三月壬寅減  
雲南銀課之半庚申賑畿內山東饑夏四月辛酉朔日有食  
之戊辰以山東旱今年稅糧悉免之癸京畿暴骸是月福餘  
三衛寇遼東總兵官歐信擊敗之六月壬申賑山西饑己卯  
免陝西被災者夏稅秋九月辛卯鎮守浙江中官李義杖殺  
寧波衛指揮馬璋詔勿問庚子王越等襲寇於紅鹽池破之



冬十月乙丑錄囚是年朝鮮哈密琉球暹羅俱入貢

十年夏五月戊申禁藏妖書識緯者是月免山西陝西被災者稅糧秋八月辛卯都督同知趙勝爲平虜將軍充總兵官率京軍討賊加思蘭九月癸丑朔日有食之乙卯免蘇松常鎮四府被水者秋糧冬十一月丙子免河南被災者稅糧十二月己丑罷寶慶諸府採金是年琉球朝鮮烏思藏土魯番俱入貢

十一年春正月癸酉給哈密衣糧穀種二月甲申禁酷刑三月辛未彭時卒夏四月乙酉吏部左侍郎劉珪禮部右侍郎劉吉並兼翰林學士入閣預機務壬辰乾清宮門災己亥錄囚秋八月辛巳浚通惠河冬十一月癸丑立皇子祐檜爲皇

太子大赦天下十二月戊子復郕王帝號令所司修飾陵寢  
丁酉申禁男子自宮者本身論死家戍邊是年土魯番琉球  
暹羅朝鮮滿刺加安南俱入貢以去年琉球貢使還次福州  
殺人劫財勅自後二年一貢

十二年春二月甲午以南京正月陰霾地震勅羣臣修省三  
月壬戌湖廣總兵官李震大破靖州叛苗夏五月庚申錄囚  
丁卯左副都御史原傑撫治荆襄流民傑至請改郟縣爲郟  
陽府析湖廣襄陽陝西漢中西安河南南陽汝州地屬之犬  
臣撫治郟陽自此始秋七月乙丑黑胄見祭告天地於禁中  
以四事自責戊辰遣使錄天下囚冬十一月巡撫四川右副  
都御史張瓚討灣溪叛苗破之是年朝鮮土魯番撒馬兒罕

琉球烏思藏俱入貢

十三年春正月丙午免浙江被災者秋糧己巳置西廠使太監汪直提督官校刺事閏二月辛酉免山東被災者秋糧三月戊子免河南被災者稅糧夏四月癸丑刑部郎中武清丁巳太醫院判蔣宗武庚申禮部郎中樂章行人張廷綱浙江布政使劉福五月甲戌掌太醫院事左通政方賢俱下西廠獄丙子以大學士商輅等兵部尙書項忠等言罷西廠六月甲辰削項忠職庚戌以御史戴縉言復開西廠丁巳商輅致仕任秋七月丁卯以輅黨刑部尙書董方左都御史李賓致仕是月免江西福建被災者秋糧冬十月戊申城苦峪谷以居哈密罕慎復遊哈密衛給罕慎等土田牛種十二月丁巳免

南畿蘇松常鎮四府水災夏稅是年安南琉球朝鮮烏思藏  
暹羅日本俱入貢迤北滿都魯札加思蘭各遣使貢馬

十四年春二月戊申皇太子出閣就學三月丙戌復開遼東  
馬市丁亥以浙江饑罷採花木戊辰免河南山東浙江被災  
者稅糧夏四月壬辰張瓚擊松潘疊溪叛苗破之丁酉免南  
畿山東被災者稅糧六月癸卯太監三直行遼東邊秋七月  
丁丑賑畿南及濟南諸府水災八月癸巳以災故詔六部條  
寬恤事宜南京刑部侍郎金紳巡視江西水災戊申朝班若  
闕甲兵聲者百官辟易不成列久之始定庚戌免湖廣被災  
者秋糧甲寅下巡撫蘇松副都御史牟傑於獄九月己未命  
御史三人捕盜蕞南冬十二月甲午免北畿被災者秋糧是

年朝鮮占城烏思燕撒馬兒罕俱入貢

十五年春正月庚辰免山東被災者秋糧辛巳賑山東饑二月庚寅以湖廣去歲旱免秋糧壬子免廣東鳳肇高雷廉五府逋賦甲寅修開國勳臣冢墓無後者置守冢一人三月癸未免江西被災者秋糧夏四月丙午免南畿被災者秋糧壬子下駙馬都尉馬誠於獄五月壬戌下兵部侍郎馬文升於獄戊辰牟侔謫戊庚午馬文升謫戊癸酉以侔文升事中旨責科道宦杖李俊王濬等五十六人於闕下巳卯免湖廣河南被災者稅糧秋七月癸酉汪直行邊八月乙未戶部郎中裴慧等七人巡視兩畿山東河南水災冬十一月庚子賑河南饑十二月丙子太白晝見是月免四川湖廣被災者秋糧

是年琉球安南朝鮮烏思藏俱入貢

十六年春正月丁酉太監汪直監督軍務兵部尚書王越提督軍務保國公朱永爲平虜將軍充總兵官率京軍萬人禦寇延綏辛丑免南畿被災者稅糧二月癸酉免湖廣被災者稅糧庚辰王越襲寇於威寧海子破之三月戊子減光祿寺供御物夏六月癸丑禁勢家侵占民田者秋七月甲午倭寇福建冬十二月丙寅寇入大同汪直王越朱永率師禦之已巳大同鎮將范瑾拒寇出境是月總督兩廣右都御史朱英總兵官平鄉伯陳政討廣西叛徭破之是年琉球朝鮮暹羅蘇門答刺土魯番撒馬兒罕俱入貢

十七年春二月壬戌通覈天下庫藏出納之數是月免浙江

山西被災者稅糧夏四月庚申久旱風霾勅羣臣修省戊辰  
太監懷恩同法司錄四五月己亥寇犯宣府汪直監督軍務  
至越充總兵官率師禦之秋七月甲戌免南畿被災者稅糧  
八月癸亥太白晝見是年朝鮮安南占城滿刺加烏思藏俱  
入貢諭安南還占城侵地

十八年春三月壬申復罷西廠夏四月癸丑罕愼復哈密城  
入居之癸亥免山西被災者夏稅五月甲申免山東被災者  
稅糧秋七月庚午副都御史程宗勘雲南木邦夷情庚辰免  
南畿被災者稅糧是年琉球哈密朝鮮暹羅土魯番烏思藏  
俱入貢

十九年夏四月癸亥朔太白晝見丁丑免河南被災者稅糧

六月丁丑陳政破廣西叛獠秋七月癸卯寇犯大同總兵官許寧禦之失利己未朱永爲鎮朔將軍充總兵官率京軍禦之八月乙丑戶部侍郎李衍刑部侍郎何喬新巡視邊關壬申汪直有罪降爲奉御其黨王越戴縉等皆坐黜九月丁巳應天鎮江太平寧國廣德量加田租是年朝鮮入貢撒馬兒罕貢獅子

二十年春正月壬辰京師地震勅羣臣修省命減貢獻罷營造理冤獄寬銀課三月己酉定西侯蔣瓌充總兵官率京軍總督大向宣府右副都御史余子俊同禦寇夏四月戊午錢穀五月甲午復錄囚六月庚午設雲南孟密安撫司己卯免陝西被災者秋糧秋七月庚寅陝西旱停歲辦物料八月



癸亥免山西被災者秋糧九月乙酉朔日有食之戊子陝西山西旱大饑人相食是月寇入河套冬十月丁巳下刑部員外郎林俊於獄都督府經歷張黻疏救並予杖謫官癸酉罷元江諸府銀坑十二月辛未免山西被災者夏稅乙亥免河南被災者稅糧是年發帑轉粟鬻僧道度牒開納米事例以賑陝西山西饑朝鮮安南日本琉球哈密土魯番俱入貢

二十一年春正月丙戌以正旦星變諭羣臣極言時政闕失庚寅詔赦天下發京倉米一百萬石易銀并帑金二十五萬兩分遣大臣賑陝西河南山西饑二月己未放免傳奉文武官五百六十餘人丁丑免陝西被災者夏稅三月庚寅開納米例賑河南饑夏四月壬戌轉漕米四十萬石賑陝西饑戊

辰錄囚甲戌免南畿山東被災者稅糧六月癸未詔盛暑祈  
寒朝官所奏毋得過五事秋八月己卯朔日有食之九月甲  
子劉珣罷丙寅錄囚冬十月免河南山西陝西山東四川被  
災者稅糧十一月丙辰太白晝見丙寅地震十二月甲申詹  
事彭華爲吏部左侍郎兼翰林學士入閣預機務壬寅免山  
西被災者秋糧是冬寇犯蘭州涼州莊浪鎮番是年朝鮮哈  
密烏思藏俱入貢

二十二年春正月乙丑免河南被災者秋糧是月寇犯臨洮  
二月庚辰免畿南六府及湖廣被災者稅糧夏四月戊寅錄  
囚乙未釐畿內莊田六月乙亥勅羣臣修省乙酉免南畿陝  
西被災者稅糧秋七月致仕大學士商輅卒寇犯甘州指揮

姚英等被殺九月乙巳免河南被災者夏稅丁卯兵部左侍郎尹直爲戶部左侍郎兼翰林學士入閣預機務又十月乙亥錄囚是年朝鮮哈密俱入貢

二十三年春正月己巳免陝西湖廣被災者稅糧二月乙酉副都御史邊鏞通政司參議田景賢巡視大同諸邊三月丁未彭華致仕癸亥免山東被災者稅糧夏四月庚辰錄囚五月丙辰以亢旱勅羣臣修省六月己巳朶顏三衛被寇驅逃入遼東命於近邊駐牧己丑免南畿被災者秋糧秋七月戊申封皇子祐杭爲興王祐楡岐王祐檉益王祐樞衡王祐檉雍王八月庚辰不豫乙酉命皇太子視朝於文華殿己丑崩年四十一九月乙卯上尊諡廟號憲宗

明史稿

本紀第十一終

明史藁

本紀第十二

光祿大夫

經筵講官明史總裁戶部尚書加七級臣王鴻緒奉

編撰

孝宗

孝宗建天明道誠純中正聖文神武至仁大德敬皇帝諱祐  
權憲宗第三子也母曰淑妃紀氏成化六年七月己卯生於  
西宮萬貴妃方專寵宮中莫敢言及悼恭太子薨後憲宗始  
知之養周太后宮中十一年勅禮部命名大學士商輅等乃  
以建儲請是年紀妃暴薨哀慕如成人然以貴妃故深自斂  
晦十一月立爲皇太子二十三年秋八月憲宗崩九月壬寅  
太子卽皇帝位詔赦天下丁未以給事御史公疏斥諸佞幸

考掌通政司禮部左侍郎李孜省等戍邊太監梁芳外戚萬喜等貶謫有差冬十月丁卯汰傅奉官罷右通政任傑等五百六十四人罷左善世等一百二十人法王佛子國師等七百八十九人罷工部侍郎劓鑕等一千三百五十八人罪大者謫成餘並斥革真人玉冠帶圭銀印法王誥勅印信儀仗悉皆追奪乙亥尊皇太后爲太皇太后皇后爲皇太后丙子立妃張氏爲皇后丁亥萬安罷壬辰上生母孝穆皇太后尊諡癸巳吏部左侍郎兼翰林學士徐溥入文淵閣預機務十一月癸丑尹直罷乙卯少詹劉健爲禮部右侍郎兼翰林學士入文淵閣預機務戊午下梁芳李孜省等於錦衣衛獄十二月壬辰葬純皇帝於茂陵是月免江西湖廣被災者稅糧

弘治元年春正月己亥葺太廟丙午大祀天地於南郊己未  
始考察在外武臣二月戊戌祭太社太稷丁未耕藉田封哈  
密衛左都督罕慎爲忠順王丙辰禁文武大臣請託公事三  
月乙丑命東兵二部疏兩京文武大臣在外知府守備以上  
姓名揭文華殿壁有遷罷者以新除者易之癸酉幸太學釋  
奠於先師乙亥寇犯蘭州都指揮廖斌擊敗之丙子開經筵  
丁丑命儒臣日講壬午始視午朝於左順門己而罷之夏四  
月甲寅錄囚六月癸巳朔日有食之乙未寇犯大同宣府秋  
八月乙巳犯山丹永昌辛亥犯石馬營丙辰滅雲南銀課九  
月己卯錄囚冬十月乙卯賑湖廣四川饑十一月甲申妖僧  
繼曉伏誅乙酉免河南被災者秋糧是年朝鮮琉球占城撒

馬兒罕烏思藏俱入貢

二年春二月癸巳截湖廣漕米二十萬石賑四川饑三月乙丑寇犯宣府獨石夏四月庚戌錄囚丁巳減浙江銀課五月庚申河決開封入沁河役五萬人治之秋七月壬戌勅兩畿錄囚癸亥以京師霖雨南京風雷勅羣臣修省戊寅給畿內貧民麥種八月壬寅勅孟密歸木邦侵地己酉奉純皇帝神主祔廟冬十月乙巳罷浦城銀冶己酉錄囚十二月甲申朔日有食之是年朝鮮土魯番俱入貢撒馬兒罕貢獅子鸚鵡

卷五

三年春二月壬辰免河南被災者秋糧三月丙辰命天下預備倉積糧以里數多寡爲差不及額者罪之甲戌兵部侍郎



張海左通政元守直隸邊夏四月丙戌寇犯宣府獨石五月  
甲子錄囚秋閏九月癸巳禁勢家請田土及受人投獻者冬  
十月辛亥錄囚十二月辛亥以星變勅羣臣修省陳時政得  
失壬戌減供御品物罷明年上元燈火是年朝鮮琉球安南  
貽密撒馬兒罕天方土魯番俱入貢

四年春正月癸未罷上元節假辛卯止郊祀慶成宴二月巳  
巳勅法司慎刑夏四月乙丑司禮太監韋泰同法司錄囚秋  
八月庚戌停蘇松浙江今年織造巳未封皇弟祐楮爲壽王  
祐棹汝王祐楫溼王祐楫榮王祐楫申王冬十月癸丑錄囚  
戊午河溢賑開封懷慶歸德被災者乙丑禮部尙書掌詹事  
府事丘濬兼文淵閣大學士入閣預機務十一月庚辰賑南

畿饑丁二月甲子魯番以哈密地及金印來歸是年朝鮮  
暹羅俱入貢

五年春二月丙寅命故忠順王脫脫從孫陝巴襲封忠順王  
庚午以陝西歲歉減絨氍之半三月戊寅立皇子厚照爲皇  
太子大赦天下辛卯總督兩廣都御史陶珪總兵官毛銳討  
古田叛獍不利夏四月丁巳錄囚秋七月甲午賑蘇松及山  
東饑八月癸卯劉吉致仕乙卯賑浙江水災乙丑以災故停  
南京蘇松浙江額外織造召督造官還冬十月庚戌罷寧夏  
捕豹丙辰錄囚壬戌貴州黑苗叛鎮守湖廣鎮遠侯顧溥會  
貴州巡撫都御史鄧廷瓚討之十一月丙申塞溫處二府銀  
坑十二月丁巳荆王見瀟有罪廢爲庶人壬戌申自宮之禁

是年琉球朝鮮烏思藏土魯番俱入貢虎刺撒國獻方物却之

六年春二月甲寅錄常遇春李文忠鄧愈湯和裔孫世指揮使丁巳以浙江布政使劉大夏爲右副都御史治張秋決河戊午留蘇松常湖四府米三十萬石及河南夏稅銀以備賑夏四月己亥土魯番速檀阿黑麻襲執陝巴據哈密己酉兵部侍郎張海都督同知緱謙糾略哈密癸丑太醫院判劉文泰幼吏部尙書王恕奸欺尋以恕奏下文泰錦衣衛獄詞連大學士丘濬降文泰御醫亦幾恕致仕去庚申錄囚命南京法司暑月錄囚如京師辛酉久旱勅羣臣修省條時政五月丙寅寇犯寧夏殺指揮趙璽閏月乙未免南畿被災者秋糧

六月庚午捕蝗壬申開墾破吉田叛獮秋九月己未錄囚冬  
十月丙寅以四方災傷罷明年上元燈火庚辰停甘肅織造  
織毼十一月庚申賑饑師流民十二月辛未開銀米事例以  
賑荒己卯勅天下鎮巡官修省是年朝鮮安南烏思藏土魯  
番俱入貢

七年春二月甲子以去冬雷雹風雨拔孝陵樹遣使祭告天  
地孝陵勅兩京羣臣修省求直言三月癸巳鄧廷瓚平貴州  
黑苗戊申丙畿捕蝗夏四月丁亥錄囚五月甲辰太監李興  
平江伯陳銳同劉大夏治張秋決河秋七月丙午工部左侍  
郎徐貫同巡撫右副都御史何鑑經理蘇松嘉湖水利九月  
丁亥以水災停蘇松諸府所辦物料留關鈔戶鹽以備賑冬

十月己未錄四十二月甲戌張秋河工成巳卯以韃韃小王  
子居賀蘭山後頻犯甘涼永昌莊浪勅諸鎮巡官賑被掠者  
家給以牛種是年朝鮮琉球俱入貢以土魯番殘破哈密却  
其通貢

八年春正月壬子甘肅總兵官劉寧敗寇於涼州二月乙卯  
朔日有食之戊午丘濬卒乙丑禮部右侍郎兼侍讀學士李  
東陽少詹事兼侍講學士謝遷入閣預機務巳卯黃陵岡河  
日工成夏四月壬午錄囚冬十月戊辰錄囚十二月辛酉巡  
撫甘肅右僉都御史許進偕劉寧襲哈密復之是年朝鮮瓜  
陸占城烏思藏俱入貢西北野也克力諸部長款肅州塞求  
貢却之

九年春二月辛未右通政張璞大理少卿馬中錫閱邊夏四月戊子下給事中龐泮等四十二人御史劉紳等二十人於錦衣衛獄尋釋之丙午錄囚六月庚子免江西被災者稅糧秋九月乙丑錄囚是年琉球朝鮮烏思藏俱入貢

十年春三月辛亥以旱蠲修省求直言夏五月戊辰小王子寇潮河川己巳寇大同六月己卯戶部左侍郎劉大夏兵部左侍郎李介理宣府大同軍餉秋七月癸丑都督楊玉率京營軍備寇永平冬十月壬申錄囚十一月庚子土魯番乞歸陝巴通貢是年安南朝鮮暹羅烏思藏俱入貢

十一年春二月己巳小王子遣使求貢夏四月辛卯錄囚秋七月己酉總制三邊左都御史王越襲寇於賀蘭山後破之

癸亥徐溥致仕八月癸未賑祥符民被河患者冬十月丁卯  
錄囚丁亥以清寧宮災勅羣臣修省極言時政闕失罷明年  
上元烟火十一月壬子罷陝西織造羊絨閏月壬戌朔日有  
食之己巳命壽節祈報外齋醮悉罷之十二月庚子榜禁中  
外奢靡踰制者壬子以清寧宮災詔赦天下是年朝鮮土魯  
番烏思藏俱入貢

十二年夏四月癸巳申徹宣火延緩邊備丙辰錄囚秋七月  
己卯以闕里先聖廟災遣使慰祭九月甲申重建清寧宮城  
冬十月己亥錄囚是年古城朝鮮烏思藏土魯番瓜哇撒馬  
兒罕俱入貢

十三年春正月己卯禁民間收警軍器二月庚寅定問刑條

例夏四月乙巳以寇犯威遠遊擊王杲等敗績平江伯陳銳  
爲靖虜將軍充總兵官都督劉寧爲副總兵太監金輔監督  
軍務戶部左侍郎許進兼左僉都御史提督軍務率師禦之  
庚戌錄囚五月丙辰名大學士劉健李東陽謝遷面議朝政  
癸亥寇犯大同左衛六月甲申免江西被災者秋糧停山陝  
採辦物料乙未寇犯大同庚子以禦寇無功名陳銳金輔還  
命保國公朱暉爲征虜將軍充總兵官太監扶安監督軍務  
益兵禦之冬十月癸卯錄囚十二月癸未寇犯大同是年歲  
大入延綏神木堡琉球朝鮮土魯番烏思藏俱入貢

十四年春二月己亥罷陝西織造中官夏四月庚辰工部左  
侍郎李鏐督延綏諸邊軍餉戊子朱暉及提督軍務右都御



史史琳監督太監苗達分道進師延綏戍停山陝一切物  
料甲辰錄囚五月庚戌賑大同被兵軍民除其稅糧戊辰遣  
使修闕里先聖廟六月甲申遣貴州雲南守臣討普安賊婦  
米魯戌戍寇犯延綏清水堡秋七月丁未奉寧衛賊入遼東  
長勝諸屯堡戊午寇犯宣府己未入薊州馬蘭峪癸亥南京  
戶部尙書王軾兼左副都御史提督貴州軍務討米魯丁卯  
朱暉等襲寇於河套庚午分遣科道官清理屯田閏月戊戌  
賑兩畿江西山東河南水災八月丁未寇犯固原辛亥大掠  
韋州環縣萌城靈州己巳減光祿寺供應如元年之舊寇入  
寧夏東路九月丙子朔日有食之丁亥大理丞劉憲太僕少  
卿王質往延綏甘肅陝西寧夏召募土兵冬十月戊午錄囚

十一月癸巳刑部侍郎何鑑賑南畿山東災大理丞吳一貫賑畿內河南災十二月戊辰遼東大饑發帑開例以賑之是年朝鮮入貢

十五年春三月癸未召還督造磁器中官夏四月乙丑錄囚秋七月己丑普安賊平八月庚戌以南京鳳陽風雨爲災江水溢遣使祭告郊社山川孝陵太廟辛亥祭告皇陵勅兩京羣臣修省九月庚午朔日有食之丁亥錄囚戊子放減所蓄鳥獸冬十月癸卯罷明年上元烟火十一月壬申瓊州黎符南蛇作亂甲午罷廣東採珠十二月辛亥以疾不視朝是年琉球朝鮮安南俱入貢

十六年春正月癸酉享太廟以疾遣官行禮二月辛丑視朝

戊申躬祀天地於南郊三月癸巳免山西被災者稅粒夏四月乙丑錄囚五月戊子以雲南災發勅南京鑄錢修自糧南京刑部侍郎葉盛巡視其地蠲免軍民乙未御史李應陽兵部尚書劉大夏面議政事自後大學士劉健奉直陽請遷尚書馬文升劉大夏都御史戴珊數名見杖九月丁丑清輝准鹽僉都御史王璟視浙江旱災兩畿山東河南湖廣撫按官賑恤壬午崇明海溢冬十月丙午錄囚十一月甲戌罷請罷皿營作及上元烟火十二月丙午免淮揚浙江所辦物料是年朝鮮暹羅安南俱入貢

十七年春正月辛未南京工部侍郎高銓賑應天饑二月丙午留漕糧賑鳳陽諸府饑己未申識緯妖書之禁三月壬戌

太皇太后崩夏四月己酉葬孝慈憲皇后丁巳賑淮安火災  
閏月辛酉闕里先聖廟成大學士李東陽祭告乙亥以四方  
災荒多盜勅羣臣修省己丑錄囚五月壬辰罷南京蘇杭織  
造中官六月乙亥始命兩京五品以下官六年一考宮房未  
火節犯大同秋七月癸巳工部侍郎李鑑大理寺少卿吳一  
貫通政司參議叢蘭分道經畧邊塞朱鼎史琳苗達李師備  
邊甲午左副都御史閻仲宇通政司參議熊偉分理大同宣  
府居庸等關糧餉八月戊辰命天下撫按三司官奏軍民利  
病士庶建言可採者所司酌量以聞九月辛卯錄囚甲寅以  
宣大被寇命太常少卿孫交經畧邊事丁巳御煖閣諭劉健  
等曰諸邊首功巡按御史察勦勦淹歲年非所以示勸自今

奏報以遠近立限違者詰治講官進講直言毋諱冬十一月辛卯寇入莊浪十二月庚午申閉糴之禁己卯寇犯靈州是年朝鮮琉球撒馬兒罕哈密烏思藏俱入貢

十八年春正月己丑寇掠韋州環縣戶部侍郎顧佐理陝西軍餉甲辰陷寧夏清水營夏四月丁丑刑部侍郎何鑑處置荆襄流民甲申錄囚是日不豫五月庚寅大漸名大學士劉健李東陽謝遷受顧命謂健等曰東官聰明但年尙幼先生輩其教之讀書善輔導之辛卯崩年三十有六六月庚申上尊諡廟號孝宗

明史彙

本紀第十二終

明史彙

本紀第十三

光祿大夫

經筵講官明史總纂戶部尙書加七級

臣

王鴻緒奉

敕編撰

武宗

武宗承天達道英肅睿哲昭德顯功弘文思孝毅皇帝諱厚  
照孝宗嫡長子也弘治五年立爲皇太子每遊幸必從性好  
騎射弗能禁也十八年夏五月孝宗崩壬寅太子卽皇帝位  
大赦天下戊申寇犯官府總兵官張俊禦之鹿角山敗績庚  
戌保國公朱暉爲征虜將軍充總兵官史琳提督軍務苗達  
監督軍務率師禦之秋八月甲寅尊皇太后爲太皇太后皇  
后爲皇太后九月丁酉賑陝西饑冬十月丙辰寇犯甘肅庚

午葬敬皇帝於泰陵

正德元年春正月乙酉享太廟己丑大祀天地於南郊二月  
乙丑耕藉田癸酉罷採寶石西珠三月甲申幸太學釋奠於  
先師戊辰申自宮之禁夏五月己丑錄囚秋八月戊午立皇  
后夏氏是時東宮內侍馬永成各六用劉瑾等導上鷹犬游  
獵微行入市時類入黨劉健等請誅之給事中劉蕡等合疏  
論列並留中冬十月丁巳戶部尙書韓文復率九卿力攻永  
成等劉健李東陽謝遷因請亟治其罪傳諭如所請至晚事  
變明日戊午劉瑾掌司禮監丘聚谷大用提督東西十二廠張  
永督十二團營兼神機營魏彬督三千營分據要地健東陽  
遷乞去健遷以是日致仕己未東陽復乞去不允壬戌吏



尙書焦芳兼文淵閣大學士吏部左侍郎王鏊兼翰林院學士入閣預機務戊辰諭停日講東陽諫不納癸酉給事中呂柟請留劉健謝遷不納十一月甲辰韓文罷十二月丁巳命錦衣官點閱給事中是年朝鮮哈密烏思藏俱入貢

二年春正月乙亥朔日有食之三月辛未以大學士劉健謝遷尙書韓文楊守隨張敷華林瀚等五十三人黨比勅諭羣臣跪金水橋南宣戒之夏五月戊午度僧道四萬人己巳復寧王宸濠護衛軍六月甲戌奉敬皇帝神主祔廟戊寅罷各邊修築輸其費於京師秋八月丙戌作豹房居之冬十月甲申逮各邊巡撫都御史及管糧郎中下獄後數遣使覈天下錢穀總制巡撫以下官多以虧耗得罪諂獄爲滿丙戌南京

戶部尙書楊廷和爲戶部尙書兼文淵閣大學士入閣預機務十二月壬辰復開浙江福建四川銀礦是年朝鮮琉球俱入貢

三年春正月辛亥大計外吏以內批黜翰林學士吳儼御史楊南金二月己巳令京官病滿一年者致仕夏四月乙亥軍民輸銀者授都指揮僉事以下官六月壬辰朝罷得匿名文書御道上跪羣臣承天門外詰責之付詔獄者三百餘人經宿乃釋時曝死者三人暈而病者無筭秋七月壬子選精通音樂者送京師充三院樂工八月辛巳立內廠劉瑾領之戊子山東盜起庚寅逮韓文下錦衣衛獄罰輸米千石於大同九月庚戌諭戶部輸米贖罪者刻期完納違者罪之辛酉逮

劉大夏下錦衣衛獄戍肅州癸亥賑南畿饑冬十月辛未工  
部侍郎畢亨賑湖廣河南饑十一月乙未南京侍郎王瓊賑  
鳳陽諸府饑是年安南朝鮮哈密撒馬兒罕烏思藏俱入貢  
四年春二月丙戌劉健謝遷爲民三月甲辰賑浙江災巳酉  
詔吏部非時考察京官夏四月乙亥王夔致仕六月戊子吏  
部尙書劉宇兼文淵閣大學士入閣預機務字乞省墓歸秋  
八月辛酉遣使四出覈各邊屯田戶部侍郎韓福至遼東激  
義州軍變久之乃定閏九月寇犯延綏冬十一月甲子犯寧  
夏十二月庚戌追奪劉健謝遷等六百七十五人誥勅是年  
兩廣江西湖廣陝西四川盜皆三朝鮮琉球安南哈密土魯  
番撒馬兒罕俱入貢

正德三年庚辰

五年春正月庚辰籍故尚書秦家二月癸巳兵部尚書曹

元爲吏部尚書兼文淵閣大學士入關預機務三月辛未免

正德三年逋賦乙酉右僉都御史王哲巡視江西南贛刑部

尚書兼左都御史洪鍾總制川陝河南鄖陽軍務並理湖廣

賑恤事夏四月庚寅安化王宣鐸反殺巡撫都御史安惟學

總兵官姜漢等甲午寇入莊浪巡撫張翼等擊却之己酉創

宣鐸裔起右都御史楊一清總制陝西寧夏延綏甘涼軍務

都督神英爲平胡將軍充總兵官率師討之辛亥詔赦天下

太監張永總督軍務是日寧夏遊擊都指揮僉事仇鉞襲執

宣鐸以獻五月癸未焦芳致仕六月庚子帝自稱大慶法王

西天覺道圓明自在大定慧佛命所司刻印以進秋七月壬

申寇犯臨水堡八月甲午執太監劉瑾繫於菜廠丁酉下獄  
詔自正德二年後所更政令諸司悉釐定以聞戊戌治瑾黨  
罪下吏部尙書張綵等於獄己亥曹元致仕丁未復革寧府  
護衛軍戊申劉瑾伏誅己酉雪謫戍諸臣之誣枉者九月丙  
辰以平寘鏞功封仇鉞威寧伯戊午掌詹事府吏部尙書劉  
忠南京吏部尙書梁儲並爲吏部尙書兼文淵閣大學士入  
閣預機務己未以平寘鏞劉瑾二難封大監張永兄富弟容  
皆爲伯癸酉又以平寘鏞功封義子指揮同知朱德太監谷  
大用兄大寬馬永成兄山魏彬弟英皆爲伯冬十月己亥張  
綵伏誅乙巳貸霸州賊劉七等三十四人罪未幾復叛是年  
朝鮮日本占城哈密撒馬兒罕土魯番烏思藏俱入貢

六年春二月己酉以江西賊熾起前左都御史陳金總制江西軍務討之三月庚午寇入河套犯沿邊諸堡惠安伯張偉充總兵官右都御史馬中錫提督軍務帥京營銳卒討畿輔山東賊丙子免所在被寇者稅糧一年夏四月癸未劉忠致仕六月甲午山西盜起秋七月癸酉畿內山東河南賊勢益盛京軍不能獨制發宣府延綏二鎮兵八月己卯兵部侍郎陸完提督軍務竝將其軍以討賊總制兵部尙書洪鍾巡撫四川右副都御史林俊擒四川賊首藍廷瑞鄆本恕等誅之甲申賊劉六等犯固安京師戒嚴召見閣臣於左順門議防禦策發帑銀賑被寇州縣九月己酉廣西叛徭平冬十月甲寅劉六等焚糧艘千二百有奇丁酉寇犯甘肅山丹爲邊將

所敗十一月庚戌太監谷大用總督軍務張忠監管神鎗從  
羌伯毛銳充總兵官率京軍會陸完勦賊丙辰戶部侍郎叢  
蘭王瓊賑被寇州縣辛酉以京師地震勅羣臣修省乙亥命  
用兵所在瘞暴骸十二月癸巳禮部尙書費宏兼文淵閣夫  
學士入閣預機務庚子益發邊軍討賊清河口至柳舖九十  
里黃河清自甲午至丙申是年朝鮮琉球哈密俱入貢

七年春正月甲寅劉六犯霸州京師戒嚴二月丁丑巡撫保  
定右副都御史彭澤同咸寧伯仇鉞提督軍務太監陸閻監  
督軍務討河南賊夏四月戊子發廩賑畿內山東饑五月甲  
寅陳金討撫州賊平之丙寅賊殺總督南京糧儲右副都御  
史馬炳然於江劉六尋溺死閏月己丑寇犯甘肅壬辰仇鉞

討河南賊平之秋七月丁酉賑四川饑八月癸亥陸完討賊  
劉七等平之九月乙酉陳金討華林賊平之丙申賜義子一  
百二十七人國姓冬十月甲子增建豹房費鉅萬是月免河  
南江西浙江紹興府被災寇者稅糧十一月壬申都督僉事  
時源爲平賊將軍充總兵官會四川總制彭澤討四川賊丁  
亥留大同宣府遼東軍於京營號外四家軍李東陽諫阻以  
中旨行之十二月丁卯李東陽致仕是月免兩畿山東山西  
陝西被災寇者稅糧是年朝鮮安南日本哈密俱入貢  
八年春正月癸酉右副都御史俞諫提督江西軍務代陳金  
討賊乙酉邊將江彬許泰分領京營尋賜國姓癸巳以大同  
寇警戶部侍郎叢藺僉都御史陳玉巡視邊關二月丙午以



平賊功封谷大用弟大亮陸閏姪永貴爲伯三月甲午以旱  
勅羣臣修省夏四月乙丑彭澤斬賊首廖麻子於劍州五月  
辛巳寇入大同邊兵屢敗仇鉞充總兵官提督軍務率京軍  
禦之六月戊戌河決黃陵岡乙丑俞諫破賊於裴源山八月  
丁酉免蘇松諸府被水者稅糧九月甲戌俞諫破賊於桃源  
冬十月丁未俞諫破賊於東鄉江西賊平十二月甲辰南京  
刑部侍郎鄧璋賑江西饑是年朝鮮哈密俱入貢

九年春正月壬午以乾清宮災勅羣臣修省極言時政缺失  
二月庚子微行至教坊司丙午掌詹事府禮部尙書靳貴爲  
禮部尙書兼文淵閣大學士入閣預機務癸丑彭澤討四川  
賊平之夏四月丁酉再復寧府護衛軍并屯田與之五月乙

丑費宏致仕己丑以土魯番據哈密右都御史彭澤總督軍務率延綏寧夏固原軍駐甘肅禦之六月乙卯開雲南銀礦以鎮守太監梁裕董其事秋七月乙丑小王子犯宣大命張永提督軍務都督白玉充總兵官率京軍與總制戶部右侍郎兼右僉都御史叢蘭禦之丙子小王子大掠近邊八月辛卯朔日有食之辛丑寇犯白羊口浮圖峪己未犯寧武關忻州定襄寧化九月壬戌犯宣府蔚州庚午帝狎虎被傷不視朝者閱月翰林院編修王思疏諫留中論廣東饒平驛丞冬十月己酉工部侍郎劉丙採永川湖十二月甲寅加兩畿浙江賦一百萬兩以建乾清宮故是年安南朝鮮哈密烏思藏

十年春正月癸亥薄暮享太廟戊辰薄暮祀天南郊時帝與羣小弄兵走馬微行朝政多廢廷臣交章切諫皆不聽丙子寇犯潮河川二月乙卯犯延綏寧夏三月壬申楊廷和以憂去夏閏四月辛酉吏部尙書楊一清兼武英殿大學士入閣預機務秋八月丙寅寇犯花馬池入固原冬十二月癸丑朔日有食之己卯免廬鳳淮揚四府及徐州被災者秋糧是年琉球安南朝鮮哈密撒馬兒罕俱入貢

十一年春二月壬申太監張忠都督許泰分領東西兩官廳都督江彬兼領之帝又作中軍自領之大閱西苑名曰過錦夏四月戊寅發帑賑河南饑五月己丑賑陝西饑庚寅土魯番以哈密城來歸甲辰錄自宮男子三千四百六十八人充

海戶六月丁巳太監浦智往蘇杭織造秋七月乙未寇犯薊  
鎮白羊口都督劉暉充總兵官率兩官廳軍禦之丙午工部  
侍郎趙璜俞琳飭畿內武備八月丁巳左都御史彭澤提督  
東西二路邊關成國公朱輔充總兵官共禦寇戊午寇犯宛  
平境庚申賜京縣被寇者人米二石甲子楊一清致仕丁丑  
掌詹事府禮部尙書蔣冕爲禮部尙書兼文淵閣大學士入  
閣預機務是年朝鮮琉球天方俱入貢

十二年春正月己丑祀天南郊遂獵南海子夜半乃還內閣  
府部大臣及科道官交章諫阻不報西北行邊自此始壬寅  
土魯番復據哈密犯肅州三月戊戌以淮浙四川河東鹽課  
充陝西織造費夏四月壬子靳貴致仕丙辰甘肅副總兵鄭

廉等敗土魯番於瓜州五月丙子禮部尚書毛紀兼東閣大學士入閣預機務秋八月甲辰微服如昌平乙巳梁儲蔣冕毛紀追及之沙河疏請回蹕不納己酉將出居庸關守關御史張欽闔關門以拒使者乃還丙辰至自昌平戊午夜御奉天殿視朝癸亥副都御史吳廷舉賑湖廣饑丙寅微服出居庸關辛未如宣府命谷大川守關毋出京朝官九月甲戌蹕蹕宣府營鎮國府第居之辛卯河決城武壬辰駐蹕陽和自稱總督軍務威武大將軍總兵官一切軍政皆以大將軍鈞帖行之庚子發帑一百萬兩備行在賞勞冬十月癸卯駐蹕順聖川甲辰寇犯陽和掠應州覲者諸軍禦之連戰五日乘輿幾陷戊申寇引去乃還駐蹕大同十一月丁亥楊廷和復

入內閣戊子車駕還宣府十二月癸亥內閣九卿至居庸關  
請回蹕有禁不得出關而還閏月丁亥迎春宣府備設諸戲  
是年琉球朝鮮烏思藏俱入貢

十三年春正月丙午至自宣府百官具綵帳羊酒郊迎帝御  
帳殿閣臣奉觴稱賀時南郊當致齋以初至不及舉庚戌祀  
天南郊遂獵南海子辛酉復如宣府是月賑兩畿水災廩流  
民瘞死者二月己卯太皇太后崩壬午至自宣府三月戊辰  
如昌平夏四月己巳謁六陵遂獵密雲五月己亥朔日有食  
之帝駐蹕喜峰口戊申至自喜峰口六月庚辰梓宮發京師  
帝戎服馳馬以從甲申葬孝貞純皇后於茂陵乙酉至自昌  
平秋七月己亥將如塞上自稱總督軍務威武大將軍總兵

官朱壽命閣臣撰勅內閣九卿科道竝至左順門泣諫不納錄應州功陞廕及賞者五萬六千四百餘人丙午發京師丁未度居庸關仍戒守者毋出京朝官遂感懷來保安諸城堡駐蹕宣府已酉提督南贛江漳軍務左僉都御史王守仁討橫水桶岡泐頭諸賊悉平之八月乙酉如大同九月庚子次偏頭關癸丑降手勅曰總督軍務威武大將軍總兵官朱壽親統六師肅清邊境特加封鎮國公歲支祿米五千石吏部加勅奉行復內批令於後軍都督府帶俸甲寅封朱彬朱泰爲伯冬十月戊辰渡河西幸巳卯次榆林十一月庚子調西官廳勇士四衛營兵赴宣大壬子次綏德州幸總兵官戴欽第納其女十二月戊寅歷米脂綏德度河幸石州文水戊子

次太原納樂工妻劉氏是年琉球朝鮮天方瓦刺俱入貢  
十四年春正月壬子遷宣府二月壬申至自宣府丁丑祀天  
南郊遂獵南海子己丑復降手勅諭吏部曰鎮國公朱壽宜  
加太師又諭禮部曰總督軍務威武大將軍總兵官太師鎮  
國公朱壽今往兩畿山東祀神祈福三月癸丑以諫南巡下  
兵部郎中黃鞏等六人於錦衣衛獄罰翰林修撰舒芬等百  
有七人跪午門五日杖殺金吾衛指揮僉事張英乙卯梏鞏  
等六人跪午門下大理寺正周叙等十人於錦衣衛獄丙辰  
下行人司副余廷瓚等二十人工部主事林大輅等三人於  
錦衣衛獄尋令梏跪午門如鞏等戊午杖芬等百有七人於  
闕下是日風霾晝晦夏四月戊寅杖黃鞏等三十九人於闕



下先後死者十一人五月己亥詔山東山西陝西河南湖廣  
流民歸業者官給廩食廬舍牛種復其賦五年六月丙子寧  
王宸濠反巡撫江西右副都御史孫燧南昌兵備副使許逵  
死之戊寅陷南康己卯陷九江秋七月甲辰傳旨親征是日  
復傳旨宸濠悖逆天道將犯南京其令總督軍務威武大將  
軍總兵官太師鎮國公朱壽親統邊兵討之安邊伯朱泰爲  
威武副將軍率師先發丙午宸濠犯安慶不克辛亥提督南  
贛汀漳軍務右副都御史王守仁率兵攻南昌克其城丁巳  
守仁敗宸濠於樵舍禽之八月戊辰以南征告郊廟癸未發  
京師梁儲蔣冕扈從丁亥次涿州得王守仁捷奏祕不發九  
月癸丑次臨清召劉姬不至自趨張家灣載之俱南冬十一

月乙巳漁清江浦壬子長至幸中官張陽第受朝賀己未次  
寶應漁汜光湖十二月辛酉次揚州大索處女寡婦壬戌獵  
城西戊寅閱女伎於揚州癸未漁新閘甲申幸儀真民黃員  
本家閩太監張雄所選伎送其半於御舟丙戌至南京是年  
朝鮮撒馬兒罕俱入貢

十五年春正月丁酉迎春於南京夏六月丁巳宿牛首山諸  
軍夜驚左右皆大擾久之乃定秋七月寇犯宣府大同閏八  
月丁酉發南京壬寅漁江口九月丙寅至清江浦復幸張陽  
第己巳漁積水池舟覆溺焉左右掖之出遂得疾冬丁月庚  
戌至通州十一月庚申治交通宸濠者罪執吏部尙書陸完  
赴行在十二月己丑賜宸濠死甲午還京師帝戎服乘馬入

遣官以凱旋告郊廟社稷丁酉祀天南郊初獻疾作不克終  
禮臥齋宮翼日乃還是年朝鮮琉球古城佛郎機俱入貢  
十六年春正月己未孝貞純皇后耐廟疾甚不克行禮二月  
癸巳廣西副總兵張祐討古田叛蠻平之己亥雲南巡撫右  
副都御史何孟春討彌勒州叛苗平之三月癸丑朔嘗有食  
之庚申改西官廳爲威武團營乙丑大漸諭太監陳敬蘇進  
曰朕疾不可爲矣其語司禮監官以朕意達皇太后天下事  
重與閣臣審處之前事皆由朕誤非汝曹所能預也丙寅崩  
於豹房年三十有一是日楊廷和請於皇太后傳遺旨罷威  
武團營遣各邊軍還革京城內外皇店縱遣豹房番僧及教  
坊司樂人戊辰頒遺詔釋諸司繫囚還四方所獻婦女停不

急工役收宣府行宮金寶於內庫庚午皇太后懿旨執江彬等下獄五月己未上尊諡廟號武宗

明史藁

本紀第十一

明史藁

本紀第十四

光祿大夫 經筵講官明史總裁戶部尙書加七級臣王鴻緒奉

敕編撰

世宗

世宗欽天履道英毅聖神宣文廣武洪仁大孝肅皇帝諱厚  
懋憲宗孫也父曰興獻王祐杬孝宗弟封於安陸正德十四  
年薨帝年十有三以世子理國事十六年春三月武宗崩無  
子皇太后與大學士楊廷和定策丁卯使太監谷大用韋霖  
張錦大學士梁儲定國公徐光祚駙馬都尉崔元禮部尙書  
毛澄以遺詔迎興世子嗣皇帝位夏四月癸未發安陸癸卯  
至京城外駐驛行殿初禮官具儀請如皇太子卽位禮世子

顧長史袁宗臯曰遺詔以我嗣皇帝位非皇子也至是楊廷和等請如禮部所具儀由東安門入居文華殿上箋勸進擇日登極不允皇太后以天位不可久虛羣臣可卽日上箋勸進遂從行殿受箋是日月中由大明門入遣官告宗廟社稷親謁大行皇帝凡筵朝皇太后見皇后出御奉天殿卽皇帝位大赦天下除一切弊政賜天下明年田賦之半自正德十五年以前逋賦盡免之丙午遣使迎母妃蔣氏於安陸召費宏入閣戊申命禮臣集議興獻王封號己酉下吏部尙書王瓊於獄五月乙卯閉大理銀礦丙辰梁儲致仕戊午毛澄等會議宜稱孝宗爲皇考改稱興獻王爲皇叔父興獻大王疏入以事體重大命再議壬戌吏部左侍郎袁宗臯爲禮部尙

書兼文淵閣大學士入閣預機務尋卒壬申磔錢寧於市乙亥澄等以前議興獻王稱號尊崇既至因錄宋儒程頤議濮王禮疏進覽復命博考典禮務求至當六月戊子磔江彬於市乙未縱內苑禽獸禁天下進獻丁酉革錦衣衛冒濫旗校三萬一千八百餘人戊戌賑江西災壬寅革傳陞官癸卯賑遼東饑己酉停陝西織造絨服秋七月壬子進士張璠等言繼統不繼嗣請尊崇所生而立獻王廟於京師命禮臣集議且召揚廷和等而諭之廷和等抗疏封還御批留中癸丑命自今親喪不得奪情著爲令丁巳小王子寇莊浪指揮劉晉禦却之丙子革錦衣等衛所及監局寺廠司庫旗校軍士匠役投充新設者凡十四萬八千七百餘人九月庚午葬毅皇

帝於康陵是月免山東山西被災者稅糧冬十月己卯追尊  
本生父興獻王爲興獻帝祖母憲宗貴妃邵氏爲皇太后母  
興王妃爲興獻后壬午興獻后至京師十一月辛亥賑江西  
災甲戌罷廣西貢香諭各鎮巡守備凡額外之征悉罷之  
嘉靖元年春正月癸丑享太廟己未大祀天地於南郊清寧  
宮後殿災楊廷和等因奏五行火主禮興獻帝后加稱廢禮  
甚矣今清寧之災上天示戒昭然可見帝乃勉從衆議稱孝  
宗皇考慈壽聖母稱本生父興獻帝母興獻后己巳甘州兵  
亂殺巡撫都御史許銘二月己卯耕藉田三月甲寅幸太學  
釋奠於先師丁巳上慈壽皇太后尊號曰昭聖慈壽皇太后  
武宗皇后尊號曰莊肅皇后戊午上皇太后尊號曰壽安皇



太后興獻后尊號曰興國太后夏四月壬辰命各邊巡按御史三年一閱軍馬器械丙申錄囚秋七月己酉以南畿浙江江西湖廣四川旱命撫按官講求荒政九月辛未立皇后陳氏冬十月辛卯以南畿湖廣江西廣西災傷發帑分賑各免稅糧有差十一月庚申壽安皇太后崩十二月戊寅發帑賑陝西山東被寇者是年朝鮮琉球俱入貢

二年春正月丁卯寇犯沙河堡總兵官杭雄戰却之二月癸未賑遼東饑壬辰提督軍務右都御史俞諫討江南山東賊平之丙申葬孝惠皇太后於茂陵三月乙巳俺荅寇大同甲寅奉武宗毅皇帝神主祔廟夏四月壬申以災異勅羣臣修省癸巳命兩京三品以上及撫按官舉堪任守令者以聞閏

月丙午錄囚五月庚午寇犯密雲殺指揮殷隆等四人己丑亦下刺犯甘涼六月癸丑以災傷免嘉靖元年天下稅糧之半秋八月辛酉寇犯遼東都指揮王綱出擊死之冬十一月庚寅賑河南饑是年朝鮮撤馬兒罕土魯番天方俱入貢帝提衛獻生豹却之

三年春正月丙寅兩畿河南山東陝西同時地震丙戌南京刑部主事桂萼請改稱孝宗曰皇伯考興獻帝曰皇考興國太后曰聖母并錄席書方獻夫之疏以聞詔禮臣集議是月朶顏入寇二月丙午楊廷和致仕戊申禮部尙書汪俊會公侯九卿翰詹科道等二百五十餘人並排萼議議上留中召席書桂萼霍韜張璠於南京辛酉賑湖廣饑三月庚午兩廣

賊平丁丑名典獻帝陵曰顯陵辛巳賑河南饑丙戌罷汪俊  
以南京兵部右侍郎席書代之夏四月巳酉上昭聖皇太后  
尊號曰昭聖康惠慈壽皇太后庚戌上與國太后尊號曰本  
生聖母章聖皇太后癸丑追尊典獻帝爲本生皇考恭穆獻  
皇帝大赦天下辛酉下詔修鄒守益於錦衣衛獄五月乙丑  
蔣冕致仕下修撰呂柟於錦衣衛獄丁丑遣使迎獻皇帝神  
主於安陸巳卯吏部尙書石瑤兼文淵閣大學士入閣預機  
務六月辛亥御史段續陳相請正席書桂萼等之罪吏部員  
外郎薛蕙上爲人後解戊午鴻臚寺少卿胡侍奏辨張璁等  
議禮之失竝下獄秋七月乙亥更定聖母章聖皇太后尊號  
去本生之稱丁丑翰林院學士豐熙給事中張翀御史余翱

六部郎中員外余寬馬璠等大理寺寺正母德純等一百三十四人伏闕固爭竝下錦衣衛獄己卯上章聖皇太后尊號曰章聖慈仁皇太后癸未杖吏部員外郎馬理等於廷死者十有六人甲甲奉安獻皇帝神主於觀德殿己丑毛紀致仕辛卯杖修撰楊慎檢討王元正給事中劉濟御史王時柯等於廷有死者是月免南畿河南被災者稅糧八月癸己大同兵亂殺巡撫都御史張文錦乙卯吏部左侍郎賈詠爲禮部尙書文淵閣大學士入閣預機務九月丙寅更定大禮稱孝宗爲皇伯考昭聖皇太后爲皇伯母獻皇帝爲皇考章聖皇太后爲聖母祭告天地宗廟社稷詔諭天下丙戌土魯番寇肅州金獻民總制軍務署都督僉事杭雄充總兵官往禦之

冬十一月己卯戶部左侍郎以贊皇督宣大軍參都督高繼  
充總兵官討大同叛卒十二月癸巳寇犯遼東都指揮關振  
敗之丁未金獻民敗寇於甘涼戊午起故大學士楊一清爲  
兵部尙書總制陝西三邊軍務是年琉球朝鮮俱入貢魯迷  
國貢獅子犀牛

四年春正月丙寅寇犯甘肅總兵官姜夷擊敗之三月甲戌  
勅修獻皇帝實錄壬午仁壽宮災夏五月庚辰作世廟以祀  
阜考秋八月戊子作仁壽宮冬十月丁亥作玉德殿景福安  
喜二宮十二月辛丑大禮集議成頒示中外閏月乙卯朔日  
有食之是年朝鮮天方俱入貢

五年春二月庚辰免山西被災者稅糧三月丁未定有司久

任法夏四月庚午寇犯大同宣府五月庚子楊一清爲吏部尚書武英殿大學士入閣預機務秋七月庚寅免四川被災者稅糧八月丙寅賑湖廣饑九月辛卯奉安獻皇帝神主於世廟己亥章聖皇太后有事於世廟冬十月辛亥親享世廟如太廟禮庚午頒御製敬一箴於國子監及天下儒學是年朝鮮暹羅俱入貢

六年春正月癸未命四品以上及科道官陳民間利病丁亥工部侍郎蔣畧督採大木二月辛亥寇犯宣府癸亥費宏石瑤致仕庚午召致仕大學士謝遷入閣是月免福建廣西被災者稅糧三月庚辰寇犯宣府甲午禮部右侍郎翟鑾爲吏部左侍郎兼翰林學士入閣預機務夏四月己未工部侍郎

黃衷督採大木五月丁丑朔日有食之丁亥王守仁爲兵部尚書總制兩廣江西湖廣軍務討田州叛蠻己亥寇犯神木堡松萌巖秋八月庚戌以議李福達獄爲御史馬錄罪下刑部尚書顏頤壽左都御史聶賢大理寺卿潘沐等於錦衣衛獄命禮兵侍郎桂芳張聰少詹事方獻夫署三法司雜治其事寇入河套總制尚書王憲總兵官鄭卿等擊敗之癸亥賈詠致仕庚午賑湖廣水災九月壬午刊欽明大獄錄頒示中外是月免兩畿山東山西河南江西被災者稅糧冬十月戊申兵部左侍郎張聰爲禮部尚書兼文淵閣大學士入閣預機務

七年春正月癸未考覈天下巡撫官三月戊寅謝遷致仕癸

已伍文定爲兵部尚書提督軍務梁材爲戶部左侍郎督理糧儲官討雲南叛蠻丁酉寇犯山西夏四月甲寅以甘露降告於郊廟六月辛丑明倫大典成宣付史館刊布天下癸卯定議禮諸臣罪追削楊廷和等籍秋七月己卯追尊孝惠皇太后爲太皇太后恭穆獻皇帝爲恭睿淵仁寬穆純聖獻皇帝辛巳尊章聖皇太后爲章聖慈仁皇太后戊子詔告天下加恩中外八月壬子免河南被災者稅糧九月甲戌王守仁討廣西諸寨賊悉平之壬午賑杭嘉湖災冬十月丁未皇后崩十一月丙寅立順妃張氏爲皇后十二月丙子寇犯大同八年春正月乙亥賑山西旱災二月癸酉吏部尚書桂萼兼

文華殿大學士又開預機務申禱雨南郊三月丙申葬悼



靈皇后戊戌賑河南饑秋八月丙子張璠桂萼罷九月癸巳  
張璠復入癸丑楊一清罷甲寅賑江西災是月免兩畿被災  
者稅糧冬十月癸亥朔日有食之十一月庚子桂萼復入甲  
辰賑杭州諸府水災戊申禱雪是日雪丁巳親詣郊壇告謝  
百官表賀是年朝鮮天方撒馬兒罕俱入貢

九年春正月丙午作先蠶壇於北郊賑寧夏災丁巳賑山西  
饑二月戊辰耕藉田丁丑命巡城巡按御史檢察官民服舍  
器用之踰制者免畿內及浙江被災者稅糧三月丁巳皇后  
親蠶於北郊夏四月丙戌賑延綏饑五月壬寅更建四郊秋  
八月壬午免江西被災者稅糧九月壬辰罷雲南鎮守中官  
乙未免南畿被災者稅糧冬十一月巳酉祀昊天上帝於南

郊禮成大赦天下是年琉球朝鮮俱入貢

十年春正月辛卯祈穀大祀殿奉太祖太宗配甲午更定廟  
祀奉德祀於祧廟乙巳桂萼病免二月甲子以甘露降顯陵  
告太廟甲戌免廬鳳淮揚被災者秋糧三月丙申寇犯甘肅  
丁酉犯大同戊申罷四川分守中官夏四月丁巳皇后親蠶  
於西苑甲子禘於太廟五月壬子祀皇地祇於方澤閏六月  
己丑罷浙江湖廣福建兩廣及獨石萬全永寧鎮守中官秋  
七月癸丑戶部侍郎葉相賑陝西饑戊午張孚敬罷辛巳鄭  
王厚烷獻白鵲薦之宗廟九月乙丑西苑宮殿成宴羣臣以  
落之丙寅禮部尚書李時兼文淵閣大學士入閣預機務壬  
申幸西苑御無逸殿命李時翟鑾坐講詩書宴儒臣於豳風

亭冬十月乙酉寇犯大同十一月戊辰免陝西被災者秋糧  
丁丑張孚敬復入閣十二月戊子下御史喻希禮石金於錦  
衣衛獄壬辰寇犯應州

十一年春正月辛未祈穀於闕丘二月戊戌免湖廣被災者  
稅糧三月癸亥寇犯延綏夏四月辛卯詔封開國功臣常遇  
春李文忠鄧愈湯和後爲侯五月丙子吏部尚書方獻夫兼  
武英殿大學士入閣預機務六月壬午免畿內被災者稅糧  
秋七月戊辰免南畿被災者夏稅八月戊子以星變勅羣臣  
修省辛丑張孚敬罷九月丁巳賑陝西饑丁卯免廬鳳淮揚  
滁和徐被災者稅糧冬十一月甲寅四川巡撫宋滄獻白兔  
羣臣賀表十二月乙亥賑山西饑是年朝鮮琉球哈密土魯

番天方撒馬兒罕俱入貢

十二年春正月甲辰下左副都御史王應鵬於錦衣衛獄丙辰張孚敬復入閣是月免浙江河南被災者稅糧二月己酉賑雲南饑三月丙寅寇犯宣府丙辰幸太學釋奠於先師冬十月丙子下建昌侯張延齡於獄庚辰大同兵亂殺總兵官李瑾代王奔宣府十一月己亥賑遼東旱災癸丑翟鑾憂去十二月己卯寇犯寧夏總兵官王劼梁震擊敗之是年朝鮮土魯番天方俱入貢

十三年春正月癸卯廢皇后張氏壬子立德妃方氏爲皇后二月己丑寇犯大同延綏副總兵梁震擊敗之三月壬申禮部侍郎黃綰撫賑大同乙酉寇犯響水堡總制兵部尙書唐

龍擊敗之夏四月己酉方獻夫致仕秋八月壬子寇犯花馬池梁震禦却之是年琉球朝鮮俱入貢

十四年春正月壬申革督理倉場中官丙戌莊肅皇后崩二月己亥作九廟三月戊子葬武宗毅皇后己丑遼東軍亂執都御史呂經夏四月甲午張孚敬病免復召費宏入閣丙午廣寧軍亂六月寇犯大同總兵官魯綱禦却之秋八月乙巳詔九卿會推巡撫官著爲令十月戊申費宏卒是年朝鮮烏思藏俱入貢

十五年春二月癸巳賑湖廣災三月丙子奉章聖皇太后如天壽山謁陵免昌平今年稅糧三之二賜高年粟帛癸未至自天壽山夏四月癸卯詣七陵祭告癸丑至自天壽山是月

寇犯涼州總兵官姜瓖等擊敗之秋七月己卯免山西被災  
考稅糧九月庚午詣天壽山丁丑至自天壽山是秋寇犯延  
綏官軍四戰皆敗之冬十月戊申詣天壽山壬子至自天壽  
山十一月甲寅寇犯大同掠西山戊午以皇子生詔赦天下  
十二月九廟成閏月甲寅加上昭聖皇太后徽號戊午加上  
章聖皇太后徽號癸亥詔赦天下乙丑禮部尚書夏言兼武  
英殿大學士入閣預機務丙寅享九廟是年琉球朝觐馬思  
藏俱入貢

十六年春二月癸酉奉章聖皇太后如天壽山是月寇犯大  
同總兵官梁震擊敗之三月甲申至自天壽山壬寅寇犯甘  
州丙午幸大峪山視壽陵丁未駐沙河作行宮夏四月癸丑

至自大峪山六月癸酉寇犯宣府殺指揮趙鏜秋八月甲戌寇犯大同冬十一月丁亥張鶴齡下獄尋死

十七年春二月戊辰請天壽山壬申至自天壽山三月辛丑咸寧侯仇鸞爲征夷副將軍充總兵官前工部尚書毛伯溫爲兵部尚書兼右都御史參贊軍事征安南莫登庸夏四月庚戌詣天壽山甲寅至自天壽山戊午罷安南師辛未寇犯大同參將張世宗禦却之六月丙辰定明堂大饗禮下戶部侍郎唐胄於獄秋七月辛卯開河南雲南銀礦癸巳慈寧宮成八月甲辰寇犯河西總制尚書劉天和禦却之丙辰禮部尚書掌詹事府顧鼎臣兼文淵閣大學士入閣預機務九月戊寅免畿內被災者稅糧辛巳加上太宗廟號爲成祖獻皇

帝廟號爲睿宗遂奉睿宗神主附於太廟辛卯大享上帝於元極寶殿奉睿宗配乙未幸大峪山丁酉至自大峪山冬十一月辛未詣南郊上皇天上帝號還詣太廟上高皇帝后尊號乙未免江西被災者稅糧十二月癸卯章聖皇太后崩壬子幸大峪山相視山陵甲寅至自大峪山乙卯李時卒是年朝鮮琉球俱入貢

十八年春二月庚子立皇子載聲爲皇太子封載屋爲裕王載圳景王辛丑赦天下禮部尚書黃綰宣諭安南壬寅以車駕南巡起翟鑾爲兵部尚書兼右都御史充行邊使丁未祈穀於元極寶殿壬子賑遼東饑癸丑安南莫方瀛請降乙卯幸承天皇太子監國辛酉次眞定望於北嶽丁卯次衛輝行



宮火三月巳巳渡河祭河神辛未次鈞州望於中嶽甲戌免畿內被災者稅糧庚辰至承天辛巳謁顯陵甲申享上帝於龍飛殿奉睿宗配戊子以大享祀成御龍飛殿受賀赦天下給復承天三年免明年湖廣田賦五之一畿南三之一夏四月壬子至自承天壬戌免湖廣被災者稅糧甲子幸大峪山丙寅至自大峪山五月巳巳夏言罷尋諭留之巳卯寇犯遼東甲申奉獻皇后梓宮於承天秋閏七月庚申耐葬顯陵辛酉復命仇鸞毛伯溫征安南是月寇犯宣府八月犯榆林總兵官周尚文擊敗之九月辛酉詣天壽山戶部侍郎王臬賑河南饑是秋免兩畿浙江山東陝西江西被災者稅糧冬十月丙寅至自天壽山是年朝鮮日本哈密俱入貢

十九年春正月丙寅翟鑾爲禮部尚書武英殿大學士入閣  
預機務辛亥寇入大同三月戊戌寇犯延綏夏六月辛巳瓦  
剌部長款塞秋七月癸卯寇入萬全右衛總兵官白爵逆戰  
於宣平敗之壬子戰於桑乾河又大敗之戊午賑江西水災  
八月甲戌寇犯平涼及岢嵐石州丁丑逮太僕卿楊最杖死  
九月巳酉召仇鸞還以鎮守兩廣總兵官柳珣代之是月寇  
犯固原周尚文戰於黑水苑敗之延綏總兵官任傑追擊於  
鐵柱泉又敗之冬十月庚申罷礦場甲子顧鼎臣卒十一月  
丙辰作慈慶宮是年琉球日本朝鮮俱入貢

二十年春正月丙午海西部長款塞是月免蘇松廬鳳淮揚  
六府滁和徐三州被災者稅糧二月乙丑顯陵成給復承天

三年丙寅下御史楊晉於錦衣衛獄是月寇犯甘肅三月壬寅犯鎮朔堡夏四月己未莫登庸納款改安南國爲安南都統使司以登庸爲都統使辛酉九廟災燬成祖仁宗主丙子赦天下壬午杖戶部主事周天佐於廷下獄死五月戊子工部侍郎潘鑑左副都御史戴金等採木於湖廣四川壬辰寇犯開原甲寅賑遼東饑六月戊辰犯太康堡壬申賑山西饑秋七月免河南陝西山東被災者稅糧八月辛酉昭聖皇太后崩甲子寇犯寧武關庚辰夏言罷是月寇犯太原大同宣府九月戊戌翊國公郭勛有罪下錦衣衛獄辛亥寇犯山西入石州冬十月癸丑以山西被寇復徭役三年發帑銀賑之丁卯夏言復入閣十一月辛卯葬孝宗敬皇后丙申免四川

被災者稅糧是年朝鮮琉球俱入貢

二十一年夏四月庚申大高元殿成閏五月戊辰俺荅阿不孩遣使求貢大同巡撫龍大有誘殺之六月辛卯俺荅入寇駐朔州壬寅掠廣武遂攻太原秋七月己酉朔日有食之夏言罷已未俺荅寇潞安八月辛巳募願赴軍前立功者壬午以山西被兵賑之癸巳禮部尚書巖嵩兼武英殿大學士入閣預機務冬十月丁酉以宮人謀弑逆磔端妃曹氏寧嬪王氏等於市十一月寇犯遼東

二十二年春正月丙午朔日有食之三月庚戌工部尚書樊繼祖擢奉湖廣秋八月丙子泰安州獻瑞麥奏謝元極寶殿獻其麥於祖廟是月寇犯延綏遊擊張鵬擊却之總兵官吳

英等追擊又敗之九月戊午逮巡按山東御史葉經杖殺之  
冬十月乙亥寇犯遼東是月朶顏入寇殺守備陳舜十二月  
乙酉免蘇松常鎮被災者稅糧是年朝鮮占城土魯番撒馬  
兒罕天方烏思藏俱入貢

二十三年春正月丙寅寇犯黃崖口二月戊寅犯大木谷三  
月癸丑犯龍門所秋七月犯大同總兵官周尙文迎戰於黑  
山敗之八月甲午翟鑾罷九月丁未吏部尙書許讚兼文淵  
閣大學士禮部尙書張璧兼東閣大學士入閣預機務壬子  
賑湖廣旱災是秋免畿輔浙江福建被災者稅糧冬十月甲  
戌寇犯膳房堡遂入萬全右衛戊寅掠蔚州游騎至完縣壬  
午京師戒嚴乙酉逮總督宣大兵部尙書翟鵬巡撫薊鎮右

僉都御史朱方下獄鵬謫戍方杖死十一月庚子京師解嚴  
加方士陶仲文少師十二月丙子賑江西旱災是年朝鮮安  
南俱入貢

二十四年春二月戊申詔流移復業開墾閑田者給復十年  
三月壬午逮總督宣大兵部侍郎張漢下獄謫戍夏六月壬  
辰太廟成免畿輔山西陝西被災者稅糧秋七月壬戌赦天  
下是月寇犯安塞保安八月丙午瘞暴骸已酉張壁卒庚戌  
寇犯遼東松子嶺殺守備張文瀚是月犯大同復犯鶉鴿谷  
九月丁丑夏言復入閣冬十一月辛巳許讚罷是月寇犯榆  
林是年琉球安南朝鮮俱入貢

二十五年夏五月戊辰俺荅款塞求貢其使爲邊卒所殺秋

七月丁卯免河南被災者夏稅是月俺荅犯延安慶陽總督兵部侍郎曾銑擊走之九月寇犯寧夏冬十月甲午殺故建昌侯張延齡是年朝鮮土魯番俱入貢

二十六年夏四月丙戌逮巡撫山西右僉都御史孫繼魯下獄尋瘐死已酉俺荅復款塞求貢總督侍郎翁萬達以聞切責拒之秋九月戊辰下戶部尙書王杲於獄冬十一月乙未皇后崩十二月辛酉逮甘肅總兵官仇鸞乙亥海賊犯寧波台州是年朝鮮琉球俱入貢

二十七年春正月癸未逮曾銑下錦衣衛獄夏言罷是月寇犯廣寧殺參將闞振二月癸丑作永陵三月癸巳殺曾銑逮夏言癸卯出仇鸞於獄夏五月丙戌葬孝烈皇后是月寇犯

宣府秋七月庚子西苑進嘉穀薦於太廟宣付史館羣臣表賀八月丁巳寇犯大同周尙文敗之九月乙酉犯宣府冬十月癸卯殺夏言丙辰寇犯隆慶州十一月乙未詔撫按官採金是年朝鮮日本俱入貢

二十八年春二月辛亥南京吏部尙書張治爲禮部尙書兼文淵閣大學士國子監祭酒李本爲少詹事兼翰林院學士入閣預機務壬子寇犯宣府滴水崖乙卯周尙文敗之於曹莊丙辰宣府總兵官趙國忠又敗之於大濬沱三月辛未朔日有食之乙酉皇太子冠丁亥薨夏四月寇犯鐘羌永昌秋七月浙江海賊起八月乙卯寇犯大同九月戊辰犯榆林壬午犯大同是月犯遼東入沙河堡冬十一月甲申祔孝烈皇



后於太廟祧仁宗

二十九年夏六月戊午寇犯大同殺總兵官張達副總兵林椿閏月癸酉逮總督宣大兵部右侍郎郭宗臯巡撫大同右副都御史陳燿下獄宗臯謫戍燿杖死秋八月壬戌俺荅大舉入寇丙寅封陶仲文爲恭誠伯丁丑俺荅攻古北口薊鎮兵潰戊寅掠通州京師戒嚴召大同總兵官仇鸞及諸路兵入援壬午俺荅兵薄都城以仇鸞爲平虜大將軍節制諸路兵馬左諭德趙貞吉宣諭諸軍癸未御奉天殿宣示百官自十八年不視朝至是始一出甲申寇退趨白羊口逮駐防通州右副都御史王儀乙酉逮巡撫薊鎮右副都御史王汝孝總兵官羅希韓丙戌京師解嚴杖趙貞吉於廷丁亥兵部尙

書丁汝夔巡撫兵部右侍郎楊守謙有罪伏誅杖左都御史屠僑刑部右侍郎彭黠大理寺卿沈良才刑科給事中杜侃等於廷仇鸞逐寇敗績九月辛卯賑薊州昌平密雲通州被寇者乙未更定京營制廢十二團營併於三大營以仇鸞總督之罷領營中官戊申免畿輔被災者稅糧壬子廢鄭王厚烷爲庶人綱之高牆冬十月甲戌張治卒十一月癸巳御史魏謙吉等邊各邊軍入衛辛亥免浙江金衢台溫被災者稅糧是年琉球朝鮮俱入貢

三十年春三月壬辰兵部左侍郎史道兼右僉都御史經略馬市於宣大壬午免昌平順義懷柔密雲去年被寇者秋糧夏四月辛未下左副都御史商大節於獄論死冬十月免畿

輔山東山西被災者稅糧

三十一年春正月丁亥寇犯大同壬辰掠威遠城甲午犯弘  
賜堡辛丑犯大同二月丁巳犯大同辛酉犯威虜堡殺指揮  
王恭巳巳建內府營三月戊子大將軍仇鸞勦寇大同辛卯  
禮部尙書徐階兼東閣大學士入閣預機務夏四月丙寅寇  
犯遼東殺指揮王相丙子倭犯浙江五月甲申召仇鸞還京  
丙午寇犯紅城堡秋七月壬寅以倭警設浙江巡撫以僉都  
御史王忬爲之兼轄福建濱海諸府八月戊午收仇鸞大將  
軍印壬戌鸞死丙寅寇犯大同乙亥戮仇鸞屍於市籍其家  
巳卯寇犯大同分掠湖應山陰馬邑九月乙酉犯山西三關  
壬辰犯寧夏庚子杖協理戎政兵部右侍郎蔣應奎左通政

唐國卿於廷癸卯罷各邊馬市戊午寇犯神池堡冬十月己未兵部尙書趙錦戍邊己巳寇犯遼東十二月丁巳下光祿寺少卿馬從謙於錦衣衛獄杖殺之

三十二年春正月己卯刑部侍郎吳鵬賑淮徐水災庚辰杖都給事中楊思忠於廷黜爲民二月丙寅倭犯溫州壬申寇犯宣府三月丁丑賑陝西饑辛巳寇犯延綏壬午兵部右侍郎楊博巡邊甲申賑山東饑甲辰寇犯宣府夏五月壬戌寇犯遼東倭自閩三月寇濱海諸府至六月乃去秋七月丁巳俺荅大舉入寇乙丑寇犯延綏己巳俺荅犯插箭浮圖等峪辛未遊擊陳鳳朱玉與寇戰於三家村壬申寇退是月河內柘城賊帥尙諂陷歸德府及柘城鹿邑諸縣八月乙亥寇犯

蔚州丙子小王子寇宣府甲午師尙詔攻太惠敗官軍戊戌  
免山東被災者稅糧九月丙午寇犯山西殺總兵官李涑辛  
酉以寇退告謝郊廟社稷癸亥河南官軍分道擊賊師尙詔  
敗逕是月免南畿河南被災者稅糧冬十月甲戌賑河南山  
東饑庚子師尙詔被擒辛丑築京師外城是月免畿輔浙江  
被災者稅糧是年朝鮮琉球俱入貢

三十三年春正月壬寅朔杖給事中張思靜等於廷二月庚

辰倭犯松江夏四月甲戌賑畿內饑乙亥倭犯海鹽嘉興乙  
酉陷崇明癸巳寇犯宣府五月壬寅倭掠蘇州丁未大掠崇  
德丁巳南京兵部尙書張經總督南畿及浙江山東兩廣福  
建軍務討倭六月癸酉寇犯大同殺總兵官岳懋甲申倭犯

嘉興己丑侍郎陳儒賑大同軍士秋八月乙未寇犯宣府九月己未犯山西乙丑犯湖河川丁卯掠古北口是秋免山東湖廣被災者稅糧冬十月庚午寇犯蘇州總督楊博禦却之三十四年春正月丁酉倭犯崇德德清二月戊寅寇犯宣府丙戌工部侍郎趙文華察視江南賊情是月寇犯薊鎮三月甲寅蘇松兵備副使任環敗倭於南沙夏四月乙亥倭寇江北戊子掠常熟江陰任環擊敗之是月寇犯宣府執參將李光啓等殺之五月甲午張經遣參將盧鐘等擊倭於王江涇大破之乙巳倭犯蘇州己酉逮張經下獄以兵部右侍郎周琬代之乙卯任環敗倭於陸涇瀟六月庚辰又敗之於馬蹟山壬午周琬罷以兵部右侍郎楊宜代之秋七月乙巳倭陷

南陵丙辰犯南京殺指揮朱襄八月壬辰蘇松巡撫曹邦勳  
敗倭於許墅九月乙未趙文華及巡按御史胡宗憲擊倭陶  
宅敗績丙午寇犯大同宣府辛酉犯保安參將馮芳擊敗之  
冬十月庚寅殺張經及巡撫浙江右副都御史李天寵兵部  
員外郎楊繼盛辛卯倭掠寧波犯會稽十一月壬辰朔日有  
食之庚申倭犯興化泉州十二月甲午開山東四川銀礦壬  
寅山西陝西河南地大震河渭溢死者八十三萬餘人是月  
寇犯神木

三十五年春正月壬午倭敗官軍於松江是月寇犯莊浪二  
月庚寅戶部侍郎鄒守愚祭告山西河南陝西山川賑恤災  
民甲午以平陽延安地震尤甚發銀賑之免其稅糧己亥楊

宜罷以兵部右侍郎璽誥代之戊午下吏部尙書李默於錦  
衣衛獄論死王誥罷以兵部右侍郎胡宗憲代之夏四月辛  
亥遊擊宗理擊倭於崇德軍潰死之時兩浙皆被倭慈谿餘  
姚柘林乍浦烏鎮阜林間皆賊巢前後至者二萬餘人五月  
乙丑趙文華提督浙江江南軍務丁亥左通政王槐採礦玉  
旺谷六月丙申總兵官俞大猷敗倭於黃浦辛丑寇犯宣府  
殺遊擊張紘甲辰戶部主事沈應乾採礦於河南秋七月辛  
巳胡宗憲大破倭於乍浦八月辛亥襲破徐海於梁莊九月  
壬戌寇犯遼東壬午以倭平祭告郊廟社稷是月免兩畿江  
西福建被災者稅糧冬十月戊子寇犯大同紅州十一月  
戊午犯廣寧殺總兵官殷尙質辛巳犯一片石

陽



安禦却之十二月丁未犯瓊崖

三十六年春正月丁卯以倭警設福建巡撫以右僉都御史阮鶚爲之二月寇犯大同三月犯永平殺副總兵蔣承勛犯延綏殺副總兵陳鳳夏四月丙申奉天華蓋謹身三殿及奉天門午門竝災五月癸亥工部侍郎劉伯躍總督川湖採木張舜臣提督大石窩採石辛未倭犯天長六月壬午寇犯宣府甲午停陝西採礦秋七月庚午詔順天及廣東採辦珍珠一百三十萬顆八月寇犯義州九月癸丑禮部彙進瑞芝千本是月寇犯大同及應朔冬十一月庚戌免山東被災者稅糧丁丑辛愛寇大同圍右衛城十二月癸未免浙江寧紹溫台處五府被災者稅糧是月寇入遼陽是年朝鮮琉球俱入

貢

三十七年春正月癸亥罷河南採礦三月丙辰逮總督宣大兵部右侍郎楊順甲子逮巡撫福建右副都御史阮鶚辛未寇犯永寧川夏四月癸未遼東大饑賑之是月倭復犯浙江福建六月癸未免大同被寇者稅糧丙戌倭犯樂清永嘉秋八月己未寇犯永昌涼州圍甘州己巳犯宣府冬十月癸丑禮部彙進瑞芝一千八百六十本詔廣求徑尺以上者是年琉球朝鮮暹羅俱入貢

三十八年春二月庚午寇犯潘家口渡灤河逼三屯營三月己卯東西掠遷安薊州玉田五日乃出早午逮浙江總兵官俞大猷夏四月丁未倭犯通州甲寅犯福州丁巳海道副使

劉景韶敗倭於如臯庚申巡撫鳳陽李遂敗倭於姚家灣丙寅劉景韶大破倭於印莊五月辛巳逮總督薊遼右都御史王忬下獄論死甲午劉景韶破倭於廟灣江北六月乙巳寇犯大同秋八月己未李遂胡宗憲合擊倭於劉家莊大敗之甲子賊遼東饑是月寇犯土木九月犯宣府是年土魯番天方撒馬兒罕哈密俱入貢

三十九年春正月丙戌寇犯宣府二月丁巳南京振武營兵亂殺總督糧儲侍郎黃懋官三月癸未大同總兵官劉漢襲兀慎於灰河敗之乙酉分遣御史修舉九邊屯政丁亥寇犯遼東陷廣寧中前所城殘子犯一片石等關夏五月壬午賊山西三關饑秋七日乙丑寇犯薊西遊擊將軍胡鎮禦却之

庚午劉漢襲寇於豐州破之八月戊戌胡宗憲獻芝草白龜  
賜名龜曰玉龜芝曰仙芝告於太廟九月己巳寇犯大同冬  
十一月甲子逮南京總督糧儲右副都御史章煥十二月寇  
犯遼東海州是年朝鮮暹羅俱入貢

四十年春正月丙寅寇犯山西五花營二月辛卯賑山東饑  
丁未景王之藩夏四月丁未賑山西饑五月乙亥李本憂去  
秋七月庚戌寇犯宣府副總兵馬芳禦却之九月庚子寇犯  
居庸關參將胡鎮禦却之辛丑賑蘇松常鎮杭嘉湖水災甲  
辰賑陝西固原寧夏地震冬十一月甲午吏部尙書袁燁爲  
戶部尙書兼武英殿大學士入閣預機務庚戌寇犯寧夏辛  
亥萬壽宮災十二月丙寅寇犯遼東蓋州是年朝鮮烏思藏

俱入貢

四十一年春三月辛卯白兔生子羣臣表賀夏五月庚寅寇犯遼東副總兵黑春等敗之壬寅嚴嵩罷壬子寇犯遼東秋九月壬午三殿成改奉天曰皇極華蓋曰中極謹身曰建極冬十月免南畿廬鳳淮揚江西南昌諸府被災者稅糧十一月乙酉遣御史姜儆王大任分行天下訪求方士法書丁亥逮總督江南浙江江西福建兵部尙書胡宗憲旣而釋之辛丑寇犯寧夏副總兵王勲戰死己酉倭陷興化是月延綏總兵官趙嵩出塞襲寇菽麥湖敗之免陝西湖廣被災者及福建被災者稅糧是年朝鮮琉球俱入貢

四十二年春正月戊申寇犯宣府二月癸酉犯遼陽副總兵

楊照禦却之丁丑兩廣總督都御史張臬兼督福建軍務討倭夏四月庚申倭犯長樂總兵官劉顯命大猷合兵殲之丁卯副總兵戚繼光擊倭於平海衛破之秋七月己丑西苑龜生卯告廟受賀八月乙亥遼東總兵官楊照出塞襲寇賊死冬十月丁卯辛愛把都兒入寇京師戒嚴詔諸路兵入援戊辰寇竄順義三河殺總兵官孫臚遊擊趙溱癸酉逮總督薊遼兵部右侍郎楊選巡撫薊鎮右僉都御史徐紳下獄論死乙亥大同總兵官姜應熊禦寇於密雲敗之十一月丁丑京師解嚴十二月壬申寇犯沙河舖是年琉球朝鮮俱入貢四十三年春正月壬午土蠻黑石炭寇薊鎮總兵官胡鎮參將白文智禦却之二月戊午倭犯仙遊總兵官戚繼光敗之

福建倭平閏月巳卯寇犯遼東夏五月丁酉廣東進琛  
兩六月辛卯倭犯海豐俞大猷大破之冬十月寇犯陝西十  
二月兩犯山西殺遊擊梁平守備祁謀是年天下臣民爲朝  
廷建醮祝釐者甚衆賞賚有差朝鮮西番哈密俱入貢魯迷  
國貢獅子

四十四年春三月巳未袁燁病免辛酉工部侍郎嚴世蕃伏  
誅是月寇犯遼東殺都指揮線補袞楊繼藩夏四月庚辰吏  
部尚書嚴訥禮部尚書李春芳並兼武英殿大學士入閣預  
機務壬午寇犯肅州總兵官劉承業戰却之甲午倭犯福寧  
戚繼光敗之五月甲辰寇犯鎮武堡辛酉犯延綏六月甲戌  
芝生睿宗廟並告廟受賀於其地建玉芝宮是月寇犯宣大

秋八月犯宣府九月戊戌犯延綏冬十月免山東被災者稅糧十一月癸卯嚴訥病免戊申奉安獻皇帝后神位於玉芝宮是年朝鮮琉球俱入貢

四十五年春二月癸亥下戶部主事海瑞於錦衣衛獄甲戌承天大誌成辛巳諭大學士徐階曰朕病久未復茲就大誌成一南視承天拜親陵取藥服氣此原受生之地必奏功途用輿輦至秋還京階力諫乃止三月癸巳寇犯宣府己未吏部尙書郭朴兼武英殿大學士禮部尙書高拱兼文淵閣大學士入閣預機務夏四月壬戌朔日有食之丙戌寇犯遼東秋七月乙未犯延綏八月乙酉犯延安冬十月丁卯犯固原殺總兵官郭江等癸酉犯偏頭關閏月壬辰犯延綏甲辰犯



大同殺參將崔世榮十一月己未帝在位十二月庚子疾甚  
還大內崩於乾清宮年六十隆慶元年正月上尊諡廟號世  
宗

明史彙

本紀第十四終



明史藁

本紀第十五

光祿大夫

經筵講官明史總裁戶部尙書加七級

臣王鴻緒奉

敕編撰

穆宗

穆宗契天隆道淵懿寬仁顯文光武純德弘孝莊皇帝諱載  
屋世宗第三子也嘉靖十六年春正月生十八年二月封裕  
王與莊敬太子景恭王同日受冊寶已而莊敬薨王旣長與  
弟景王竝出居諸王邸時主壘久虛世宗以王長且賢繼序  
已定不待冊建也而中外危疑屢有言者世宗乃令景王之  
藩四十五年冬十二月辛丑世宗崩壬子裕王卽皇帝位大  
赦天下召用建言得罪諸臣恤錄其死者執方士王金等付

法司定罪罷一切齋醮工作及內外採買織造諸務凡政令不便於民者皆以遺詔改之免明年天下田賦之半及嘉靖四十二年以前逋賦

隆慶元年春正月丁巳享太廟癸亥罷睿宗明堂配享二月戊子祀大社大稷乙未立妃陳氏爲皇后吏部左侍郎陳以勤爲禮部尙書兼文淵閣大學士禮部右侍郎張居正爲吏部左侍郎兼東閣大學士八閣預機務乙巳罷睿宗玉芝宮享祭寇犯廣寧總兵官王治道敗之三月壬申葬肅皇帝於承陵孝潔肅皇后孝恪皇后竝祔葬乙酉寇犯遼陽指揮主承德戰歿夏五月辛酉祀地於北郊甲子寇犯大同參將劉國禦却之丙寅幸舊邸卽日還宮丁丑高拱罷六月甲申寇

犯朔州參將麻錦却之戊戌以淫雨修省素服避殿御皇極  
門視事秋七月丙辰免應天加徵織造銀是月寇入得勝堡  
遊擊麻貴却之八月癸未朔幸太學釋奠於先師戊子祀大  
社大稷九月癸亥俺荅陷石州殺知州王亮采縱掠文水交  
城介休苛嵐壬申土蠻由界嶺口入太棘昌黎樂亭撫寧盧  
龍游騎至於灤河癸酉寇入延綏總兵官趙奇禦却之甲戌  
郭朴罷免襄陽諸府被水者秋糧乙亥京師戒嚴督漕糧入  
城冬十月丙戌俺荅主蠻出塞京師解嚴丙申逮山西巡撫  
王維洛總兵官申維岳蘇鎮巡撫耿隨卿總兵官李世忠尋  
下獄論死讀成有差甲辰寧夏總兵官雷龍靈州參將何其  
昌出塞擊河套寇敗之十一月癸亥祀天於南郊是年朝鮮

琉球俱入貢

二年春正月癸丑寇犯靖虜城壬戌革正一真人以張國祥爲上清觀提點巳卯杖給事中石星於廷黜爲民二月庚寅命廷臣舉邊才丁酉寇犯柴溝坐新莊守備韓尙忠戰死巳亥耕藉田丁未詣天壽山謁陵庚戌祭長陵永陵卽日還京免所過稅糧十之三三月丁巳大祠總兵官孫吳等出塞襲寇於亂子山破之辛酉立皇太子朔鈞爲皇太子大赦天下乙丑海盜曾一本寇廣州秋七月巳酉入廉州丙寅徐階致仕九月甲寅右副都御史龐尙鵬總理九邊屯鹽冬十月巳亥廢遣王憲爝爲庶人銅之高鑄十一月壬子宣府總兵官芳襲寇於長水海子又敗之鞍子山辛酉免江西被災者

糧十二月辛卯奉肅皇帝神主祔廟庚子以災異勅羣臣修省是年朝鮮入貢

三年春二月庚辰免陝西被災者秋糧戊子罷中官閱視京

營夏四月乙未錄囚五月甲寅杖御史詹仰庇於廷黜爲民

秋七月壬午河決沛縣乙酉命有司實修積穀備荒之政八

月癸丑閩廣海盜平壬戌禮部尙書趙貞吉兼文淵閣大學

士入閣預機務丁卯賑南畿山東浙江水災九月辛卯大閱

是月免南畿浙江被災者稅糧冬十一月庚辰京師地震勅

百官修省十二月己亥以災異顯仍命樞密訪部院政事

庚申高拱復入閣兼掌吏部乙丑杖尙寶司丞鄭履淳下獄

是冬免畿輔河南被災者稅糧是年朝鮮土魯番入貢

四年春正月己巳朔日有食之辛未薊州修省三日二月己亥趙貞吉兼掌都察院事乙丑更京管制分設三大將領之夏四月丙午俺荅分部寇宣府大同山西諸將拒却之五月癸酉杖給事中李己於廷下獄秋七月戊子陳以勤罷八月庚戌俺荅及子辛愛大舉入寇京師戒嚴九月癸酉陝西大水發倉賑濟蠲稅有差壬午免湖廣武昌等六府畿內保定等五府被災者稅糧癸未寇犯高溝堡大同副總兵錢棟等戰沒戊子辛愛犯錦州總兵官王治道參將郎得功戰沒甲午復京營舊制冬十月癸卯俺荅孫把漢那吉來降宣大總督王崇古請納之以撫俺荅高拱主其議乃以指揮使官之甲子俺荅辛愛犯宣府總兵官趙可擊却之十一月丁丑俺



荅遣使納款求把漢那吉乙酉崇禎員吉罷己丑禮部尙書殷士儋兼文淵閣大學士入閣預機務十二月丁酉俺荅執叛人趙全等九人來獻遣把漢那吉北歸厚賜之乙卯御午門樓受俘磔全等於市是年朝鮮入貢

五年春二月甲午命廷臣及朝覲官謁皇太子於文華左門己未封皇子翊鏐爲潞王己丑封俺荅爲順義王夏四月辛丑錄囚己酉授俺荅弟昆都力布辛愛並爲都督同知賓兔等六十一人指揮以下官五月壬戌廣西古田獍賊平戊寅李春芳罷六月辛卯京師地震三羣臣修省甲辰授吉能爲都督同知其部下授官有差丁未古田叛蠻韋銀豹伏誅甲寅順義王俺荅及昆都力等貢馬御殿受賀告於郊廟社

稷丙辰俺荅執趙全餘黨十三人來獻秋八月癸卯許套部互市冬十一月己巳殷士儋罷十二月辛亥命雲南採買珠寶是年朝鮮琉球土魯番俱入貢

六年春二月甲午皇太子冠丙申倭犯化州石城陷錦囊所又陷神電衛掠吳川陽江高州海豐惠潮間山寇黃朝太復起總督兩廣都御史殷正茂勦之閏月丁卯御皇極門疾作遽還宮二月戊子皇太子出閣講學庚子寇犯長勝堡守備范芝敗之復犯清河堡守備曹璽等又敗之夏四月戊辰掌詹事府禮部尙書高儀兼文淵閣大學士入閣預機務五月丙午疾劇己酉大漸召高拱張居正高儀受顧命庚戌崩年三十有六秋七月丙戌上尊諡廟號穆宗

光祿大夫 經筵講官明史總裁戶部尚書加七級臣王鴻緒奉

敕編撰

神宗

神宗範天合道哲肅敦簡光文章武安仁止孝顯皇帝諱翊鈞穆宗第三子也母曰李貴妃嘉靖四十二年秋八月生隆慶二年春三月立爲皇太子幼岐嶷穆宗嘗馳馬宮中諫曰陛下天下主馬必雙控塗行以示威重獨騎而騁寧無衝蹶憂穆宗下馬勞之曰汝言是也賜錦十匹陳皇后病居別宮每晨朝穆宗卽隨貴妃往候后聞履聲輒喜爲強起取經書問之莫不響答貴妃亦喜由此兩宮益和六年夏五月庚戌

穆宗崩六月甲子皇太子卽皇帝位大赦天下庚午罷高拱  
癸酉御平臺召張居正入見慰勞之丁丑高儀卒壬午禮部  
尙書呂調陽兼文淵閣大學士入閣預機務秋七月丁亥初  
通漕運於密雲庚子上皇后尊號曰仁聖皇太后皇貴妃尊  
號曰慈聖皇太后慈聖居乾清宮護上起居九月甲午葬莊  
皇帝於昭陵冬十月丙辰彗星見東北方至二年四月乃滅  
己未兵部侍郎王遴吳百朋汪道昆分閱邊防辛酉停刑丙  
午黔國公沐朝弼有罪安置南京十二月甲戌以大行未期  
罷明年元夕燈火及宮中宴

萬曆元年春正月庚子早朝有男子擅入宮門執下錦衣衛  
獄二月甲戌廣西府江鎮總兵三月丙申詔內外官各舉將

才夏四月甲子惠州賊平五月癸未詔內外官愼刑  
月河決徐州八月癸丑罷海運九月丙戌四川都掌  
卯停刑是年朝鮮暹羅琉球俱入貢

二年夏四月丙寅詔內外官行久任之法五月辛丑奉莊  
帝神主祔廟秋七月淫雨昭陵地陷八月庚午淮安揚州徐  
州河溢傷稼蠲賑有差冬閏十二月庚寅罷明年元夕燈火  
是年朝鮮琉球俱入貢

三年春正月丁未躬享太廟二月戊寅躬親大社大饗丙申  
命日講官記注起居夏四月己巳朔日有食之既壬申書謹  
天戒任賢能親賢臣遠嬖佞明賞罰謹出入慎起居節飲食  
收放心存敬畏納忠言節財用十二事於座右以自警甲午

淮揚大水詔察二府有司貪黷老疾者罷之撫按官率屬修舉實政六月戊辰杭嘉寧紹大風海溢滄人畜廬舍是夏蘇松常鎮大水秋八月戊辰躬祀大社大稷丙子禮部右侍郎張四維爲禮部尙書兼東閣大學士入閣預機務丁丑河決高郵碭山戊子淮揚鳳徐水災蠲賑有差冬十月戊午京師地震十一月丁卯地再震勅羣臣修省乙巳躬祀天於南郊十二月辛未罷明年元夕燈火是年朝鮮安南琉球暹羅土魯番俱入貢

四年春正月丁巳以論張居正逮遼東巡按御史劉臺下獄削籍夏五月辛丑司禮太監馮保同法司錄囚秋七月丁酉詔戶部蠲天下歷年逋賦有差明年漕糧折收十之二月實

民力甲辰修泗州祖陵八月壬戌幸太學釋奠於先聖先師  
河決徐州及豐沛睢寧金鄉魚臺單曹七縣是年秋九月  
琉球烏思藏土魯番天方撒馬兒罕魯迷哈密俱入貢

五年春二月乙丑賑廣西饑是月廣東羅劬叛擒平五月  
壬寅重修乾清宮成秋九月丁丑張居正父喪奪情視事冬  
十月戊子彗星見西南方乙巳以論張居正杖翰林院編修  
吳中行檢討趙用賢刑部員外郎艾穆主事沈思孝於廷中  
行用賢削籍穆思考謫戍越三日杖進士鄒元標於廷謫戍  
十一月癸丑以星變考察百官戊午召見張居正於平臺慰  
勞之十二月壬寅以星變罷杭州織造是年朝鮮琉球俱入

貢

六年春正月癸酉皇太后還慈寧宮二月戊子加元服庚子  
立皇后王氏三月甲寅禮部尙書馬自強兼文淵閣大學士  
吏部右侍郎申時行兼東閣大學士入閣預機務甲子張居  
正葬父歸裏四月丙午詔戶部歲增金花銀二十萬兩六月  
乙未張居正還朝秋七月乙卯呂調陽致仕丙子詔江北諸  
府民年十五以上無田者官給牛一頭田五十畝開墾二年  
後起科九月庚午詔蘇州諸府荒田召民開墾六年後起科  
辛未停刑冬十月辛卯馬自強卒是年朝鮮烏思藏俱入貢  
七年春正月戊辰毀天下書院三月甲子免淮揚逋賦夏六  
月辛卯清丈兩畿山東陝西豫州莊田秋七月乙丑以水災  
罷蘇州織造八月辛丑免河漢興化寶應山陽清河桃源鹽



被災田租是年朝鮮烏思藏俱入貢

八年春二月辛卯朔日有食之戊子耕藉田三月辛酉宮太后率皇后謁陵天壽山賜所過州縣田租甲寅至自天壽山夏閏四月廣西八寨賊平冬十月辛丑汰內外冗官十一月丙子詔度民田是年朝鮮琉球俱入貢

九年春正月癸酉寇圍錦州掠松山杏山遊擊周之望等敗沒甲戌犯長寧堡副總兵曹簾擊却之己卯命翰林官日四人分番入直甲申遼東總兵官寧遠伯李成梁出塞襲土蠻大破之三月丙寅大閱是月寇入遼陽曹簾禦之敗績夏四月乙卯賑南畿饑戶部進萬曆會計錄秋九月丁亥停刑冬十月己亥土蠻犯廣寧義州縱掠五日李成梁擊却之是年

朝鮮琉球土魯番天方撒馬兒罕魯迷哈密烏思藏俱入貢  
十年春二月壬辰順義王倫荅卒丁酉免天下積年逋賦三  
月庚申杭州兵變辱巡撫吳善言以兵部侍郎張佳胤爲浙  
江巡撫討定之丙子泰寧衛部長速把亥犯義州李成梁擊  
斬之夏四月甲午寧夏土軍馬某等作亂殺參將許汝繼巡  
撫都御史晉應槐討誅之己亥京師旱疫勅羣臣修省庚子  
錄囚丙辰彗星見西北方凡二十餘日五月庚申免先聖及  
先儒朱熹李侗羅從彥蔡沈胡安國游酢真德秀劉子翬功  
臣楊榮後裔賦役有差庚辰賑畿內饑六月丁亥朔日有食  
之乙巳前禮部尙書潘晟兼武定縣大學士吏部左侍郎余  
有丁爲禮部侍郎兼文淵閣大學士入閣預機務晟尋罷丙

午張居正卒秋八月丙申皇長子生加上兩宮太后尊號  
赦天下癸丑免畿內被災者夏稅冬十月丙申以南畿水  
水災蠲賑有差十一月丁巳免山西被災者秋糧十二月  
辰馮保謫奉御籍其家乙巳賑陝西饑是年朝鮮哈密烏思  
藏俱入貢

十一年春正月辛酉京師風霾勅謹邊防是月編甸祖雲商  
閏二月甲子封黃台吉爲順義王乙丑幸后妃謁山陵行春  
祭禮辛未還宮免所過州縣田租三月甲申削張居正上柱  
國太師兼太子太師官階夏四月丁巳張四維憂去己未吏  
部左侍郎許國爲禮部尙書兼東閣大學士入閣預機務己  
巳致仕大學士徐階卒甲戌承天大雨江水溢入城秋九月

甲申遷后妃謁山陵作壽宮於大峪山己丑還宮冬十月癸亥停刑辛未賑河南湖廣水災免其稅糧十一月己卯朔日有食之辛丑免蘇松被災者稅糧十二月甲子以四方災異庚午慈寧宮災連勅羣臣修省是年朝鮮琉球俱入貢

十二年春正月雲南隴川叛蠻平二月辛酉免淮安揚州鳳陽徐州被災者稅糧己巳釋建文朝忠臣親戚謫戍者三月己亥減江西磁器秋八月丙辰劾張居正罪於天下九月戊子奉兩宮太后幸后妃謁山陵併閱壽宮辛卯還宮冬十月丁巳停刑十一月己丑余有丁卒十二月癸卯無逸殿災甲辰前禮部右侍郎王錫爵爲禮部尙書兼文淵閣大學士吏部右侍郎王家屏爲左侍郎兼東閣大學士入閣預機務

亥罷開銀礦是年朝鮮安南烏思藏俱入貢

十二年春正月己丑詔停開考法二月寇犯瀋陽三月去  
年八月不雨至於是月庚午大雩三月丁丑停內操甲申大  
雩己丑李成梁出塞襲把兔兒炒花大破之壬辰減浙江織  
造及尙衣監料銀夏四月丙午大雩戊申錄囚乙卯停江西  
磁器戊午以京師大旱步禱於南郊日昃步還宮勅羣臣修  
省蠲天下被災田租一年五月丙戌雨丁亥寇犯瀋陽遊擊  
韓元功敗沒己丑召見謁臣於平臺六月辛丑慈寧宮成是  
月四川松茂諸番亂秋九月丁丑尙寶司少卿徐貞明兼御  
史領墾田使督治京畿水田閏月癸卯率后妃再閱壽宮於  
大峪山戊申還宮是月寇犯瀋陽蒲河中軍張良棟等敗沒

庚午劉漢襲寇於豐州破之八月戊戌胡宗憲獻芝草白龜  
賜名龜曰玉龜芝曰仙芝告於太廟九月己巳寇犯大同冬  
十一月甲子逮南京總督糧儲右副都御史章煥十二月寇  
犯遼東海州是年朝鮮暹羅俱入貢

四十年春正月丙寅寇犯山西五花營二月辛卯賑山東饑  
丁未景王之藩夏四月丁未賑山西饑五月乙亥李本憂去  
秋七月庚戌寇犯宣府副總兵馬芳禦却之九月庚子寇犯  
居庸關參將胡鎮禦却之辛丑賑蘇松常鎮杭嘉湖水災甲  
辰賑陝西固原寧夏地震冬十一月甲午吏部尙書袁燁爲  
戶部尙書兼武英殿大學士入閣預機務庚戌寇犯寧夏辛  
亥萬壽宮災十二月丙寅寇犯遼東蓋州是年朝鮮烏思藏

馬衣服毋得踰制是月京師大雨溺人民無算  
秋七月江北蝗江南大水山西陝西河南饑  
月庚申以南北水旱災沴頻仍勅撫按官舉察屬吏有犯必  
治癸亥免山東被災者屯糧九月己丑停刑冬十一月戊子  
鄖陽兵變辱撫治都御史李材是年朝鮮哈密琉球島思  
供入貢

十六年春三月壬辰詔改景皇帝實錄去郟戾王號時山陝  
河南及南畿蘇松杭嘉湖紹竝大饑疫死者無算夏五月四  
川建昌叛番平六月東南大旱太湖水涸乙卯禁見任官立  
生祠甲子以災傷停減蘇杭織造秋七月乙卯免山東被災  
者夏稅八月壬午朔日有食之九月己未青海部長入西寧

殺副總兵李奎庚申幸后妃閱壽陵於大峪山甲子次石景山觀渾河乙丑還宮冬十一月庚戌以甘肅兵變罷巡撫曹子登總兵官劉承嗣十二月癸未杖吏科給事中李沂於廷削籍是年朝鮮烏思藏俱入貢

十七年春正月己酉朔日有食之三月丙辰不視朝自是朝講幾絕夏四月南畿浙江江西湖廣大旱己亥王家屏還朝五月擗力克西徙假道甘肅趨青海六月甲申浙江大水海溢己巳以南畿浙江旱饑發帑四十萬兩給事中楊文舉在殿之秋八月壬寅嚴匿名揭之禁九月己未寇入遼東備禦年敗沒冬十月癸未停刑是年朝鮮安南烏思藏俱入

貢



十八年春正月甲辰朔不御殿召見閣臣於便殿出使長  
子見之夏四月癸未京師旱錄囚六月己卯免畿內真順保  
大西府被災夏稅甲申青海部長犯洮河副總兵李瑞芳等  
敗沒秋七月庚子朔日有食之癸丑寇犯河州渭源總兵官  
劉承嗣禦之遊擊李芳等敗沒寇掠內地二十餘日乙丑召  
見閣臣咨邊事己巳協理戎政兵部尙書鄭維翰陝西四  
鎮及宣府大同山西邊務八月辛未革捨力克市賞九月庚  
子減織造之半冬十二月甲申遣廷臣九人分閱邊防是月  
河套部長卜失兔西犯永昌總兵官張臣逆戰三道溝大獲  
是年朝鮮安南俱入貢

十九年春正月乙巳緬甸寇雲南二月陝西總兵官尤繼先

搗寇奉刺川大獲閏三月丁丑以星變勅羣臣修省己卯切責給事中御史停俸一年夏四月四川四哨番作亂巡撫都御史李尙恩討平之六月壬子王錫爵歸省秋七月蘇松大水蠲賑有差八月丁酉賑河南饑九月壬申許國致仕甲戌申時行致仕丁丑吏部左侍郎趙志臯爲禮部尙書前禮部右侍郎張位爲吏部左侍郎竝兼東閣大學士入閣預機務戊寅陝嘉湖饑冬十月癸巳京營軍職辱工部尙書曾同亨於長安門壬寅揚州大水湖淮溢十二月癸丑延綏總兵官杜桐出塞勦寇大捷

二十年春正月乙酉杖戶科左給事中孟養浩於廷削籍是月寇犯遼東遊擊柏朝翠敗沒三月戊辰寧夏致仕副總兵

哮拜殺巡撫黨馨副使石繼芳據其城以叛總兵官  
自縊辛未王家屏致仕夏四月壬寅倭侵朝鮮甲辰總兵官  
李如松提督陝西軍務討哮拜甲寅捨力克擒叛酋以獻復  
還二年市賞五月倭入朝鮮王京朝鮮王李昞奔義州求救  
秋七月癸酉免陝西逋賦甲戌副總兵祖承訓率師援朝鮮  
與倭戰平壤敗績遊擊史儒等皆死甲申以討哮拜無功罷  
三邊總督魏學會以甘肅巡撫葉夢熊代之尋遼學會下獄  
八月乙巳兵部右侍郎宋應昌經略朝鮮己酉詔天下督撫  
官選舉將材九月壬申寧夏賊平冬十月丁亥畿南五府蠲  
賑有差壬寅李如松提督薊遼保定山東軍務充防海禦倭  
總兵官以救朝鮮是年暹羅朝鮮土魯番俱入貢

二十一年春正月癸亥李如松攻倭於平壤克之辛未王錫爵還朝辛巳詔竝封皇長子皇三子皇五子爲王壬午李如松進攻王京遇寇碧蹄館敗績二月辛卯以廷臣力爭寢竝封之命夏四月壬寅倭棄王京遁六月丁酉詔天下每歲夏月錄囚減釋輕繫如兩京例癸卯倭使小西飛請款秋七月乙卯彗星見勅羣臣修省八月甲辰以江北水災截漕賑之冬十月丙申停刑庚子湖廣水災蠲賑有差十一月己巳召見王錫爵於煖閣是月河南浙江水旱災蠲賑有差十二月丙辰召宋應昌李如松還命薊遼總督顧養謙兼理朝鮮事庚午賑山東饑是年朝鮮烏思藏俱入貢

二十二年春二月癸丑皇長子出閣講學甲子河南大饑光

祿寺丞鍾化民往賑山東江北亦分賑有差三月癸卯勅修國史夏四月巳酉朔日有食之五月辛卯禮部尙書掌詹事府陳于陛南京禮部尙書沈一貫竝兼東閣大學士入閣預機務庚子王錫爵致仕六月巳酉西華門災勅羣臣修省秋八月癸亥卜失兔深入固原遊擊史見沒於寇踰月始出九月巳丑朝鮮請封倭詔小西飛入朝冬十月巳未南京兵部右侍郎邢玠爲兵部左侍郎總督川貴軍務討播州宣慰使楊應龍庚午炒花犯遼東總兵官董一元追擊大破之十一月癸巳召見閣臣於煖閣是年朝鮮琉球烏思藏俱入貢二十三年春正月癸卯封倭酋平秀吉爲日本王都督兼事李宗城都指揮楊方亨充正副使夏五月丁酉京師地震勅

羣臣修省秋九月戊寅青海部長犯西寧參將達雲大破之  
乙酉詔以建文朝事附國史太祖本紀末復其年號

二十四年春正月丁丑削兩京科道耿隨龍等三十三人  
二月戊申延綏總兵官麻貴等襲寇於河套大破之三月乙  
亥乾清坤寧二宮災勅羣臣修省是月火落赤犯洮河總兵  
官劉綎破走之夏四月己亥李宗城逃還下獄五月戊辰河  
套寇西犯甘肅總兵官楊濬等大破之庚午復議封倭楊方  
亨爲都督僉事充正使遊擊沈惟敬副之六月庚戌賑福建  
福興漳泉四府饑秋七月戊寅仁聖皇太后崩乙酉始命中  
官王虎戶部郎中戴紹科錦衣衛指揮張懋忠開礦畿內丙  
戌錦衣衛指揮楊宗吾開礦河南領以中官魯坤於是山東

陳增永平王忠昌黎田進山西張忠浙江寶金以海軍  
以中官領之秋冬之間礦使相望於道九月乙未  
日本平秀吉不受封復侵朝鮮乙卯葬孝安皇后是月河套  
部長著力兔犯寧夏總兵官李如柏等破走之是秋杭嘉湖  
大水蠲賑有差河決黃埧口冬十月乙酉始命中官張羣徵  
稅通州張家灣於是天津王勅湖口李道儀重監祿湖廣陳  
奉山西孫朝山東陳增河南魯坤蘇松孫隆四川丘乘雲陝  
西梁永頴州潘相廣東李敬密雲王忠蘆溝橋張華遼東高  
淮寧國池州邢降劉朝用雲南楊榮二三年間稅使四出乘  
雲相敬淮隆朝用等又兼礦務十二月乙亥陳于陞卒  
二十五年春二月丙寅復議征倭丙子前都督同知麻貴爲

備倭總兵官尋加提督盡統南北諸軍三月乙巳山東右參政楊鎬爲右僉都御史經理朝餼軍務己未兵部左侍郎那玠爲尙書總督薊遼保定軍務經略禦倭夏六月戊寅皇極中極建極三殿災詔廷臣修省癸未停修國史是月泰山崩秋七月癸巳戒諭廷臣丁酉大赦天下丙辰逮沈惟敬是月播州宣慰使楊應龍叛掠合江綦江八月丁丑倭破朝鮮開山遂薄南原副總兵楊元棄城走倭逼王京九月壬辰逮故兵部尙書石星下獄與沈惟敬皆論死冬十月甲戌安南黎惟潭篡位款關請罪授爲安南都統使十一月甲午炒花大入瀋陽縱掠八日是年朝鮮琉球俱入貢

二十六年春正月己丑征倭諸將攻島山不克九將皆潰



鎬麻貴奔王京三月壬子文武羣臣具疏請文華門請皇長子冠婚不許夏四月癸亥貶黜吏部司官二十二人丁卯遼東總兵官李如松出塞襲寇敗沒壬申京師旱勅羣臣修省六月丁巳楊鎬罷戊午中官李敬採珠廣東丙寅張位罷旋削籍丙子巡撫天津右僉都御史萬世德經略朝鮮秋七月丙戌中官魯保營兩淮餘鹽庚寅平秀吉死九月壬辰免浙江被水田租冬十月丙辰停刑是月總兵官董一元攻倭新寨敗績十一月戊戌倭將清正棄蔚山遁行長亦遁官軍分道進擊十二月倭平是年朝鮮烏思藏俱入貢

二十七年春二月戊午中官李鳳採珠雷州兼領市舶戊辰復設福建市舶司中官高傑領之兼理礦務是月貴州巡撫

江東之遣兵討楊應龍敗績三月己亥前兵部右侍郎李化龍總督四川廣東貴州軍務討楊應龍夏四月丙辰畿內災蠲賑有差是月臨清民變火稅使馬堂署殺其參隨三十四人閏月丙戌以倭平詔天下蠲東征加派田賦己丑以京師久旱勅羣臣修省丙申以皇子將婚取戶部銀二千四百餘萬六月己丑中官沈永壽開礦廣東兼領稅務己亥楊應龍陷綦江參將房嘉寵遊擊張良賢死之秋八月甲午陝西狄道縣山崩其菊地忽成小山丁酉張忠兼徵河東鹽稅九月乙卯石星瘐死戊午畿內災蠲賑有差辛未沈惟敬伏誅是月寇犯錦義二州縱掠七日冬十月壬午賑京城飢民丙戌以播州用兵加四川湖廣田賦戊子詔貴州宣慰使安疆臣

討賊自贖壬辰李鳳徵收廣東方物十一月己酉河陽災  
賑有差癸酉畿內災發粟賑之十二月丁丑武昌漢陽民變  
擊傷稅使陳奉戊子賑京師就食流民是年朝鮮琉球俱入  
貢

二十八年春二月己卯暨祿兼領江南北八府稅務戊午總  
兵官童元鎮進兵烏江敗績參將楊顯等皆死夏四月甲午  
除京師牙稅六月己亥播州賊楊應龍平秋七月甲寅停征  
播加派田賦八月辛未慈慶宮成九月寇入遼東副將解生  
等敗沒冬十月辛未貴州皮林苗叛總兵官陳璘討之丙子  
雲南稅監楊榮開採阿瓦孟密寶井庚子杖工科都給事中  
王德完於廷削籍十二月乙未御午門受播州俘是年朝鮮

入貢

二十九年春正月壬子以播州平繩四川貴州湖廣雲南通賦除官民誥誤罪三月武昌民變殺稅監陳奉參隨六人火巡撫公署夏四月乙酉徵奉還守備承天中官杜茂代之丙申分播州地置遵義平越二府六月壬申蘇州民變殺稅監孫隆參隨六人是夏賑順天保定直定廣平順德諸府饑秋九月丁未趙志臯卒癸丑賑貴州饑戊午前禮部尙書沈鯉未廣竝兼東閣大學士入閣預機務冬十月己卯立皇長子常洛爲皇太子封諸子常洵爲福王常浩瑞王常潤惠王常瀛桂王大赦天下壬辰加上慈聖皇太后尊號十二月辛未詔復朵顏馬市寧前木古是年朝鮮琉球俱入貢

三十年春正月己未以四方災異勅羣臣修省二月己卯不豫召沈一貫入命罷礦稅釋逮繫復建言廢黜諸臣職翼日疾瘳遂寢前詔閏月丙申復河套諸部貢市戊午河州黃河竭夏四月乙巳京師旱勅羣臣修省冬十月丙申孝陵災丙辰停刑是年朝鮮琉球哈密俱入貢

三十一年春三月乙丑詔累朝公主子孫國學肄業夏四月丁亥朔日有食之五月戊寅鳳陽雨雹擊傷皇陵殿脊冬十月甲申停刑十一月甲子詔五城大索造妖書者十二月丙戌召見皇太子於啓祥宮手詔慰諭

三十二年春三月甲子乾清宮成夏四月辛巳朔日有食之是月開濬加河工成五月癸酉雷火焚長陵明樓六月丙戌

以祖陵變異補闕官恤刑獄丁酉昌平大水壞長康泰昭四陵石梁蟲食長陵松柏葉盡七月庚戌京師大靈雨陷城垣辛酉賑被水居民閏九月辛丑楚宗人蘊鈐等殺湖廣巡撫趙可懷是年朝鮮琉球俱入貢

三十三年春正月庚辰銀定互成寇鎮番總兵官達雲等大破之三月辛巳留京察被黜科道官夏四月辛亥楚宗人蘊鈐等二人棄市辜俊等四人賜自盡英燦等四十六人禁錮有差五月丙申鳳陽大風雨毀皇陵正殿庚子雷擊圜丘望竿六月乙巳以雷警勅羣臣修省秋七月戊戌詔復五路台吉貢市九月甲午昭和殿災冬十二月壬寅詔罷天下礦務以稅務領之有司輸其半內府半戶工二部乙卯以元孫生

赦天下開宗室科目入仕之例罷採廣東珠池雲南寶井是年朝鮮入貢

三十四年春正月貴州苗賊平二月庚戌以皇孫生加上皇太后尊號三月巳卯雲南指揮賀世勳等殺稅監楊榮火其署丁酉真順廣大饑蠲賑有差夏五月癸酉河套部長火落赤犯中西二路官軍擊走之六月癸卯緬甸攻木邦陷之副總兵陳寅等不救論罪有差秋七月癸未沈一貫沈鯉致仕九月甲午詔陝西四鎮嚴飭邊備冬十月丙申停刑是年朝鮮琉球俱入貢

三十五年春二月戊戌安南人犯雲南總兵官沐啟等禦却之夏四月乙未復蒙古宰賽貢市戊戌銀定互成犯涼州副

總兵柴國柱破走之壬子順義王捨力克卒五月戊子前禮部尙書于慎行兼東閣大學士禮部左侍郎李廷機南京吏部右侍郎葉向高俱爲禮部尙書兼東閣大學士入閣預機務己丑召王錫爵辭不至閏六月甲戌復朶顏長昂貢市辛巳復河套火落赤擺言太沙計貢市秋七月丙辰賑畿內饑九月甲午停刑冬十月癸酉山東被災者蠲賑有差十一月壬子于慎行卒十二月丁卯武定叛蠻阿克攻圍雲南巡撫陳用賓畀以府印庚午賊退甲戌阿克陷嵩明吏目韋宗孝學正龍旌死之陷祿豐知縣蘇夢暘死之乙酉安南犯欽州是月瓊州叛黎掠萬州陵水縣

三十六年秋八月癸亥以雲南失事逮陳用賓及總兵官沐



獻下獄論死庚辰賑南畿及浙江嘉湖饑九月甲午四川巡撫喬璧星奏獲阿克命解京正法是秋宰賽犯開原冬十一月壬子朱廣卒十二月甲寅再賑南畿饑是年朝鮮琉球俱入貢

三十七年春正月己亥邊民訛言寇至羣入京師九門晝閉三月辛卯拱苑陷遼東大勝堡深入小凌河遊擊于守志禦之敗績是月日本入琉球執其國王尙寧秋九月丁未停刑時福建江西大水湖廣四川河南陝西山西旱畿南六府及徐州以北濟南諸府蝗冬十二月己巳勅戶部北直山東河南山西陝西福建四川現年稅銀准留三分之一以賑飢民是年朝鮮哈密俱入貢

三十八年夏四月辛卯久旱勅廷臣修省辛丑遣官分賜畿輔山東山西河南陝西福建四川饑民冬十一月壬寅朔日有食之是年朝鮮烏思藏具入貢

三十九年春二月庚子寇犯紅崖青湖官軍拒却之夏四月戊子怡神殿災五月辛丑雷震正陽門樓冬十月丁卯戶部尙書趙世卿拜疏自去是年朝鮮暹羅俱入貢

四十年春二月癸未吏部尙書孫丕揚拜疏自去丙戌詔許致仕三月丙午賑京師流民夏五月甲午朔日有食之秋九月辛亥李廷機致仕冬十月甲申停刑是年朝鮮琉球俱入貢

四十一年夏四月辛亥蒙古炒花宰賽煖兔連兵寇遼東六

月乙未卜失兔襲封順義王乙卯炒花乃蠻寇大寧秋七月  
壬戌兵部尙書掌左都御史事孫瑋拜疏自去九月壬申吏  
部左侍郎方從哲前禮部左侍郎吳道南竝爲禮部尙書兼  
東閣大學士入閣預機務庚辰吏部尙書趙煥拜疏自去冬  
十月戊子孫瑋致仕己丑趙煥致仕十二月甲辰寇犯寧遠  
參將郭有功敗沒是年南畿山東江西河南廣西湖廣遼東  
大水

四十二年春正月己丑巡撫四川右副都御史吳用先討叛  
裸平之二月辛卯慈聖皇太后崩己酉賑畿內饑三月丙子  
福王之藩河南夏四月丙戌以皇太后遺命赦天下六月甲  
午葬孝定皇后秋八月癸卯葉向高致仕是年朝鮮安南土

魯番俱入貢

四十三年春三月丁未朔日有食之五月己酉男子張差持  
梃入慈慶宮擊傷守門內侍被獲癸酉御慈寧宮召見廷臣  
下御史劉光復於獄甲戌張差伏誅六月戊寅以久旱勅羣  
臣修省秋七月甲戌停刑閏八月丁巳山東旱災盜起發帑  
賑饑民是月河套諸部分道入寇官軍禦之敗績冬十一月  
戊寅賑畿內饑十二日丙寅再賑山東饑免其稅賦

四十四年春正月庚辰畿南六郡被災者蠲賑有差二月戊  
申賑河南饑夏四月河南舞陽泌陽遂平西寧諸縣盜起六  
月丁卯河決祥符朱家口秋七月乙未河套部入寇參將王  
國興敗沒冬十月丁未停刑十一月己巳隆德殿災是年丑

月我

大清太祖高皇帝受羣臣尊號建元天命

四十五年春正月辛巳宰賽犯開原二月戊午京師旱露禱  
於宮中勅羣臣修省三月乙亥賑江西饑秋七月丁卯吳道  
南以憂去九月寇犯葭州神木抵黃河口總兵官杜文煥等  
禦却之冬十一月丙戌宣禧宮災是年朝鮮暹羅烏思藏俱  
入貢

四十六年春二月乙巳賑廣東饑夏四月辛卯京城宣武門  
至正陽門河水盡赤經月乃止甲辰

大清太祖高皇帝起兵克撫順千總王命弔死之閏月乙丑遼  
東總兵官張承胤率師援撫順敗沒丙子楊鎬爲兵部左侍

郎兼右僉都御史經略遼東五月丁未

大清兵克撫安諸堡六月辛巳寇犯河東長勇堡總兵官李如柏等禦却之秋七月戊申

大清兵克清河守將鄒儲賢張旆死之八月壬申開海運以達遼東庚辰乃蠻等七部款塞九月辛亥加天下田賦畝三釐五毫乙卯長星見東南十九日而滅是日京師地震冬十月乙丑彗星見氏宿三十九日而滅十一月甲午以災異勅中外羣臣修省十二月丙辰禁有司徵耗羨丁巳河套部長猛克什力來降是年朝鮮土魯番天方撒馬兒罕魯迷哈密烏思藏俱入貢

四十七年春二月乙丑經略楊鎬率總兵官李如柏杜松劉

綆馬林分道出塞三月甲申杜松次二道關遇

大清兵敗沒乙酉馬林敗績於稗子峪僉事潘宗顏死之庚寅劉綆兵出涼馬佃亦敗沒丙午熊廷弼爲大理左寺丞兼河南道御史宣慰遼東夏四月京師河水復赤六月己巳大清兵克開原馬林等敗沒癸酉熊廷弼爲兵部右侍郎兼右僉都御史經略遼東秋七月丙午

大清兵克鐵嶺八月癸亥逮楊鎬辛未

大清兵克北關九月庚辰停刑戊子自宮伏闕請帝視朝行政不報冬十月丁巳賑京師饑十二月再加天下田賦畝三釐五毫是年朝鮮暹羅俱入貢

四十八年春正月庚子朝鮮乞援甲寅復加天下田賦畝二

釐夏四月癸丑皇后王氏崩戊午召見方從哲於弘德殿秋  
七月丙子帝不豫壬辰大漸甲午召英國公張惟賢大學士  
方從哲吏部尚書周嘉謨戶部尚書李汝華兵部尚書黃嘉  
善署刑部事總督倉場尚書張問達署工部事協理戎政尚  
書黃克纘禮部署部事右侍郎孫如游入見弘德殿勉諸臣  
勤職丙申帝崩年五十有八遺詔曰朕以沖齡纘承大統君  
臨海內四十八載於茲享國最長夫復何憾念朕嗣服之初  
兢兢化理期無負先帝付託比緣多病靜攝有年郊廟弗躬  
講稀御封章多滯寮案半空以礦稅煩興征調四出民生  
百蹙邊釁漸開夙夜思惟不勝追悔方圖改轍嘉與天下維  
新而遘疾彌留殆不可起蓋愆補過允賴後人皇太子聰明



仁孝睿智夙成宜嗣皇帝位尚其修身勤政親賢納諫以永  
弘圖皇長孫宜及時冊立進學瑞王惠王桂王各擇善地令  
早就藩封大小臣工務協恭和衷輔理嗣君保乂王室是皆  
朕惓惓之至意也內閣輔臣亟爲簡任卿貳大僚盡行推補  
兩咨考選并散館科道官俱令授職建言廢棄及礦稅誣誤  
諸臣酌量起用一切權稅并新增織造燒造等項悉皆停止  
各衙門見監人犯俱送法司查審應釋者釋放東師缺餉宜  
多發內帑以助軍需陣亡將士速加恤錄喪禮遵舊制又遺  
命冊封鄭貴妃爲皇后九月甲申上尊諡廟號神宗

光宗

光宗崇天契道英睿恭純憲文景武淵仁懿孝貞皇帝諱常

洛神宗長子也母曰恭妃王氏時中宮王皇后無子而貴妃鄭氏最有寵王氏以宮人進御有身神宗初諱之萬曆十年夏四月奉慈聖皇太后命冊爲恭妃秋八月帝生神宗御皇極殿受賀遣官祭告郊廟社稷頒詔天下上兩宮徽號十四年正月貴妃生子常洵卽進封皇貴妃而恭妃不益封會大學士申時行等以冊立請神宗諭元子嬰弱冊封少待再請諭如前禮部尚書沈鯉請加封恭妃不報給事中姜應麟吏部員外郎沈璟刑部主事孫如法疏再上謫降有差給事中楊廷相等論救神宗怒戒毋瀆擾十五年閣臣請建儲封王竝舉不報十八年召閣臣於毓德宮宣皇長子出見時行等再申前請旣而兩京九卿科道合疏力爭不報大學士王家

屏疏再上諭以明年春郊道等官不瀆奏便於祭立及  
明年秋工部主事張有德以大禮儀物未備請神宗繼請官  
又命改冊立於來年閏臣許國等合疏以爭嚴旨詰責首輔  
時行方病告密揭言已不與於是給事中羅大紘中書舍人  
黃正賓連疏劾時行神宗怒皆削籍又下正賓錦衣衛獄廷  
杖百而時行與國亦皆去家屏乞與國同去不允又明年給  
事中李獻可請預教神宗怒謫官列名者盡奪依家屏五疏  
力爭不聽卒引去又明年王錫爵赴召神宗諭三王並封錫  
爵擬諭卽行朝論大譁錫爵以三誤自劾事乃寢未幾慈聖  
皇太后誕辰神宗御門受賀詔內閣云冊立一事久斷朕心  
約於來春先行出閣讀書禮其皇三子少待次年另行長幼

之序卽此爲定尋以來行冠禮令皇長子常服出閣然爲選侍班講讀官略仿東宮出閣之制明年出閣講讀告於奉先殿朝謁兩宮至二十九年始移居慈慶宮冬十月己卯立爲皇太子明年春二月冊皇太子妃郭氏明年有投匿名書於各署者語涉鄭貴妃東廠緝獲以爲妖書神宗大怒捕逮株連者不可勝數最後磔皦生光獄乃解三十三年冬十一月生熹宗明年上慈聖皇太后徽號冊恭妃爲皇貴妃進熹宗母王選侍爲才人三十九年皇妃王氏薨四十一年皇太子妃郭氏薨當是時福王常洵猶未之藩六月奸人王曰乾上變告孔學等爲巫蠱術將謀不利於東宮語連鄭貴妃福王

宗時統震怒左右以大學士葉向高密揭進怒始解明年

福王之藩河南又明年夏五月辛酉一亥男子持刃入宮  
傷門者內侍羣執之皇太子急請以屬吏訊係蘇州人張差  
語連翊坤宮內璫龐保劉成等時慈聖已崩神宗幸皇太子  
及皇長孫等詣慈寧宮行告慰禮召見羣臣於宮門面諭久  
之皇太子語羣臣曰爾等毋信流言爲不忠之臣使我爲不  
孝之子神宗悅又諭速結差獄於是戮張差於市斃龐保劉  
成於內廷四十八年秋七月丙申神宗崩丁酉皇太子遵遺  
詔發帑金一百萬兩犒邊撤回監稅內璫盡罷天下礦稅令  
進封皇貴妃鄭氏爲皇太后尋以禮部侍郎孫如游疏諫革  
封非制旋寢戊戌凡建言得罪及爭國本礦稅註誤諸臣速  
行起用補下御史巡按諸差已亥再發帑金一百萬兩以充

邊賞補下考選散館科道等官辛丑熱審錄囚八月丙午朔  
 皇太子即皇帝位大赦天下改明年為泰昌元年蠲直省被  
 災租賦停止江南綵緞物料已酉吏部右侍郎史繼偕南京  
 禮部侍郎沈淮為禮部尚書東閣大學士入閣預機務召鄒  
 元標馮從吾王德完孟養浩等入閣建言宗室充餉於牆  
 遠東大旱丁巳御文華門視事命冊立東宮於次月九  
 日舉行庚申蘭州黃河清凡三日辛酉禮部擬上大行皇帝  
 尊諡是日帝不視事方從哲請皇長子移居慈慶宮御史鄭  
 宗周上保護聖躬疏皆不報甲子禮部左侍郎何宗彥劉一  
 燝韓爌為禮部尚書東閣大學士入閣預機務乙丑南京禮  
 部尚書朱國祚為禮部尚書東閣大學士入閣預機務召葉

同高道官恤刑內實帝不豫成疾召英國公張作良  
方從哲劉一燝韓爌尚書周嘉謨李汝華孫如游黃  
克纘左都御史張問達吏科給事中范濟世兵科給事中楊  
漣河南道御史顧慥於乾清宮煖閣命皇長子出見羣臣庚  
午諭封選侍李氏爲皇貴妃甲戌大漸復召從哲等十三人  
仍諭冊立貴妃從哲等以冊儲期宜改近帝顧皇長子命從  
哲等輔佐爲堯舜因令鴻臚寺官李可灼進紅丸從哲等偕  
入已偕出帝起進藥復偕入進訖從哲等出可灼獨留復進  
藥卯刻帝崩於乾清宮時九月乙亥朔也在位一月年三十  
九後從廷臣議改萬曆四十八年秋八月丙午朔爲泰昌元  
年冬十月上尊諡廟號光宗

明史藁

本紀第十六



明史彙

本紀第十七

光祿大夫

經筵講官明史總裁戶部尚書加七級

臣王鴻緒奉

敕編撰

熹宗

熹宗達天闡道敦孝篤友章文襄武靖穆莊勤哲皇帝諱由校光宗長子也萬曆三十三年十一月生母選侍王氏神宗以元孫生詔告天下進選侍爲才人四十七年卒四十八年秋九月乙亥朔光宗崩諸臣哭臨畢請見皇長子於寢門奉至文華殿請卽位不許諭禮部具儀注以聞從大學士劉一燝請暫居慈慶宮丙子頒大行遺詔丁丑大臣請選侍移宮已卯移仁壽殿庚辰卽皇帝位以明年爲天啓元年自八月

至十二月稱泰昌元年大赦天下甲申上皇祖大行皇帝尊諡丁亥上皇祖妣孝端皇后皇祖妣孝靖皇太后尊諡頒詔天下巳丑上大行皇帝尊諡甲午封乳母客氏爲奉聖夫人官其子戊戌御史賈繼春進安選侍揭巳亥御史左光斗疏陳移宮之由帝安選侍辛丑諭內閣歷數選侍李氏恃寵驕恣諸過今奉移於熾鸞宮外廷毋聽浮言方從哲封還諭帖帝允諸詳奏遂於冬十月丙午葬神宗顯皇帝孝端顯皇后於定陵孝靖皇太后遷祔丁未兵部右侍郎兼右僉都御史袁應泰經略遼東辛酉御經筵壬戌禮部侍郎孫如游爲禮部尚書兼東閣大學士入閣預機務丁卯熾鸞宮災癸酉發帑金一百八十萬兩犒邊十一月丙子上嫡母孝元皇后生母

孝和皇太后尊諡丁丑罷天津採銀魚  
派一年十二月壬子申諭避宮始末斥借安邊  
辛酉方從哲致仕

天啓元年春正月己卯發帑五十萬兩充邊餉庚辰享太廟  
甲申御文華殿講讀庚寅

大清兵攻撫順破二十餘屯壬辰補給名臣伍文定等七十  
三人諡丁酉行冠禮二月癸卯

大清兵攻香爐山甲辰從言官請復當朝面奏及召對之典  
癸丑

大清兵薄奉集堡戊午

大清兵攻虎皮驛尋至王大人屯庚午楊鎬李如楨論死閔

月丙子大風霾巳卯以旱禱雨乙酉又風霾戒諭羣臣甲午御經筵丙申除齊秦戚屬後裔三十八家戍籍并察黃子澄戚屬亦如之戊戌昭和殿災海州吳金祖叛總兵官李光榮擒之三月壬子

大清兵入渾河甲寅圍瀋陽乙卯城破總兵官尤世功賀世賢死之援瀋陽總兵官陳策董仲揆等亦死之辛酉恤三蹕陣亡將士壬戌

大清兵破遼陽經略都御史袁應泰巡按御史張銓等死之丁卯海州四衛皆破庚午發帑金一百萬兩充邊餉是月虜花陷長安堡夏四月壬申朔日有食之丙子遼東巡撫薩哈爾圖用爲兵部右侍郎兼右僉都御史經略遼東乙未御史傅安

學總兵官楊于茂總練新兵丁酉兵部尚書王...  
邊戍戍冊張氏爲皇后己亥追恤瀋陽遼陽死事諸臣...  
功張銓等贈官謚賡有差五月丁未貴州紅苗平賊旅諭祭  
遼陽陣亡將吏六月辛未兵部侍郎熊廷弼建三方布置策  
廣寧用步騎天津登萊用舟師以圖遼左山海關設經略節  
制三方丙子命廷弼爲兵部尚書兼右副都御史經略遼東  
軍務秋七月壬寅增設遼東各路監軍道戊申恤陣亡軍士  
壬子以軍興免織造三分之一乙丑追論萬曆四十二年延綏  
寧夏固原捕叛功宣捷午門祭告郊廟八月丙子巡撫廣寧  
右僉都御史王化貞奏參將毛文龍鎮江之捷擢文龍副總  
兵辛巳御經筵戊子浙江杭州火詔停織造癸巳停刑九月

壬寅葬光宗貞皇帝於慶陵孝元貞皇后孝和皇后並附明  
寅中官王昇攔擊協理戎政都御史李宗延於朝門乙卯四  
川土司奢崇明反殺巡撫徐可求等據重慶破瀘州遂犯成  
都僞號大梁乙丑奉聖夫人客氏出宮卽命復入丙寅奢崇  
明陷遵義丁卯陷興文知縣張振德死之冬十月己巳王三  
善爲僉都御史巡撫貴州兼督湖南川東軍務討奢崇明丙  
子以百戶陳有繼請開礦下之詔獄乙酉奢崇明圍成都丁  
亥遊擊金冠出海援遼癸巳發帑二百萬兩餉邊十二月庚  
午續敘潘遼死事諸臣贈廕有差丁丑張我續爲兵部右侍  
郎兼右僉都御史總督四川貴州軍務兼制雲南湖廣討奢  
崇明甲午

大清兵屯海州是年朝鮮安南土魯番烏思藏俱入貢

二年春正月丁巳

大清兵破西平堡副總兵羅一貫參將黑雲鶴死之總兵官  
劉渠祁秉忠等逆戰於沙嶺兵潰及副總兵劉徵俱戰死參  
將孫得功以廣寧降王化貞走開陽遇熊廷弼與監軍高出  
胡嘉棟韓初命俱入關參政高邦佐獨留松山死之癸亥兵  
部尚書張鶴鳴視師乙丑京師戒嚴停殿工是月成都圍解  
套寇入延綏掠黃花等峪二月癸酉水西土同知安邦彥與  
圍貴陽恤河西殉難諸臣戊寅禮部右侍郎孫承宗爲兵部  
尚書兼東閣大學士入關預機務免天下帶徵稅糧及畿內  
加派已卯逮王化貞削熊廷弼職回籍聽勘丙戌金星書見

三月丁酉劉一燦薨在己亥舉內操甲辰兵部尚書兼右副都御史王在晉經略遼東夏四月庚午因邊事勅諭羣臣李已禮部尚書孫慎修道論李可灼進藥劾方從哲罪帝以蓀輔素愼事係傳聞并進封移宮等事當日九卿科道官多所親見據實會奏以釋羣疑其李可灼輕易進藥不能無罪并議於是言者紛紛皆罪從哲尚書黃克纘爲從哲辨俱不聽未幾愼行克纘竝罷添註三品京堂宮壬午會鞠熊廷弼王化貞癸未罷寶和皇店稅五月己亥詔恤方孝孺遺嗣尋予祭葬及諡丙午山東白蓮妖賊徐鴻儒反陷鄆城己未犯滋陽知縣楊炳禦却之癸亥犯兗州都司楊國棟擊敗之四川巡撫右副都御史朱燮元復重慶六月戊辰徐鴻儒等破



勝二縣滕縣知縣姬文焄死之毛文龍爲平遼總兵官申  
恤建言爭國本諸臣馮應京等九人復職贈廢顧憲成等六  
十六人復職贈官是月朱燮元復瀘州秋七月戊申官軍破  
賊於韓莊於夏鎮運道始通賊攻曲阜知縣孔聞禮禦却之  
辛亥奢崇明復陷遵義二子沈灌罷乙卯奉神宗顯皇帝神  
主祔廟癸亥畿南紅巾賊于志弘反八月庚辰孫承宗督師  
經略遼東軍務乙酉恤四川死難諸臣九月甲午奉光宗貞  
皇帝神主祔廟壬寅詔增新兵按畝起餉乙卯封皇五弟由  
檢爲信王停刑冬十月壬申贈袁應泰兵部尚書給與祭廢  
十一月戊戌山東巡撫右副都御史趙彥擒解徐鴻儒等十  
八人伏誅癸丑李可灼戍邊十二月丙寅以宗室愼鋈首登

修復孟廟辛巳傳各署添註官覈四川文武官功罪廕恤勘議有差是年朝鮮暹羅俱入貢

三年春正月壬寅再恤建言散秩諸臣巳酉禮部侍郎朱國禎禮部尚書顧秉謙朱延禧南京禮部侍郎魏廣微俱禮部尚書兼東閣大學士入閣預機務乙卯紅夷入彭湖二月乙酉贈死賊孟子嗣孫博士孟承光爲太僕寺少卿母孔氏貞淑夫人巳丑貴州官軍敗績於陸廣三月甲寅釋江南罪宗夏四月壬戌釋江西罪宗巳巳朱國祚致仕戊子貴州巡撫王三善破賊大水塘朝鮮國王李瑄爲其姪倅所篡遠失權

兵杜文燭五月庚子河決睢陽辛丑四川永寧大捷奢崇

明奢寅父子敗走紅崖壬寅錄囚六月丁丑御史劉之  
罷內操不聽秋七月辛卯南京大內左傍宮火壬辰奢崇明  
父子敗走龍場己亥史繼偕致仕八月丙寅御史胡良機請  
罷內操不聽壬申恤廢四川死難總兵楊愈副使李維周等  
九月癸巳給事陳良訓言事下鎮撫司拷問葉向高揭救  
不納冬十月辛酉毛文龍復金州甲子給遼陽死事諸臣諡  
丁丑停刑己巳皇長子慈然生旋殤己卯皇第二子慈煇生  
辛巳以皇子生告太廟尋赦天下閏月己亥宣延綏寧夏甘  
肅三鎮捷祭告郊廟十一月丁巳躬祀天於南郊甲戌哈喇  
慎邀賞謀盜邊參將王糧遇伏死乙酉錄貴州搗巢解圍功  
川湖總督右都御史朱燾元等進秩有差十二月己丑金星

晝見巴西并劔遼總督於經略是年朝鮮暹羅琉球俱入貢  
四年春正月丙辰異興民吳野樵作亂殺知縣石有恆主簿  
徐可行乙丑王三善中賊誘被執死之監軍岳具仰同知方  
明棟梁思泰副將秦明屏皆死丁卯復行各署添註之法庚  
午何宗彥卒丁丑妖賊王好賢伏誅二月癸巳葬懷冲太子  
丁酉免川廣閩浙貢香甲寅京師地震宮殿動搖有聲帝不  
豫三月丙辰京師地震丁巳疾愈戊午夜京師地再震庚申  
夜復震者三癸酉視朝是月杭州兵變夏四月乙巳給事中  
傅魁劾魏大中左光斗與內閣中書汪文言交關下文言鎮  
撫司獄五月甲寅福寧州兵變六月癸未左副都御史楊漣  
劾魏忠賢二十四大罪甲申魏忠賢辭東廠乞罷溫旨慰留

之於是南北臺省卿貳攻忠賢者相繼而國子祭酒且率合  
監師生千餘人請究忠賢二十四大罪以遵祖訓皆不納丙  
申大雨雹皇子慈焞薨諡悼懷太子杖工部郎中萬燦於廷  
旋斃戊戌撫寧侯朱國弼劾忠賢奪俸三年壬寅逮杖巡城  
御史林汝翥秋七月辛酉葉向高致仕癸亥六科廊火給事  
中劉懋請罷內操不報河決徐州賑山東饑冬十月丁酉吏  
部尚書趙南星罷己亥左都御史高攀龍罷十一月辛亥署  
吏部事右侍郎陳于廷左副都御史楊漣左僉都御史左光  
斗削籍己巳韓爌致仕十二月辛巳復逮汪文言下北鎮撫  
司獄兩富民變殺知縣牛得用丙申朱國禎致仕

五年春正月癸酉恤貴州死難諸臣贈廕有差戊寅以慶陵

工成太監魏忠賢廢錦衣衛都督同知二月戊申

大清兵破旅順遊擊張盤都司朱國昌死之三月甲寅幸太  
學釋奠於先師庚申命議經撫去留癸亥黔將魯欽劉超等  
深入水西兵潰尋以朱燮元爲兵部尚書兼督貴州雲南廣  
西諸軍甲子以修肅寧城功魏忠賢廢錦衣衛都督僉事丁  
丑讞汪文言獄逮楊漣左光斗袁化中魏大中周朝瑞顧大  
章行勘趙南星王之寀等十五人夏四月癸未金星晝見己  
亥削劉一燝籍庚子錄囚以緝獲盜餉許武元等廢魏忠賢  
弟姪一人都督僉事五月戊申盛暑輟講乙丑躬祀地於北  
郊庚午行宗室限祿法是月下袁化中顧大章於鎮撫司獄  
六月丙戌朱延禧罷是月下左光斗魏大中楊漣於鎮撫司

獄秋七月戊午金星晝見壬申削韓熈公籍楊澹公籍於  
獄甲戌魏大中死於獄追論辛亥丁巳癸亥三六  
顧憲成王圖孫丕揚等十五人生者削籍當差死者追論  
命八月壬午御史張訥奏毀天下書院削奪鄒元標等官誥  
戊子諭內閣曰楊漣左光斗移宮一事背先帝深恩陷朕躬  
不孝熊廷弼喪師辱國寸斬尚有餘辜而漣光斗等受其重  
賄巧爲出脫天地不容神人共憤言官有陰懷觀望借題報  
仇或捏寫蜚書希圖翻案者朕按祖宗所立紅牌之律以說  
謊欺君之罪治之禮部尚書周如磐禮部侍郎丁紹軾黃立  
極爲禮部尚書少詹事馮銓爲禮部右侍郎俱兼東閣大學  
士入閣預機務己亥魏廣微罷壬寅熊廷弼傳首九邊九月

丁未袁化中周朝瑞死於獄甲寅門工成魏忠賢廕弟姪一人錦衣衛指揮僉事也人都督同知以楊左獄詞頒示天下冬十月丙子皇第三子生詔天下停刑庚寅孫承宗致仕丙申逮誥勅房辦事中書舍人吳懷賢下鎮撫司獄十一月己酉逮揚州知府劉鐸壬子周如磐罷丙辰廕魏忠賢族叔魏志德都督僉事十二月乙酉榜東林黨姓名刊書頒示海內丙戌以緝獲功廕魏忠賢甥傅應星左都督戊子趙南星謫戌己亥以緝獲功陞魏忠賢族弟魏宗孔都督同知辛丑也御史吳裕中於午門

六年春正月戊午命纂三朝要典丁卯

大清兵圍寧遠辛未圍解二月乙未鹵簿大駕工成魏忠賢



廢弟姪一人都督僉事丙申錄四川殉難諸臣李忠等之  
戊戌提督蘇杭織造太監李實劾應天巡撫周起元及  
冒高攀龍李應昇周宗建繆昌期黃尊素等皆遣緹騎  
三月丁未設各鎮監軍丙監庚申蘇州民變擊死逮周  
旗校已巳三朝要典成夏四月乙亥遣官分取花石辛巳海  
寇林七老等合紅夷作亂官軍討平之癸未下繆昌期於鎮  
濼司獄丙戌高攀龍赴水死辛卯敘寧遠功魏忠賢廢弟姪  
一人世襲錦衣衛都指揮使戊戌丁紹軾卒庚子下周順昌  
於鎮司獄五月丙午繆昌期死於獄戊申王恭廠災焚殺  
軍民無算是日薊州地震密雲連震三日巳酉以賑災下詔  
修省癸亥朝天宮災戊辰賜壽寧伯魏良卿莊田六月丙子

京師地震天津宣大山東河南皆震丁丑壘子慈恩薨諡獻  
懷太子戊子周順昌周宗建死於獄壬寅馮銓罷辛酉下周  
起元於鏡撫司獄壬戌黃尊素李應昇死於獄秋七月癸酉  
罷雲霧山採木辛巳殺劉鐸丙戌禮部侍郎施鳳來張瑞圖  
詹事府詹事李國楫俱爲禮部尚書東閣大學士入閣預機  
務九月辛巳周起元死於獄癸未金星晝見庚寅顧秉謙罷  
甲午皇極殿成御殿受賀有聲如怒濤自殿中出羣臣班亂  
魏良卿封肅寧侯冬十月戊申晉魏忠賢爲上公魏良卿進  
對寧國公己未順天府丞劉志選劾后父張國紀御史梁夢  
環等之十一月戊寅以修理孝陵功魏忠賢蔭弟姪一人世  
襲歸之晉指揮僉事庚寅賜魏良卿鐵券癸巳御皇極門宣

甘鎮捷魏忠賢廕弟姪一人世襲錦衣衛指揮使  
成雜流九百六十五員陞授有差十二月己亥以京  
緝獲功魏忠賢廕弟姪一人世襲錦衣衛指揮使  
海王成魏忠賢廕族姪魏希聖錦衣指揮同知復以秋防功  
魏忠賢甥孫馮繼先廕錦衣衛指揮同知甲子潯州賊胡扶  
紀等作亂殺守備綦人龍把總鄧養是年朝鮮琉球安良集  
入貢

七年春正月乙亥秉筆太監涂文輔總督太倉銀庫崔文昇  
總督漕運河道李明道提督通倉己卯以助餉功魏忠賢廕  
弟姪一人世襲錦衣衛指揮使二月丙午再敘修寧遠四城  
功魏忠賢弟姪一人世襲錦衣衛指揮使三月辛未

大清兵圍鐵山戊寅入安州攻黃山堡瑞王之藩漢中庚辰以雲南平定宣捷午門戊子

大清兵攻朝鮮惠王之藩荊州庚寅改魏忠賢所廢指揮使爲尚寶司丞夏四月丁酉銀定諸部犯邊守將擊却之下王之案於鎮撫司獄癸丑桂王之藩衡州以隆德殿工成魏忠賢弟姪一人廢錦衣衛指揮使乙卯王之案死於獄五月庚辰松套諸部入犯守將禦却之辛巳

大清兵圍錦州壬午以桂瑞惠三王之藩殺竣魏忠賢弟姪一人廢錦衣衛指揮使插漢諸部入犯總兵官姚世卿撫之受款丙戌

大清兵圍塔山錦州圍解六月

大清兵攻寧遠總兵滿桂力禦遂奏錦州解圍之捷  
乙丑帝不豫已卯敘錦州功封魏忠賢四歲孫魏騰襲爲安平伯壬午孫慎行謫戍寧夏八月戊戌三殿告成魏忠賢弟姪一人世襲侯爵乙巳召見閣部科道官於乾清宮諭以魏忠賢王體乾恪謹忠貞可與商確大事大學士黃立極等對曰皇上任賢勿二諸臣敢不仰體帝悅再敘殿上封魏忠賢姪魏良棟爲東安侯是年京省建魏忠賢祠凡數十皆賜題額監生陸萬齡至請建於國學甲寅帝大漸二十二日乙卯崩於乾清宮年二十三遺詔以皇五弟信王嗣皇帝位冬十月庚子上尊諡廟號熹宗

明史彙

本紀第十七終

明史彙

本紀第十八

光祿大夫 經筵講官明史總裁戶部尚書加七級 王鴻緒奉  
敕編撰

莊烈帝一

莊烈愍皇帝諱由檢光宗第五子也萬曆三十八年十二月  
生母選侍劉氏早薨神宗命太子選侍西李氏撫之既而西  
李有女改命東李氏光宗崩帝十一齡矣天啓二年八月封  
信王六年十一月出居信邸七年春二月冊周氏爲元妃秋  
八月乙卯熹宗崩卽夕入臨丁巳卽皇帝位己未詔赦天下  
以明年爲崇禎元年癸亥大賚文武諸臣及諸邊將士九月  
甲申追尊母劉氏曰孝純皇后戊子停刑庚寅冊妃周氏爲

皇后以撫育恩追尊光廟選侍李氏爲莊妃冬十月甲午親  
享太廟庚子上大行皇帝尊諡己酉御文華殿日講十一月  
甲子安置魏忠賢於鳳陽賜其罪示天下丁卯逮魏忠賢尋  
縊死戊辰盡撤各鎮內臣并罷蘇杭織造辛未下魏良卿及  
中官崔文具等於獄籍其家壬申削崔呈秀籍癸酉免天啓  
時逮死諸臣職釋其家屬己卯簡前南京吏部右侍郎錢龍  
錫禮部右侍郎李樞禮部尙書來宗道吏部右侍郎楊景辰  
禮部左侍郎周道登少詹事劉鴻訓並爲禮部尙書兼東閣  
大學士入閣預機務庚辰客氏子侯國興及魏良卿俱伏誅  
癸未下田吉田爾賽等於獄尋伏誅己丑黃立極致仕

順元年春正月



景宗皇后尊號癸未御經筵發帑金三十萬分給宣大東江  
乙酉復舊輔劉一燮韓爌原官戴魏忠賢崔呈秀及客氏尸  
二月丁未盡復寃陷諸臣官癸丑御經筵三月乙丑施恩來  
張瑞圖致仕乙酉發帑金五十萬餉陝西夏四月癸巳恤故  
工部尙書馮從吾左都御史鄒元標高攀龍等二十三人贈  
廕有差丁未召舊輔韓爌

大清遣騎至閩陽驛致書謂撫鎮不能戰又不肯和徒費兵  
糧殘民命今轉漢西遁歸附日衆爾國東西受敵將何以支  
邊臣以聞五月己巳燬三朝要典李國楷致仕甲戌裁各部  
添注官乙酉復藩臬郡邑久任及舉主連坐之法禁有司私  
派丁亥種漢虎墩兔女兀浪哈屯犯洪賜鎮川堡入圍大同

代王鼎渭力拒之掠渾源懷仁諸州縣而去六月辛丑許顯  
純伏誅乙巳楊景辰致仕削馮銓等籍壬子來宗道致仕削  
魏廣微籍丙辰召對廷臣於平臺秋七月庚申盡削熹宗大  
漸時殿功邊功濫恩壬戌太白晝見癸酉召對廷臣及總督  
遼薊尙書袁崇煥於平臺革廣寧塞外炒化煖免貴英及薊  
鎮三協三十六家賞諸部儀請粟斷不予

大清悉收用之甲申寧遠缺餉兵變縛巡撫畢自肅總兵官  
朱梅等自肅走中左所自經九月辛未召對總督宣大尙書  
王象乾於平臺冬十月戊申戍劉鴻訓十一月甲戌陝西流  
賊起分掠鄜州延安

二年春正月壬戌漢南盜警陝西賊掠洛川淳化等十餘州

縣已巳固原逃兵掠涇陽富平丙子幸大...  
辰諭韓爌李標錢龍錫吏部尙書王永光定逆案召刑部  
尙書喬允升參定之二月庚寅皇長子慈烺生於天下甲午  
從戶科給事中劉懋言裁驛站丙午商洛道劉應遇賊賊於  
略陽誅渠魁數十人餘走蜀壬子召閣臣及喬允升右都御  
史曹于汴於平臺諭以張瑞圖及僉都御史賈繼春俱入逆  
案三月辛未廷臣上逆案親加裁定刊布中外自魏忠賢客  
氏依謀反大逆律磔死外以六等定罪曰首逆同謀崔呈秀  
等六人俱立斬曰交結近侍田吉等十九人俱斬秋後處決  
曰交結近侍次等魏廣微等十一人及逆孽魏志德等三十  
五人俱充軍曰諂附擁戴李實等十五人亦俱充軍曰交結

近侍又次等顧秉謙等一百二十八人俱坐徒三年贖爲民  
日祠頌黃立極等四十四人俱閒住夏四月丙戌流賊犯涇  
陽遊擊高從龍戰沒閏月壬午川貴總督朱燮元遣將城赤  
水衛水西安邦彥等率衆來爭川貴大震六月戊午袁崇煥  
殺毛文龍於雙島癸亥以旱齋宿文華殿勅羣臣修省壬申  
袁崇煥疏陳議和之利秋八月戊午奢崇明安邦彥攻永寧  
總兵官侯良柱兵備副使劉可訓敗之九月丁未楊鎬伏誅  
冬十月戊寅

大清兵分三道入大安口參將周鎮戰沒入龍井口參將張  
安德擊王純臣敗遁入馬蘭口參將張萬春降己卯圍薊  
州十一月壬午京師戒嚴乙酉山海關總兵官趙率教入援

戰於遵化城下敗沒丙戌召廷臣於平臺議以方略

大清兵破遵化巡撫王元雅推官何天球保定推官李獻明  
知縣徐澤教諭曲毓齡中軍彭文炳守備徐聯芳皆死之其  
日復破撫寧丁亥總兵官滿桂入援己丑吏部侍郎成基命  
爲禮部尙書兼東閣大學士入閣預機務召前大學士孫承  
宗爲兵部尙書兼中樞殿大學士視師通州督撫以下俱聽  
節制壬辰下兵部尙書王洽工部尙書張鳳翔於獄宣大總  
督魏雲中宣府巡撫梁廷棟保定巡撫劉策河南巡撫范景  
文山東巡撫王建義山西巡撫耿如杞皆奏率師入衛詔應  
天鳳陽陝西鄖陽浙江巡撫勤王甲午

大清兵將越薊州而西袁崇煥拒之遂破玉田順義諸縣庚

子

大清兵向德勝門俄趨東南崇煥及諸將力戰以拒辛丑釋繫獄總兵官馬世龍使立功自効以御史吳阿衡監其軍癸卯

大清兵移營南苑趣督師進兵甲辰召袁崇煥及總兵官祖大壽滿桂黑雲龍兵部尚書申用懋於平臺崇煥請入城休士不許請屯兵外城如滿桂尙不許丁未

大清兵攻南城十二月辛亥召袁崇煥祖大壽滿桂黑雲龍於平臺詰崇煥以殺毛文龍故且責其援兵逗遛縛付詔獄命梁廷棟爲尙書總督薊遼以馬世龍祖大壽分統遼軍滿桂爲總理壬子

大清兵破良鄉知縣党還醇死之又破固安甲寅福大書具  
潰而東丁卯設文武經略以梁廷棟滿桂爲之屯西直安定  
二門刑部獄囚逸下喬允升等於獄戊辰遣中官趣滿桂出  
畢桂及裨將孫祖壽等俱戰沒麻登雲黑雲龍被執壬申錢  
龍錫罷癸酉山西援兵潰於良鄉逮巡撫耿如杞總兵官張  
鴻功下獄

大清兵破張灣城進馬世龍爲武經略丁丑

大清兵破香河戊寅攻寶坻知縣史應聘守不下禮部侍郎  
周延儒尚書何如寵侍郎錢象坤俱爲禮部尚書兼東閣大  
學士入閣預機務己卯

大清兵破玉田

三年春正月甲申

大清兵破永平兵備副使鄭國昌知府張鳳奇推官盧成功及鄉官廖汝欽等死之乙酉梁廷棟回部以劉策代之丙戌瘞城外戰士骸戊子

大清兵破灤州知州楊燦死之庚寅逮劉策及總兵官張士顯俱下獄以張鳳翼爲尚書總督蒞遼乙未韓爌致仕壬寅兵部右侍郎劉之綸率兵至娘娘廟山敗沒癸卯

大清兵攻昌黎二日知縣左應選力禦之丁未兵備僉事左應選同祖大壽尾

大清兵於燕河庚戌陝西五路總兵官吳自勉尤世祿楊麒王承恩楊嘉謨等先後率兵入衛流賊王嘉胤陷府谷二月



庚申冊長子慈煊爲皇太子赦天下

大清兵攻建昌三月辛巳李標致仕戊戌火藥局災癸卯

大清兵圍豐潤戊申流賊入山西犯襄陽吉州太平曲沃夏

四月乙卯以旱齋宿文華殿諭百官修省皮島參將劉興治

殺副總兵陳繼盛等十一人以叛丁丑流賊陷濰縣分掠趙

城洪洞霍汾西石樓永和吉陽己卯太白晝見五月乙酉諸

鎮兵向灤州辛卯入灤州壬辰入遷安癸巳入永平甲午入

遵化

大清兵整旅而歸孫承宗至永平以收復四路聞六月壬子

下左副都御史易應昌於獄癸丑王嘉胤復陷府谷辛酉禮

部尚書溫體仁吳宗道兼東閣大學士入閣預機務流賊破

蒲州潞安秋七月甲申御午門宣捷乙酉孫承宗張鳳翼祖  
大壽馬世龍等加官廕敘有差八月癸亥磔袁崇煥甲子逮  
錢龍錫九月己卯亦西安位降冬十月乙丑巡撫延綏右副  
都御史洪承疇總兵官杜文煥擊流賊張獻忠等於清澗大  
破之十一月壬辰逮倡逃經略尚書高第十二月乙巳流賊  
神一元等破新安營丁巳破寧塞己巳勾套部入共圍靖邊  
陷柳樹澗等城是年烏思藏入貢

四年春正月己卯流賊陷保安副總兵張應昌擊之斬神一  
元壬午孫承宗議築大凌城丙寅御史吳桂賑陝西饑且撫  
因荒附賊者己亥召內閣九卿科道及入覲兩司於文華殿  
問禦寇安民宗祿兵餉終及貴州安位事復命都察院嚴覈

巡按以董率之二月壬子流賊神一魁犯寧夏五月癸亥  
陷合水三月丁丑張應昌等擊敗之慶陽圍解癸未總督陝  
西右副都御史楊鶴招流賊於固原佯受撫尋叛甲午流賊  
犯平涼固原及耀州涇陽三原又薄寧州犯環縣戊戌陷武  
安監己亥襲陷華亭癸卯副總兵曹文詔擊賊於梁園大敗  
之夏四月丁未連敗賊衆於隴安靜寧賊走雒水城平涼莊  
浪飢民數萬合之勢復熾庚戌以旱勅羣臣修省己未神一  
魁降於楊鶴辛酉以久旱釋張鳳翔易應昌等於獄庚午流  
賊陷興平辛未降賊不沾泥叛攻米脂葭州戰連日復殺他  
賊以降五月甲戌步禱南郊庚辰戌錢龍錫辛丑降賊滿天  
星等復叛陷中部六月癸卯曹文詔擊斬王嘉胤於陽城丁

未錢象坤致仕秋七月戊寅總兵官王承恩擊斬流賊馬老虎獨行狼於鄜州降其黨上天龍庚辰降賊劉九思劫宜川知縣據其城癸未逮楊鶴下獄謫戌辛丑流賊陷中部王承恩等擊敗之八月癸卯總兵官賀虎臣擊斬流賊劉六於慶陽乙巳

大清兵圍大凌城丁卯糧盡何可綱死之戊辰巡撫丘禾嘉總兵官宋偉吳襄率師東援遇

大清兵於長山敗績監軍太僕少卿張春被執大壽等二十七人入我

大清營許以錦州自効質其子而還庚午大壽入錦州背約大清兵隳大凌城而去九月己丑神一魁復叛據寧塞官兵

圍之其黨斬以獻乙未始命中官張憲總理戶工二部欽  
糧王坤劉文忠劉允中監視宣府大同山西兵餉冬十月丁  
未馬如蛟黑雲龍自

大清軍中奔還復其官中官王應朝張國元王之心鄧希詔  
監視關寧及薊鎮三協兵餉庚戌總兵官楊嘉謨曹文詔復  
中部總兵官李舉復宜川十一月丁亥中官李奇茂監視陝  
西茶馬吳直監視登島兵餉辛卯孫承宗以大凌河敗自劾  
詔致仕癸巳召對廷臣於文華殿己亥流賊羅汝才入山西  
閏月壬子降賊混天猴勾其黨陷甘泉河西道張允登遇害  
癸丑流賊不沾泥等陷安定丁卯巡撫登萊右僉都御史孫  
元化遣參將孔有德等援大凌至吳橋反陷其城戊辰陷陵

縣連陷臨邑商河新城十二月庚午下戶部尚書畢自巖於獄甲戌流賊陷宜君又陷葭州兵備僉事郭景嵩死之乙酉孔有德犯青州庚寅犯登州

五年春正月庚子遼兵叛遊擊陳良謨死之辛丑遼兵僞降至登州孫元化納之元化及兵備副使宋光蘭等皆被執登州副總兵張燾死之居七日縱元化等航海還壬寅登州總兵官張可大竄水城死之流賊陷宜君癸卯陷保安又陷合水甲辰陷蒲州永寧辛亥孔有德陷黃縣己未犯萊州丁卯張應昌擊斬賊首於環縣二月甲戌逮孫元化山東巡撫余大成下獄及秋元化伏法明年大成遣戍庚寅流賊陷鄆州兵備僉事郭應嚮死之三月癸卯幸太學釋奠於先師兵部

侍郎劉宇烈督理山東軍務討叛將孔有德乙巳孔有德誘  
皮島將陳有德叛入於登州壬戌流賊陷華亭夏四月癸未  
孔有德犯萊州五月辛亥禮部尚書鄭以偉徐光啓俱以原  
官兼東閣大學士入閣預機務六月壬申河決孟津秋七月  
甲辰登州巡撫謝璉以孔有德約降與萊州知府朱萬年出  
城宣詔被執萬年遂遇害丁巳總兵官吳襄援剿登萊甲子  
流賊陷大寧八月甲戌曹文詔等擊賊於巨泉大敗之降四  
千餘人賊首白廣恩齊一勲郝惟端請殺賊以自贖庚辰逮  
劉宇烈下獄論戍乙酉吳襄等抵萊州賊棄圍遁官兵復招  
遠黃縣流賊陷壽陽又陷石樓澤州九月官兵圍孔有德於  
登州戊申中官鄭良翰謝文舉扶進朝魏典盧九德並提督

我政己酉流賊李自成陷修武甲子流賊破臨縣冬十二月  
戊辰流賊破光州詔百官進馬

六年春正月癸卯賊犯陽城參將芮琦等死之命曹文詔節  
制秦晉諸將乙巳救賊於霍州丁未河南總兵官左良玉破  
賊於涉縣賊走入林縣山中河南諸州縣飢民復附之癸丑  
監視宣鎮太監王坤劾周延儒庚申命卿寺十一人分督直  
省逋餉二月庚午左副都御史王志道劾王坤以內官糾輔  
臣非體帝召廷臣面詰之遂削籍丁亥賊犯濟源中軍曹鴻  
鶴死之戊子總兵陳洪範等破孔有德水城辛卯孔有德耿  
仲明兵敗遁於海三月丙辰賊攻廣元守備張應甲等死之  
己未攻百丈關守備郭霈辰等死之辛酉發帑賑山西饑夏



四月丙寅賊陷平順知縣徐明畏賊遁去賊有德方官  
耿仲明等降於我

大清東江總兵官黃龍邀擊於旅順及秋

大清兵下旅順龍死之辛巳詔勒限二月平賊五月甲午戶

部侍郎劉榮嗣請以城守責有司撫鎮專撥勦從之王廉旌

墩免糾套騎五萬薄靈州乙巳肆掠諸屯堡逮山西巡撫耿

好仁治之己酉中官陳大金等分監總兵官曹文詒張應昌

左良玉鄧玘軍庚申賊陷涉縣六月辛酉中官高起潛張國

元分監寧錦山永兵餉乙丑援勦川兵潰於林縣癸酉賊陷

和順乙亥鄭以偉卒庚辰周延儒致仕秋七月丙申賊陷樂

平戊戌召舊輔何如寵辛丑賊陷永和乙巳中官魏相監登

島兵餉八月戊子賊陷隆德知縣費彥芳戰歿固原參政陸  
夢龍往援死之九月己亥張應昌敗賊於平山獲賊首一盞  
燈左良玉及副總兵湯九川擊武陟臨縣賊敗之庚戌南京  
禮部右侍郎錢士升爲禮部尚書兼東閣大學士入閣預機  
務冬十月戊辰徐光啓卒十一月癸巳禮部左侍郎王應熊  
右侍郎何吾騶竝爲禮部尚書兼東閣大學士入閣預機務  
辛亥詔保定河南山西三巡撫會兵討賊乙卯賊陷澠池十  
二月己未陷伊陽戊辰犯內鄉知縣艾毓初擊却之移犯竹  
園光化均州自此賊始分兵羅汝才掠楚邢紅狼掠河南蕙  
登相入秦而李自成獨以勁兵入漢中庚辰賊陷鄖西癸未  
東江石城島都司尚可喜將於我

大清是年安南入貢

七年春正月庚寅張應昌渡河擊賊於靈寶敗之時山西旱饑民多從賊勢復熾壬辰賊自鄖陽渡江薄穀城癸巳賊六路竝集於襄陽辛丑陷洵陽又陷紫陽平利白河南入四川乙卯陷房縣又陷保康二月壬戌陷興山壬申陷夔州署府事同知何承光死之乙亥給事中吳家周劾溫體仁降級調外任戊寅蠲登萊積逋且賑之甲申耕藉田乙酉賊突商雒凡十三營掠洵陽興平流入漢川三月辛卯御文華殿日講畢錢士升曰難民必資遣方得生但許以免死勢必終於從賊帝低徊久之而入山西自去歲八月不雨至於是月大饑人相食己亥給事中黃紹杰劾溫體仁調外任癸丑賊陷安

定遊擊李在科死之夏四月丙辰以鄖西竹山房縣俱陷逮撫治鄖陽蔣允儀下獄論戍壬申套寇陷保安州甲戌賑陝西饑川賊三萬人分三道一趨河南一趨浙川一趨商雒張應昌逆戰於均州五嶺山敗績丁丑陷兩當己卯陷鳳縣五月丁亥犯白土關辛卯陷文縣丙申洪承疇使副總兵賀人龍劉成功等逐賊藍田賊東奔者復竄商雒李自成張獻忠等西奔蓋屋鄆山中己亥漢南降賊出棧道西陷麟遊永壽東陷同官辛丑陷盧氏六月己巳劉成功柳國鐘艾萬年等擊賊於寧州之襄樂遇伏國鐘萬年俱歿甲戌總督山陝兵部侍郎陳奇瑜圍李自成於車箱峽連雨四旬賊糧盡乞降奇瑜納其貨給免死票每十人以一安撫官押回本籍甫出

峽卽盡殺安撫官丁丑張應昌自清水進賊賊績已與賊陸華亭秋七月乙酉李自成陷隴州辛卯賊至鳳翔西關以受撫告守臣給以絕城上斬先登者三十六人陳奇瑜劾官紳撓撫局詔逮寶雞知縣李嘉彥鄉官孫鵬等五十餘人下獄大清兵入宣府張家口又入膳房堡焚龍門關壬辰

大清兵入懷來詔寧遠總兵官吳襄山海總兵官尤世威分道援大同癸巳京師戒嚴

大清兵駐膳房堡沙嶺分兵往陽和丁酉圍宣府不下回師屯深井戍戊略永寧詔巡撫丁胤楚戴君恩提督陳洪範阨紫荆雁門居庸三關己亥中官黃鍾育等提督忠勇營庚子中官孫茂霖監視紫荆倒馬二關賊混世王等嚮西安爲洪

承疇所邊不能出關走商維與老狷狷等合甲辰

大清兵圍大同左衛丙午李白成張獻忠等陷澄城圍邵陽  
聞洪承疇至解圍由清水秦州窺平涼邠州丁未

大清兵破保安知州閻生斗死之己酉自朔州圍渾源八月  
甲寅諭戶兵二部分兵護祖陵控河南洪承疇方拒秦賊以  
湖廣巡撫盧象昇總理直隸河南山東四川湖廣軍務統各  
路兵勦賊

大清兵圍蔚州丙辰破代州戊午李白成陷咸陽知縣趙濟  
昌死之癸亥

大清三路進師東路至繁峙中路至八角西路至三岔乙丑  
河決歸仁堤己巳

大清兵攻大同不下還西安堡別攻崞靈石皆破之壬午

大清兵攻大同右衛閏月乙酉攻萬全左衛丁亥破之守備  
常如松指揮杜詩秦之英戰沒庚寅

大清兵出塞歸辛卯賊陷崇信癸巳陷白水丙申陷涇州知  
州婁秀死之壬寅陳奇瑜至鳳縣北慶陽西鞏昌東北邠州  
延安西南盤屋寶雞四面皆賊衆至二十萬壬子總督宣大  
張宗衡巡撫宣府焦源清巡撫大同胡沾恩巡撫山西戴君  
恩竝以失事免論戊九月甲寅詔練勁兵二萬於居庸薊州  
爲京師蔽庚申王恭廠火藥復災斃數千人癸亥賊陷扶風  
知縣王國訓死之甲戌從兵部議令河南兵入潼華湖廣兵  
入商雒四川兵入興漢山西兵入韓城蒲州會勦秦賊丁丑

秦賊分部一由鳳縣攻漢中一由陽平關入梓潼劍州一由  
寧羌犯廣元冬十月癸巳河南賊掃地王等趨霍英界分掠  
潛山太湖宿松乙巳賊陷陳州己酉陷靈寶辛亥陷盧氏壬  
子左光先擊李自成於高陵富平間敗之自成佯乞撫直寧  
知縣王家永出城招諭被執十一月壬戌賊陷英山焚霍山  
癸亥免山東五年以前通賊庚辰逮陳奇瑜下獄謫戍十二  
月癸未朔以中官馬雲程提督京營乙酉洋沔興安洵陽白  
水間皆賊總兵官楊正芳同鎮將張士達深入死之癸巳  
總兵官張應昌曹文詔駐自強尤世威吳襄竝以失機下獄  
未幾以山西巡撫吳甡薦釋應昌文詔立功贖罪是年遷羅  
入貢



八年春正月甲寅職方主事賀正盛劾溫體仁謫外任乙卯  
賊陷上蔡丁巳屠汜水陷滎陽戊午陷固始己未洪承疇出  
關討賊秦賊乘間掠西安乾州河南賊復入興安漢中自沔  
略陽轉躡臨洮鞏昌辛酉賊陷霍丘縣丞張有俊教諭倪可  
大訓導何炳若死之壬戌陷潁州知州尹夢鰲判官趙士寬  
闔門死之殺鄉官張鶴鳴等及諸生百餘人丙寅陷鳳陽焚  
皇陵樓殿畱守朱國相知府顏容暄推官萬文英死之以南  
京救兵至奔定遠西嚮歸德所過村落爲墟甲戌陷巢縣知  
縣嚴寬不屈死丁丑陷廬江己卯陷無爲州二月壬午陷潛  
山乙酉陷羅田知縣梁志仁教諭吳鳳來訓導羅大受死之  
丙戌陷太湖知縣金應元死之陷新蔡知縣黃信死之庚寅

免被賊州縣六七兩年逋賦甲午建鳳陽巡撫楊一鵬上江  
巡撫吳振纓下獄丁酉鄧玘敗賊於羅山己亥勅羣臣修省  
己酉

大清兵十萬自瀋陽趨河套收插漢餘部三月辛亥風霾晝  
晦癸丑賊陷麻城甲寅以天變赦羣臣修省壬戌賊陷寧羌  
州丙寅

大清兵攻宣府水泉口乙亥虎墩兔妻囊囊台戶率所部歸  
於

大清丙子叛兵殺鄧玘於樊城夏四月丁亥鄭芝龍擊劉香  
香焚死衆悉降丁酉官兵敗賊於乾州斬李自成之弟過天  
星丙午洪承疇次靈寶以商維爲賊藪令曹文詔從閩鄉直

擣之五月甲寅曹文詔敗賊於五峪明日賊酋吳宗遠奔  
郿丁巳張應昌敗賊於郿賊奔終南山中乙亥吳宗遠致  
仕六月己丑陝西官兵擊賊於亂馬川敗績庚寅

大清收插漢餘衆及陝邊諸部東還攻平遠路鐵山及大同  
迎恩詔胡諸堡壬辰趨陽和參將丁奎光戰沒戊戌楊一鵬  
伏誅吳振纓滅死戌邊己亥

大清兵攻忻州庚子攻五臺壬寅山西兵逆戰於定襄敗績  
乙巳總兵官艾萬年擊賊於寧州之襄樂萬年戰死丙午曹  
文詔逐賊真寧中伏死之秋七月辛亥

大清兵自宣府引還癸亥賊陷澄城甲戌以少詹事文震孟  
刑部右侍郎張至發爲禮部左侍郎兼東閣大學士入閣預

機務乙亥撤總理監視諸中官惟關寧高起潛及提督京營者如故九月庚戌建總理河道侍郎劉榮嗣下獄瘐死壬申王應熊致仕冬十月癸巳何吾驤文震孟罷乙巳下詔罪已十一月乙卯賊犯河南掠偃師衆三十餘萬十二月戊寅城鳳陽乙酉李自成屠光州商城辛卯總理盧象昇敗之於確山癸卯李自成陷和州知州黎弘業學正康正諫鄉官馬如蛟等死之是年安南暹羅琉球入貢

九年春正月丁未盧象昇次鳳陽諸道兵皆會壬子賊高迎祥張獻忠圍滁州象昇救至敗之諸將截之於定遠於廣武皆敗之甲寅李自成攻固始別賊陷靈臺乙卯突池河守禦劉光輝戰沒丙辰左良玉遇自成於閩鄉敗之癸亥賊犯虜

州遂陷舍山圍江浦乙丑陷靈璧丁卯虜酋郎有鉞順  
天府尹劉宗周赴召至京入對文華殿帝遣宗周言命針以  
原官兼東閣大學士入閣預機務宗周別用戊辰賊陷蕭縣  
己巳秦賊陷麟遊知縣呂鳴世死之壬申焚闕鄉總兵官陳  
永福敗李自成於朱仙鎮自成走登封二月壬午

大清兵攻大同馬蓮口甲申賊犯鳳陽知府文應節拒却之  
乙酉寧夏饑軍譁殺巡撫王楫兵備副使丁啓睿撫定之王  
辰以武舉陳起新爲吏科給事中是月山西大饑人相食二  
月丙午賊陷和順丁未陷穀城戊申發帑賑聞喜沁源諸縣  
庚戌賊陷竹谿房山庚申賑南陽饑壬申李自成自環慶趨  
臨鞏左光先邀擊敗之夏四月壬午錢士升致仕己丑諸大

賊俱在秦楚萬山中盧象昇會湖廣河南巡撫總兵官分隗  
要害以蹙之癸巳召對削御史詹爾選籍甲午刑部尙書馮  
英以輕擬庶吉士鄭鄴罪下獄論戍五月癸丑赦脅從諸賊  
悔罪歸者護還其鄉有司以安插爲殿最其願軍前自効者  
聽之有功一體叙錄丙辰延綏總兵官俞冲霄擊賊於安定  
兵敗死之賊犯榆林賀人龍大敗之李自成數百騎西奔庚  
申滋陽知縣成德劾溫體仁下獄論戍己巳副總兵湯九州  
擊賊嵩縣兵敗死之六月乙亥林鈺卒甲申吏部侍郎孔貞  
運禮部尙書賀逢聖黃士俊竝爲禮部尙書兼東閣大學士  
入閣預機務己亥河南總兵官解進忠撫賊於浙川被殺  
大清兵入喜峰口巡關御史王肇坤死之辛丑居庸關昌

平北路總兵官王樸力戰以拒秋七月乙巳京師戒嚴命中  
官李國輔守紫荆關許進忠守倒馬關張元亨守龍門關崔  
良用守固關已酉

大清兵間道至昌平城破總兵官巢丕昌降戶部主事王桂  
趙悅署州事通判王禹佐學正解懷亮等死之命文武大臣  
分守京城九門皇城四門庚戌

大清兵攻鞏華城壬子徵山東山西大同保定山永關寧薊  
密諸鎮兵入援癸丑賊陷成縣丙辰名廷臣於平臺問方略  
丁巳

大清兵入寶坻知縣趙國鼎死之壬戌巡撫陝西孫傳庭擊  
擒高迎祥於盤屋餘賊推李自成爲首癸亥兵部尙書張鳳

翼督援兵高起潛爲總監南援霸州祖大壽爲提督及山海  
總兵官張時傑皆屬之乙丑

大清兵破定興鄉官鹿善繼死之又破房山八月壬申中官  
魏國徵總督宣府昌平鄧良輔爲分守鄧希詔監視中西二  
協杜勳爲分守丙子王樸與

大清兵戰於涿州丁丑

大清兵攻固安戊寅中官唐朝理督理京城巡捕括勳戚文  
武諸臣馬巳卯

大清兵破文安又破永清庚辰張鳳翼及總督宣大梁廷棟  
與

大清兵戰於涿州之南壬午中官盧維寧總督通州天津德



州臨清孫茂林爲分守癸未劉澤清與

大清兵戰於鄭州乙酉

大清兵破順義知縣上官蓋死之壬辰以唐王聿鍵擅發兵勤王廢爲庶人發鳳陽高牆九月壬寅

大清兵自冷口歸癸卯張鳳翼梁廷棟先後仰藥死甲辰

大清兵伐朝鮮庚戌

大清兵攻山海關之紅山溝巡撫馮任力禦之癸亥以盧象

昇爲兵部左侍郎總督宣大山西軍務冬十月丙子削已告

工部侍郎劉宗周籍以疏劾禍敗由中官首輔溫體仁也甲

申賊陷襄城丙申命開各銀鐵銅鉛之礦十一月丁未蠲山

東逋租壬戌遣中官陳貴總監大同山西牛文炳分守王夢

弼監守宣府昌平鄭良輔協理是年暹羅入貢

十年春正月辛丑朔日有食之免朝賀巳酉中官李名臣提督京城賊陷孝感二月甲戌遣朝官督直省逋賦三月辛亥大清兵破朝鮮國王李倬出走平壤王京皆下世子被執更立李恂爲王夏四月壬申

大清兵向皮島陳洪範及副總兵白登庸俱遁癸酉至鐵山招皮島總兵官沈冬魁不應戊寅

大清兵至皮島孔有德耿仲明尙可喜等夾攻副總兵金日觀力戰死之沈冬魁走石城島癸巳旱霾清獄閏月乙巳御史許自表劾溫體仁降上林典簿戊申求直言給事中李化龍言切諫外任庚申曹化淳同法司錄囚甲子給事中李如

燦極言增兵加餉之無益歸營補臣下獄五月壬午自登庸  
殺監軍副使黃孫茂降於我

大清己丑都給事中傅朝佑劾溫體仁下獄六月戊申溫體  
仁致仕秋七月山東河南飛蝗蔽野民大飢丁亥賊陷六合  
八月戊申入鳳陽己酉以吏部侍郎劉宇亮禮部侍郎傅冠  
爲禮部尙書僉都御史薛國觀爲禮部左侍郎竝兼東閣大  
學士入閣預機務庚申帝闕城九月丁卯張獻忠掠儀真命  
中官劉元斌盧九德赴援癸巳李自成陷寧羌冬十月丙申  
自七盤關入西川壬寅陷昭化墊江甲辰陷劍州乙巳陷梓  
潼分兵三路一走潼川一趨綿州一入江油遂陷彰明鹽亭  
諸縣庚戌逼成都丙辰焚郫縣十一月庚辰以星變諭廷臣

修首求直言中官曹化淳提督京營李明哲提督五軍營杜  
勳提督神樞營閻思印提督神機營鄭良輔總理京城巡捕  
癸巳賊陷靈璧十二月乙巳命洪承疇合孫傳庭兵勦河南  
賊是年安南入貢

明史藁

本紀第十九

光祿大夫

經筵講官明史總裁戶部尚書加七級王鴻緒奉

敕編撰

莊烈帝二

十一年春正月乙丑以中官調查逮訊任丘清苑涑水遷安  
大城定興通州諸印官貪縱并責撫按不劾丙寅黃士俊致  
仕戊寅開福建海禁通市佐餉癸未以玩寇逮四川巡撫王  
維章及總兵官侯良柱戊子裁南京冗官二月乙未洪承疇  
敗賊於梓潼總兵官曹變蛟追至茂州李自成遁伏終南月  
餘復自陽平入廣元變蛟兵至盡戮其衆惟自成等數人逃  
去庚子賊陷瀘溪辛丑皇太子就文華殿講讀癸卯改巡按

河南御史張任學爲都督僉事鎮守河南總兵官甲辰下刑部尚書鄭三俊於獄尋釋之丙午御經筵甲寅李自成乞羅汝才兵復出掠闕鄉三月戊辰

大清兵攻宣府膳房堡戊寅賀逢聖致仕夏四月甲申貶洪承疇爲侍郎限五月盡賊辛丑張獻忠僞降於穀城戊申張至發致仕己酉熒惑逆行至秋乃滅帝素服減膳諭諸臣修省辛酉御中左門引考選諸臣問足兵足食之計丙戌定高牆罪宗五年一審例六月癸巳安民廠災傷萬餘人武庫藏械幾盡丁酉御史林蘭友劾楊嗣昌主和議負國謫外任乙卯戶部尚書程國祥兵部尚書楊嗣昌工部左侍郎蔡國用爲禮部尚書禮部右侍郎方逢年大理寺左少卿范復粹爲

禮部左侍郎俱兼東閣大學士入閣預機務嗣昌仍掌兵部  
兩畿山東河南俱大旱蝗庚申

大清兵屯大青山遣使議和巡撫遼東方一藻疏陳彼強吾  
弱宜許之楊嗣昌主其說盧象昇抗言不可帝頗然之秋七  
月戊辰少詹事黃道周三疏劾楊嗣昌奪情已巳召文武大  
臣於平臺面詰道周降謫江西按察司照磨八月癸卯賊陷  
睢寧癸丑傅冠致仕賊羅汝才會其黨惠登相常國安賀一  
龍於陝州掠內鄉浙川犯襄陽九月壬戌賊陷五河辛巳  
大清兵分道入西協牆子嶺中協青山口總兵官吳國俊敗  
遁總督薊遼兵部侍郎吳阿衡死之

大清兵合兩路薄豐潤遼東副總兵丁志祥竇溶等入援不

能遇

大清兵遂南下癸未詔總督盧象昇率天下勤王兵入衛冬  
十月辛卯京師戒嚴徵祖大壽兵畱巡撫方一藻陳祖苞等  
分守遼薊癸卯召文武大臣及盧象昇於武英殿問以方略  
象昇主戰命與楊嗣昌議不合象昇還昌平嗣昌令赴通州  
以就高起潛甲辰起潛兵敗於盧溝橋十一月癸亥

大清兵自良鄉涿州趨河間丙寅召對廷臣改編修楊廷麟  
爲兵部主事赴象昇營贊畫戊辰

大清兵入高陽孫承宗父子俱死之癸酉連破衡水武邑棗  
強鸞澤文安霸州阜城乙酉自德州渡河嚮臨清分道趨高  
唐濟寧合於濟南辛巳破威縣丙戌攻內丘十二月辛卯命



劉宇亮督察各鎮援兵奪盧象昇尙書以侍郎總督與高起潛戴罪立功壬辰

大清兵入臨洛丁酉破深州知州孫士美死之尋破平鄉南和沙河元氏贊皇臨城高邑獻縣庚子方逢年罷盧象昇與大清兵戰於賈莊敗績死之丁未中官邊永清分守薊鎮西協

大清兵連破昌平寶坻平谷薊州景州趙州清河良鄉乙卯入東昌丁巳破玉田諸生桑開基死之

十二年春正月庚申

大清兵入濟南德王由樞被執左布政使張秉文督糧副使鄧謙濟南道副使周之淵鹽運使唐世熊濟南知府苟好善

同知陳虞眉通判熊烈獻歷城知縣韓承宣臨邑知縣宋希堯武城知縣李承芳博平知縣張列宿茌平知縣黃建極俱死之壬戌

大清兵破青縣戊辰劉宇亮及入援總督孫傳庭會師十八萬自晉州嚮濟南總兵官祖大壽亦自景州至相視莫敢前甲戌

大清兵破東平乙亥破莘縣復至濟南丙子破內丘館陶丁丑破慶雲東光海豐庚辰破冠縣甲申至張秋破汶上攻兗州戊子引而北趨天津二月壬辰逮總兵官倪寵下獄丙申劉宇亮削籍戊戌

大清兵凱還諸軍遂擒難民以擄獲報壬子命中官申之秀

提督九門王允中守備承天三月

大清兵趨豐潤丙寅出青山口戊辰盡出塞凡深入二千里  
閱五月破七十餘郡縣已已逮失事巡撫陳祖苞顏繼祖下  
獄戮吳國俊丁丑奪楊嗣昌官戴罪視事是月左良玉敗賊  
劉國能於許縣國能降夏四月戊申程國祥致仕五月丁巳  
楊嗣昌奏失事五案失機者鄧希詔楊芳趙光璧田祿劉文  
耀孫宗陷城者陳祖苞張其平李綦隆趙之鼎顏三省張昌  
期王應元李芳塘雷之渤徐完一劉銓翟運晉胡應瑞輪欵  
者尹亮陳相望郭士貞楊綱陷藩者顏繼祖倪寵祖寬郭進  
道損將者李重鎮劉銓縱敵者孫茂霖陳國威崔秉德韓文  
獻及秋竝棄市惟祖苞服毒死庚申嗣昌薦宣大總督傅宗

龍自代徵爲兵部尙書甲子禮部侍郎姚明恭禮部右侍郎  
張四知兵部侍郎魏照乘竝爲禮部尙書兼東閣大學士入  
閣預機務乙丑張獻忠復叛於穀城陷房縣羅汝才李自成  
五部竝起應之癸未遣給事中六人括南畿浙江江西湖廣  
河南山西糧以充餉六月己丑敘運籌却敵功內閣薛國觀  
等三人竝加宮保姚明恭等三人及舊輔張至發等六人各  
賜金幣楊嗣昌復官中官曹化淳等七人竝世襲錦衣僉事  
癸卯中官趙本政總監眞定保定涿州昌平己酉從楊嗣昌  
請抽練各鎮精兵練餉之加自此始秋七月戊午以中官張  
榮提督九門辛酉王裕民總督京營壬申左良玉討張獻忠  
於房縣敗績良玉許總理熊文燦逗遛狀奪文燦官仍視事

良玉戴罪已亥免唐縣等四十州縣去年田租之半壬子楊嗣昌以原官兼兵部尙書督師討賊十月丙戌彗星見己丑停刑丙申鳳陽地震丙午左良玉爲平賊將軍十一月甲寅逮熊文燦是年琉球入貢

十三年春正月丙子下兵部尙書傅宗龍於獄閏月乙酉發帑金賑直定饑甲辰賑山東饑二月戊午左良玉大破張獻忠於太平縣瑪瑙山獻忠走歸州山中辛未羅汝才陷光州戊寅以風霾亢旱命羣臣直陳時政庚辰詔以三月三日爲始齋居親禱大小臣工痛加修省遣官告南郊社稷風雷諸壇三月丙戌大風霾丁亥

大清兵至義州謀攻錦州經畧尙書洪承疇遣總兵官祖大

壽吳三桂劉肇基屯松山以待戊子撤回各鎮中官戊戌登  
帑賑畿內饑辛亥授進士召對稱旨者爲檢討給事中御史  
吏兵二部主事凡二十五人夏四月戊午逮巡撫江西解學  
龍及所舉黃道周俱廷杖下獄丙寅以貢生二百六十三人  
補六部主事推官知縣名曰特用丙子詔中外官舉將才已  
耶吏部尙書謝陞改爲禮部尙書禮部右侍郎陳演爲左侍  
郎並兼東閣大學士入閣辦事五月辛巳羅汝才惠登相入  
蜀癸未陷大昌犯夔州四川總兵官鄭嘉棟湖廣副將張應  
元汪雲鳳陝西副將賀人龍李國奇共赴之斷賊爲二賊陷  
淖大敗石砮女將秦良玉遂擊復敗之丙申畿內山東山西  
河南陝西旱蝗大饑人相食命地方官設法賑濟招徠流移

撫按躬行察視召九卿科道於平臺問制節救荒安民三策  
通政使徐石麒對稱旨下部採行之丁酉賊陷羅田戊戌吳  
三桂劉肇基等出杏山與

大清兵遇三桂被圍肇基救出之副總兵程繼儒臨陣退怯  
洪承疇斬以徇己酉姚明恭致仕截漕米萬石賑山東饑六  
月辛亥賀人龍等三道逐賊大破之羅汝才走大寧壬戌賊  
陷大竹庚午蔡國用卒癸酉薛國觀罷吏部尙書傅永淳等  
俱免官秋七月庚辰直省旱蝗己丑發帑賑順天保定災辛  
卯左良玉襲羅汝才於興山大破之癸卯楊嗣昌再戰敗績  
具疏引罪詔發五萬金犒師八月庚申發倉粟賑河東饑壬  
戌賊陷麻城黃梅己巳羅汝才走巫山與張獻忠合丁丑惠

登相降戊寅發帑賑真定山東河南饑九月甲申楊嗣昌與  
左良玉阮李自成於巴西魚復諸山自成饑困四川巡撫邵  
捷春擅移戍兵自成遂逸以疎防逮捷春下獄論死辛卯停  
刑冬十月癸丑熊文燦伏誅壬戌帑萬金棉衣二萬給京師  
貧民張獻忠陷劍州十一月癸卯逮前刑部尙書甄淑下獄  
明年癩死辛亥張獻忠陷瀘州乙卯逮薛國觀下獄明年秋  
賜死丙子徵總兵官宣府楊國柱大同王樸密雲唐通合曹  
變蛟白廣恩馬科吳三桂王廷臣之兵共十萬來春大舉賊  
袁時中陷開州

十四年春正月丁丑張獻忠陷巴州己卯李自成陷永寧殺  
高安王采鏗遂陷宜陽乙丑總兵官猛如虎偕諸將追張獻



忠及於閩縣參將劉士傑連勝之獻忠以銳卒出其後士傑  
及遊擊郭關猛先捷戰死如虎突圍出丁酉李自成陷河南  
麻福王常洵遇害河南道副使王胤長知府亢思檜鄉官呂  
維祺死之二月庚戌張獻忠陷襄陽襄王翊銘及貴陽王常  
法等竝遇害兵備副使張克儉推官鄭曰廣死之壬子陷樊  
城尋陷當陽戊午山東大旱飢民父子相食李自成攻開封  
巡按高名衡固守周王恭禔出五十萬金佐餉巡撫李仙風  
督諸將馳救兩日三捷圍解癸亥帝不豫詔赦天下停決囚  
乙丑張獻忠陷光州己巳帝疾愈召內閣九卿科道於乾清  
宮左室顧諸臣流涕曰歲饑盜熾至陷雖封戕親叔朕不德  
何以自道哭失聲命駙馬都尉冉興讓中官王裕民給事中

葉高標慰問福世子齋賑恤難宗三萬一千金及前發賑山東河南眞保定十萬金以行三月丙子楊嗣昌自川還荊州聞襄王變不食卒帝以嗣昌功罪不相揜下九卿科道勘議壬辰李自成陷歸德丙申洪承疇會八鎮兵於寧遠辛丑大清兵自義州入塞祖大壽合諸鎮兵逆戰於錦州明日再戰我

大清旋師以誘之夏四月壬子

大清兵薄錦州副總兵那木氣都司桑承順以東關降遂攻錦州祖大壽拒戰踰月仍復東關守之洪承疇以援兵次於松杏甲子命丁啓睿爲兵部尙書督師節制陝西河南四川湖廣江北諸軍庚午張獻忠合羅汝才陷隨州知州徐世淳

死之賊屠州城是月召舊輔周延儒張至發賀逢聖五月庚辰范復粹致仕賊陷泌陽出傅宗龍於獄用爲兵部侍郎總督陝西三邊軍務丙戌設徐臨津通四鎮兵護漕以總河張國維督之壬辰以錦州被圍從兵部尙書陳新甲請遣職方郎中張若麒詣洪承疇軍計事癸卯賊陷信陽六月庚戌賀一龍等陷宿松英山乙卯新甲請分兵四路同攻

大清營洪承疇恐兵分則力益弱議且戰且守新甲與若麒趣進兵新甲又薦前綏德知縣馬紹愉爲職方主事出關贊畫若麒紹愉並主戰遂不聽承疇計癸酉兩京山東河南浙江俱旱蝗賊勢益熾秋七月戊寅臨清運河涸庚辰賀一龍陷潛山丁亥京師大疫辛卯張獻忠陷鄖西庚子洪承疇誓

師援錦州壬寅抵松山

大清兵屯乳峰山東承疇諸軍屯山西乙巳合戰陽和總兵官楊國柱陣歿祖大壽自錦分所部爲三道突圍不得出入月辛亥

大清兵來攻諸軍力戰以拒壬子王樸車敗績丁巳再戰復敗辛酉

大清以三千騎益圍錦州屯長嶺山甲子進攻松山掘壕八尺困之承疇戒諸將速戰諸將以餉乏請就食寧遠其夕樸先遁他將從之昏黑中爲伏兵所截大潰惟曹變蛟王廷臣得返松山承疇嬰城守分卒突圍求糧

大清兵逸之尖山石灰窯松兵不能返若麒紹愉逃至寧遠

是月重建太學成帝親幸釋奠於先師九月戊寅傅宗龍自  
新蔡渡河已卯遇李自成兵大敗庚辰宗龍入陳州被圍甲  
申周延儒賀逢聖至仍入內閣辛卯傅宗龍以川兵搏戰敗  
績壬辰決圍趨項城被執不屈死之賊屠項城分兵屠商水  
扶溝封皇子慈炯爲定王丙申丁啓睿合左良玉兵大破張  
獻忠於信陽獻忠偕餘賊百人易衣遁戊戌李自成羅汝才  
陷葉縣守將劉國能死之冬十月丁未陝西巡撫汪喬年督  
師趨河南戊辰復遣中官盧九德劉元斌率京營兵救河南  
元斌駐歸德四旬不進十一月癸酉喬年入襄城死守李自  
成攻之城陷喬年及守將李萬慶俱死之丙子自成乘勝陷  
南陽唐王聿鎮遇害分守參議艾毓初南陽知縣姚運熙總

兵官猛如虎俱死之十二月庚戌李自成連陷涪川許州長葛通許鄆陵鄆陵知縣劉振之死之甲子黃道周解學龍竝遣戍戊辰倖內操張獻忠李自成羅汝才合攻開封高名衡及總兵官陳永福力拒之永福射中自成一目自成退屯朱仙鎮

十五年春正月癸酉初寧前道副使石鳳臺以

大清欲和聞帝以私遣使辱國逮下獄至是陳新甲微言其事帝意稍回遂薦馬紹愉爲職方郎中密遣之丁丑紹愉及參將李御蘭周維墉使於我

大清

大清以無敕爲言紹愉馳請得之

大清以敕書疑邊吏僞作且語不其非於利者維愉以聞  
辛巳李自成復圍開封丁啓睿左良玉擊賊將劉宗敏李  
過於朱仙鎮自成南屠陳州兵備副使關永傑知州侯君擢  
鄉官崔泌之貢士王受爵等死之壬午賊陷單縣己丑耕藉  
田二月戊申發帑賑山東亂民就撫者庚戌御經筵免天下  
十二年以前逋賦癸丑孫傳庭爲兵部侍郎總督陝西三邊  
軍務張福臻爲兵部尙書范志完爲兵部左侍郎分督薊遼  
乙卯張獻忠陷亳州丙寅賀一龍陷全椒三月辛未獻忠復  
陷舒城乙亥陷六安丁丑魏照乘致仕丁亥松山裨將祖大  
樂夏成德縛洪承疇以城降於我

大清巡撫丘民仰總兵官曹變蛟王廷臣副總兵江翥饒勲

等俱死之

大清兵遂取杏山三城同沒京師大震辛卯李自成陷睢州  
太康寧陵考城丙申陷彰德夏四月庚子封皇子慈烜爲承  
王辛丑謝陞削籍密勅孫傳庭殺賀人龍丙申發帑三十萬  
金給關寧辛亥督師丁啓睿保定總督楊文岳合左良玉虎  
大威楊德政方國安四總兵官次朱仙鎮師大潰李自成遂  
圍開封戊辰

大清兵破塔山軍民皆自焚馬紹愉在圍中

大清遣人衛出之五月甲戌賀一龍陷廬州丙子陷潁州庚  
辰復遣馬紹愉赴我

大清議和紹愉以入藩陽定歲幣百萬上聞帝問周延儒至



再終不對癸未李自成分兵陷開毫二州丁亥王樸伏誅六月丙午詔孫傳庭山關殲賊戊申賀逢聖致仕辛亥免開封河南歸德汝州去年田租癸丑張四知致仕詔天下停刑三年丁巳召見枚卜諸臣於中極殿詢備禦之策將賜宴殿中以工部侍郎宋攻左副都御史房可壯大理卿張三謨奏對不稱旨而罷是日賀逢聖痛哭辭歸戊午禮部侍郎蔣德璟詹事黃景昉兵部侍郎吳牲並爲禮部尙書兼東閣大學士入閣預機務辛酉召廷臣於弘政門明日下午吏部尙書李日官吏科都給事中章正宸掌河南道御史張煊及宋攻房可壯張三謨於獄閱數日日宣等戍邊攻等削籍甲子築壇親祭死事文武大臣秋七月甲戌賀一龍毀廬州城辛巳開封

告急寧武總兵官許定國赴救兵潰於懷慶詔陝西總督孫傳庭以秦師出右保定總督侯恂以晉師出左亟援丁酉下陳新甲於獄八月庚戌安慶兵變殺都指揮徐良憲巡撫徐世蔭討定之逃將楊德政伏誅壬子張獻忠陷六安癸亥免濟南兗州東昌濮州歷年逋賦乙丑釋黃道周復爲少詹事丙寅張若麒下獄論死丁卯逮丁啓睿下獄李自成陷歸德推官王世琇貢士徐作霖死之九月己丑誅陳新甲辛卯河決開封城陷士民溺死者數十萬人冬十月甲寅賊陷安慶戊午監軍太監劉元斌司禮太監王裕民有罪伏誅丙寅李自成羅汝才復陷南陽屠之十一月丁卯永城邑弁劉超殺前御史郭景琦以叛壬申

大清兵由牆子路界嶺青山分道而入癸酉破遷安三河甲戌駐永平之臺頭乙亥攻通州京師戒嚴僉勳臣分守九門太監王承恩提督城守諭九卿科道舉堪督師大將者丙子總兵官許定國以兵潰下獄論死己卯

大清兵入薊州張獻忠陷黃梅壬午

大清兵分趨真定河間香河戊子張獻忠陷無爲閏月辛丑下詔罪己壬寅

大清兵攻河間分嚮臨清甲辰破霸州兵備僉事趙燿同知

丁師義鄉官李時堯死之乙巳破文安戊申破臨清戶部郎

中陳興言同知路如瀛判官徐應芳總兵官劉源清鄉官張

宗衡張振秀尹任等死之庚戌李自成陷汝寧執楊文岳及

兵備僉事王世琮俱不屈死之屠士民數萬掠崇王由櫃及  
世子諸王妃嬪以去

大清兵破阜城知縣呂大成死之壬子破景州甲寅破河間  
分守參議趙珽知府顏胤紹知縣陳三接死之戊午攻東昌  
遂攻冠縣李自成陷荊州庚申下給事中姜埰行人司副熊  
開元於錦衣衛獄辛酉

大清兵自臨清分五路攻東昌莘縣館陶高唐海豐癸亥略  
張秋甲子召對廷臣於中左門削左都御史劉宗周籍弁及  
僉都御史金光辰降三級調外十二月丁卯

大清兵自長垣趨曹濮別將抵青州入臨淄知縣文昌特闖  
門死之戊辰破陽信知縣張子卿死之己巳李自成陷襄陽

襄王常澄走免左良玉奔承天賊分兵陷彝陵宜城荆門辛未

大清兵破濱州癸酉破兗州魯王以派自縊左長史俞起蛟兵備副使王維新知府鄧藩錫副總兵丁文明鄉官范淑泰等死之是日

大清兵分向泰安東平魚臺武城金鄉單俱破之甲戌破沐陽乙亥入沂州又入豐縣知縣劉光先死之丁丑張獻忠陷太湖知縣楊春芳教諭沈鴻起等死之戊寅

大清兵破蒙陰泗水鄒縣辛巳李自成入荊州己丑

大清兵破滕縣知縣吳良能死之癸巳破贛榆甲午破嶧縣乙未破郟城

十六年春正月丙申李自成陷承天總兵官錢中選戰歿巡撫宋一鶴巡按李振聲知府王琰鍾祥知縣蕭漢畱守沈壽崇等死之丁酉

大清兵燔漕舟於黃河口己亥趨東昌乙巳賊陷雲夢丙午陷孝感丁未黃陂士民殺僞令以守賊攻陷之屠其城戊申陷景陵德安丁巳張獻忠陷蘄州江防副使許文岐死之二月戊辰親祭社稷至壇大風雨土五色炬盡滅幕黃布障之僅成禮而還是日

大清兵破武定庚午賊陷麻城中戌

大清兵入萊陽知縣陳顯際鄉官宋玟宋應亨趙士驥等死之癸未李自成陷邳縣知縣李貞佐闔門死之壬辰

大清兵至登萊三月乙未賊陷常德辰岳相繼陷雲貴道梗

丁酉張獻忠陷蘄水癸卯吳姓兼兵部尙書督師丙午

大清兵破南宮丁未賊陷武岡州岷王企鰲遇害庚戌

大清兵入順德知府吉孔嘉死之丙辰免直隸山東殘破州

縣田租張獻忠陷黃州副使樊維城死之尋陷羅田癸亥

大清兵至易州夏四月戊辰周延儒自請督師報可丙子

大清兵至琉瑯河詔諸督撫合兵以阨辛巳戰於螺山八鎮

兵盡潰丙戌張獻忠陷嘉魚署縣事敎諭蕭頌聖死之五月

癸巳陷漢陽甲午召周延儒還朝丁酉賊陷保康知縣石惟

壇死之丁未修撰魏藻德爲禮部侍郎兼東閣大學士入閣

預機務藻德辭侍郎改少詹事戊申吳姓致仕丁巳周延儒

張獻忠陷武昌沈楚王華奎於江家居大學士賀逢聖長史徐學顏總兵官崔文榮等死之蒲圻嘉魚皆降賊據楚府僞稱西王乙亥詔直省殘破州縣自十六年始免三餉及一切常賦兩年己卯逮范志完乙酉雷震奉先殿左獸吻遣官告太廟敕羣臣修省秋七月甲辰加孫傳庭爲督師兵部尙書兼制應鳳江楚豫州軍務乙卯親鞫前文選郎中吳昌時於中左門徵周延儒聽勘丁巳議恤故總督盧象昇并覈死事文武諸臣己未戒廷臣私謁內侍庚申京師大疫自二月迄是日死亡千計盡釋輕繫發帑金太醫院療治五城瘞暴骸八月壬戌左良玉復武昌漢陽丙寅張獻忠陷岳州又陷臨湘知縣林不息死之丙戌張獻忠陷長沙推官蔡



道憲死之庚寅陷衡州桂王常瀛及惠王常澗吉王慈烽走  
永州九月壬辰黃景助予告丙申張獻忠陷寶慶辛丑孫傳  
庭復寶豐庚戌張獻忠追三王於永州巡按劉熙祚被執不  
屈死之甲寅孫傳庭兵潰於襄城以餘衆入潼關冬十月辛  
酉副總兵沈萬登復汝寧壬戌賊陷閩鄉癸亥李自成出潼  
關夾攻官軍總督孫傳庭死之甲子連陷華州渭南知縣楊  
暄死之乙丑陷臨潼

大清兵屯山海關外總督王永吉趨關門賊陷萍鄉丙寅諭  
宥司以贖餒充餉戊辰李自成屠商州商維道黃世清死之  
庚午張獻忠陷常德壬申李自成陷西安陝西巡撫馮師孔  
按察使黃綱長安知縣吳從義秦府長史章世綱西安衛指

建鄉官焦源溥等死之自成據秦府以秦王存樞爲  
權將軍永壽王誼況爲制將軍丁丑賊陷吉安辛巳鳳陽地  
屢震癸未李自成分兵陷中部知縣朱華堞闔門死之乙酉  
王應熊至請老許之十一月癸巳張獻忠再陷岳州甲午李  
自成陷延安尋屠鳳翔甲辰左良玉復萍鄉辛亥吏部侍郎  
李建泰左副都御史方岳貢竝兼東閣大學士入閣預機務  
癸丑成吳牲於金齒衛甲寅副總兵馬士秀復岳州丁巳賊  
陷榆林兵備副使都任家居總兵尤世威等死之城旣陷寧  
夏亦沒賊遂長驅而東庚申李自成陷襄陽韓王亶堵被執  
兵備副使段復興知府董琬鄉官麻禧等死之賊屠其城十  
二月壬戌張獻忠陷建昌乙丑周延儒有罪賜死總督范志

完趙光怵及吳昌時俱伏謀丁卯張獻忠陷撫州壬午李自成陷平陽西河王等三百人遇害又陷稷山河津甲申陷曹州巡撫林日瑞同知藍臺總兵官馬燧副總兵郭天吉中軍哈維新姚世儒鄉官羅俊傑趙宦等死之丙戌左良玉遣兵復長沙湘潭湘陰是年暹羅入貢

十七年春正月庚寅朔大風霾鳳陽地震庚子李建泰請措餉百萬治兵勦寇帝曰卿若行朕當儆古推轂禮丙午賊陷洪洞己酉陷聞喜壬子至趙城副總兵陳尙智迎降導賊破城自是所至多開門迎者乙卯南京地震遣官告太廟是日賜建泰敕辛酉陽門樓親餞丙辰工部尙書范景文禮部侍郎丘瑜並兼京閣大學士入閣預機務戊午李建泰至廣宗

城守不納攻三日破之二月庚申李自成陷蒲州附近諸縣皆降辛酉陷汾州知府侯君相汾陽知縣劉必達死之又陷懷慶福王由崧奔衛輝丁卯太原陷晉王求桂被執巡撫蔡懋德左布政使趙建極兵備副使毛文炳按察僉事畢拱辰俱死之辛未李自成陷黎城分兵陷臨晉壬申下詔罪已癸酉李自成陷潞安潘世子被執乙亥議京師城守李自成攻代州總兵官周遇吉力拒食盡退守寧武關丁丑賊抵固關分趨真定保定帝始聞山西盡陷命跡訪諸王所在庚辰遣高起潛總監關薊寧遠盧維寧總監臨德通津方正化總監真定保定杜勳總監宣府王夢弼監視順德彰德閻思尊監視大名廣平牛文炳監視衛輝懷慶楊茂林監視大同李宗

允監視薊鎮中協張澤民監視西協諸邊要害盡以中官監  
之兵部請俱罷遣弗聽壬午真定知府丘茂華與督標中軍  
殺總督侍郎徐標檄所屬降賊越數日賊兵始至甲申賊至  
彰德趙王常泮降丁亥詔天下兵勤王命廷臣條上戰守事  
宜御文華殿待之諸臣各以札入左都御史李邦華少詹事  
項煜右庶子李明睿竝言南遷及東宮監撫南京帝驟覽之  
怒甚曰諸臣所言謂何少間色漸平念言或可採已竟中寢  
都給事中吳麟徵請棄關外寧遠前屯二城徙吳三桂入關  
令屯近郊辦賊諸臣皆以棄地非策不敢任張獻忠陷夔州  
戎子陳漢罷李自成陷寧武周遇吉闔門死之賊屠寧武別  
陷大同代王傅濟闔宗遇害巡撫景璠分巡道朱家仕督

種郎中徐有聲總兵官朱三樂俱死之三月庚寅召文武大臣及科道於中極殿問以方略命中官與勲臣卿貳分守九門李國楨爲提督辛卯李建泰自軍中奏請南遷願奉皇太子先行壬辰召廷臣於平臺示以所奏曰國君死社稷朕將安往耶范景文及李邦華項煜俱言太子撫軍江南於計實便給事中光時亨曰奉太子往南諸臣意欲何爲諸臣嘿然帝嘆曰朕非亡國之君諸臣皆亡國之臣也遂拂袖入蔣德璟乞休許之癸巳封吳三桂左良玉薊鎮總兵官唐通鳳廬總兵官黃得功俱爲伯賊攻保定丁酉棄寧遠徵巡撫王永吉總兵官吳三桂兵入衛并唐通劉澤清召之戊戌李自成次陽和長驅向宣府癸卯復頒罪己詔於天下乙未唐通以

八千人入衛丙申命通與中官杜之秩守居庸關賊至宣府  
監視太監杜勲迎降巡撫朱之馮武舉金振孫死之戊戌王  
承恩提督京城內外防守王永吉箝制各鎮俱聽便宜行事  
癸卯賊抵居庸關唐通杜之秩迎降甲辰陷昌平焚十二陵  
總兵官李守鐸力戰死之乙巳賊攻平則彰義門城外三六  
營兵潰降丙午李自成設坐彰義門繼杜勲入見帝請自爲  
計帝手書親征詔召鞏永固令以家丁護太子南行對曰臣  
等安敢私蓄家丁申刻曹化淳啓彰義門迎賊入及夜內城  
亦陷帝召太子三王令中官分送外戚周氏田氏家周后承  
旨先崩通長平公主昭仁公主殺妃嬪數人袁妃迫令自  
經懸絕於殿前帝乃至萬歲山崩於壽皇殿太監王承恩從

死御書衣襟曰朕涼德藐躬上干天咎致逆賊直逼京師皆諸臣譏朕朕死無面目見祖宗自去冠冕以髮覆面任賊分裂無傷百姓一人其日太子奔周奎家不得入走匿侍奄外舍戊申閣監獻太子賊送劉宗敏所又擁定王永王至畱之西宮吳三桂前鋒抵豐潤京師已陷二日矣庚戌賊移帝后喪置東華門外丙辰賊遷帝后殯於昌平昌平士民啓田貴妃幽宮奉帝后合葬己卯

大清兵至山海關吳三桂出降是日大敗李自成兵於山海關自成奔還都城丁亥自成西走庚寅

大清兵入京師辛卯令臣民爲崇禎帝服喪三日以帝禮改葬順治十六年十一月壬申



東華皇帝道經帝陵

思陵明亡